

ASO LUA, 22 IANUARI 2013

Na tauaofia le Fono Aoao Faitulafono i le itula e 9.00 i le taeao e tusa ai ma le Polokalame o Fonotuga a le Palemene.

Na nofoia le Nofoa e le Fofoga Fetalai i le itula e 9.00 i le taeao.

Tatalo.

FOFOGA FETALAI: Ou te muamua ona ou ofo alofa ma faatalofa atu i le pata maualuga o lo tatou taeao fou, le paia o le Palemene i ona tulaga faalupelupe i le afio o lau Afioga i le Taitai o le Malo, Afioga i le Palemia ma lau Kapeneta mamalu, le afio o lau Afioga i le Taitai o le Itu Agai ma lena tala-na-atoa, aemaise sui usufono mamalu uma o le Palemene i ona paia popo ma ona pa e le solo. Ou te tallitonu o outou lava o sui usufono filifilia aua le paia o Aiga faapea Faleupolu Tofia o Samoa.

E manatu foi o lea ua toe pae lausono lo tatou Sa folau i lenei taeao, se i o tatou toe lalafo le upega i le tai faae, sei o tatou toe faatu le fanā ma talatala le la afa ma le la fala aua lo tatou alo atu i le tauavagameaina o a tatou galuega faatino mo lenei tausaga. Ua faamalo le soifua manuia, malo, le folau, malo le malaga manuia. O lenei ua tatou toe potopoto i lenei taeao fou, la vili le Atua i mea uma.

E fia faafetaia foi le tapuaiga a Samoa aoao mai lava i ona Ao sela oo i ona lu. O lo o outou po pea le fala ma tui mai le mulipapaga ma tapuaia le alofaiva a lau Palemene. Le tapuaiga mamalu a Lana Afioga Mamalu, O Le Ao o le Malo faapea lau Masiofo, lau Afioga i le Sui o le Fono a Sui Tofia ma lau Masiofo, lau Afioga i le Faamasino Sili ma le Ofisa o Faamasinoga, o faa-Ao ma Faauluuluga o Matagaluega ma Faalapotopotoga a le Malo aemaise Faalapotopotoga Tumaoti. Le malosi o nuu ma tausala o Samoa o lo o outou galulue ma vae ma lima i ai le tamaoaiga o lo tatou Atunuu.

O paia ia aua le maualuga i Aiga ma a latou Tama, Tama ma o latou Aiga, Tumua ma Pule, Ituan ma Alataua, Aiga i le Tai ma le Vaa o Fonoti, ae vaeane Faleupolu o Tofia e faalele fulu i ai Samoa i ana Fetalai. Le mamalu i pule mamalu a alii ma faipule faapea le loaloa o Samoa i ona tulatoa ma ona tala-na-atoa, vacane le tautua leleoa a faletua ma fausi, saao ma tamaitai.

E avefa foi lenei avanoa ou te ofo alofa atu ai i le Motu i Sasae i le tapuaiga a Tutulla ma Manua i lo tatou va faafeagai ai. O paia na o Samoa-na-lua, o le aiga, o le uso aua o le lauti ua uma ona lalelei. O le pata maualuga i le Faigamalo fou, le afio o lau Afioga i le Kovana Sili, Afioga Lolo Matiasi Moliga faapea le Lutena Kovana, Afioga Lemanu Peleti Mauga aemaise le afio o Fofoga Fetalai o Maota ma sui mamalu uma o Maota.

22 IANUARI 2013

Malelega mai Le Ao o le Malo

Ua faamalo le tofa, ua faamalo le salli Malo. O lea ua tofi tofa le Laau a le Tamaitai ma ua maea ona tofi, ua tu mal lagi le lagaali a Tamafaiga. Ua outou sama se mago, fili se agavaa aua le fautaiga o le Sa folau o lena Itu o lo ta aiga. Faamoemoe laia i le Atua le tatou savaliga. O Ao na o Manu mo la outou Nofoaiga fou. Tau lava ina ia tumau le filemu ma le nofo fealofani ia Samoa-na-lua.

Ou te faatalofa atu foi i le paia maualuga i le Aufaigaluega Pala a le Atua i so o se fata faitaulaga i Samoa atoa ona o lo o outou fai foi le faiya o tausala. O le itula o le po e lelei ai le malologa a Samoa, o lo o outou tatolo pea ma le leleoa aua Samoa ma sona manuia. Faamalo le ositaulaga, faufetai le aoao o manū mo le Atunuu. E ui ona ua matagitogaina ma afatia le folauga i le amataga o lenei tausaga, e lo tatou maluapapa tatou te malu ai, ae tau lava ina ia o tatou maua le loto faamaualalo ma le moe manatunatu po o le a se feau taua o lo o molimoli mai mo si o tatou Atunuu. O lea Samoa, tatou loto tetele, tatou galulue pea ma faaauaulina lo tatou valaauina ma lo tatou faatuatuaga o lo o solifua le Atua ma o lo o Afio pea i le sa folau o Samoa.

O lenei taeao le Palemene, saga mai ai o le tai aua le faatinoina o a tatou galuega i lenei taeao fou.

MALELEGA MAI LE AO O LE MALO

Na fofogaina e le Fofoga Fetala'i Malelega mai Lana Afioa Mamalu, O Le Ao o le Malo.

1. "TUSI mo:

Le Fofoga Fetala'i:

E tusa ai ma le Mataupu 59 o le Faavae o le Malo Tutoatasi o Samoa faapea Tulafono Tumau 95 a le Palemene ua tuuina atu nei le mallega i le Fono Aoao Faitulafono e Hoololua ai le Tulafono Tau Faaofi ua faaalia iinei:

1. Tulafono Tau Faaofi o le Pulea o Taifau 2013.

TUUINA ATU i lou nei Lima i lenei Aso Gafua 21 o Ianuari i le tausaga 2013.

(Salnia): Tui Atua Tupua Tamasese Efi
OLE AO O LE MALO.

22 IANUARI 2013

Malelega mai Le Ao o le Malo

2. TUSI mo:

Le Fofoga Fetalai:

E tusa ai ma le Mataupu 59 o le Faavae o le Malo Tutoatasi o Samoa faapea Tulafono Tumau 95 a le Palemene ua tuuina atu nei le mallega i le Fono Aoaofa Fautulafono e iloiloina ai le Tulafono Tau Faaofi ua faaalua iinei:

1. Tulafono Tau Faaofi o Faaunegatupe a le Faaputugatupe Teu Faafaigaluega o Mavaega Tausi a Samoa 2013.

TUUIINA ATU i lou nei Lima i lenei Aso Gafua 21 o Ianuari i le tausaga 2013.

(Sainia): Tui Atua Tupua Tamasese Efi
O LE AO O LE MALO.

3. "TUSI FAAMAONIA O LE TULAGA FAANATINATI

E tusa ai ma alaiga o le Tulafono Tumau 99(2) O AU, O TUI ATUA TUPUA TAMASESE EFI, O LE AO O LE MALO, ua tuuina atu nei le Tusi Faamaonia o le Tulaga Faanatinati o le Tulafono Tau Faaofi ua faaali atu iinei mo le tagofia e le Fono Aoaofa Fautulafono i lana Fonotaga o le a usua i le Aso Lua, 22 Ianuari 2013.

1. Tulafono Tau Faaofi o Faaunegatupe a le Faaputugatupe Teu Faafaigaluega o Mavaega Tausi a Samoa 2013.

TUUIINA ATU i lou nei Lima i lenei Aso Gafua 21 o Ianuari i le tausaga 2013.

(Sainia): Tui Atua Tupua Tamasese Efi
O LE AO O LE MALO."

22 IANUARI 2013

TUUINA ATU O PEPA

Na tolaulaulina e le Fallautusi le Pepa ua tuuina atu e tusa ai ma T.T.48.

1. P.P.2012/2013 Nu.61, Lipoti Faaletausaga a le Kamupani Vaalele a le Polensia mo le tausaga 2012.

TUUINA ATU O LIPOTI A KOMITI FILIFILIA

Na tolaulaulina e le Fallautusi Lipoti a Komiti Filifilia nei ua faataatia i luga o le Laulau a Fono e tusa ai ma le T.T.51.

1. P.P.2012/2013 Nu.62, Lipoti a le Komiti o Tupe Maua ma Tupe Totogi i le P.P.2012/2013 Nu.60, Tala Faatatau o Tupe Faaopoopo Muamua o Tupe Maua ma Tupe Totogi a le Malo o Samoa mo le Tausaga Faaletupe 2012/2013.
2. P.P.2012/2013 Nu.63, Lipoti a le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa i le Tulafono Tau Faaofi o Faamalumaluga e Faamau ai Meatotino Tau le Tagata lava Ia 2012.
3. P.P.2012/2013 Nu.64, Lipoti a le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa i le Tulafono Tau Faaofi o Sootaga Va Lelei o Leipa & Galuega 2012.
4. P.P.2012/2013 Nu.65, Lipoti a le Komiti o le Solfua Maloloina, Galuega Tau le Va Fealoal, Mataupu Tau Lotoifale ma Atinae o Afioaga ma Agafesootai i le Tulafono Tau Faaofi o le Saogalemu o Aiga 2012.
5. P.P.2012/2013 Nu.66, Lipoti a le Komiti o Galuega, Felauaiga ma le Siosiomaga i le Tulafono Tau Faaofi o le Komisi Faufautua o Fanua Faaleaganuu 2012.

LAFO A LE KOMITI O GALUEGA, TULAFONO TUMAU, MAOTA FONONO MA MATAUPU TAU FAIGA PALOTA

FOFOGA FETALAI: Tulai mai lau Afloga i le Sui Taitafono, Afloga i le Sui Fofoga Fetalai.

Tofa AGAFILI PATISELA ETEUATI TOLOVAA (Sui Taitafono, Komiti o Galuega, Tulafono Tumau, Maota Fono ma Mataupu tau Faiga Palota): Faafetai mo le avanoa lau Afloga i le Fofoga Fetalai.

Ae ou te le i faafinoina le galuega e pei ona tofia ai au, e auai faatasi lou nei sui usufono i le talosaga ma le vilga ua siitia e lau Afloga i le Fofoga Fetalai i luma o le Atua e sula ai Lona alofa ma Lona agalelei ona ua mafai ona toe tauaofa le Palemene a Samoa i le uluai Fonotaga o leni tausaga. E ui lava ona ua afatia lo tatou Atunuu, ae faafetai o lo o tumalo pea le agalelei o le Atua.

22 IANUARI 2013

**Lafu a le Komiti o Galuega, Tulafono Tumau, Maota Fono
ma Mataupu tau Faiga Palota**

E ofo alofa atu foi i lau Afioaga i le Fofoga Fetalai i lenei Tausaga Fou. E fia avea foi lenei avanoa e ofo alofa atu ai i lau Afioaga i le Palemia faapea le Aiga Kapeneta. E ofo alofa atu foi i lau Afioaga i le Taitai o le Itu Agai. E ofo alofa atu foi i sui usufono taitasi o le Maota o Samoa i lenei faeao fou ua tatou maua mo lana Fonotaga i lenei tausaga. E ofo alofa atu foi i lau Afioaga i le Failautusi ma le Ofisa o le Fono mo le faatautaiga o le Fono. E ofo alofa atu foi i le tapuaiga a Samoa mai lava i Lana Afioaga Mamalu, O Le Ao o le Malo seia oo i se aupito litiiti aemaise o vaega taitasi o le Atunuu ma le tapuaiga a Samoa.

E fia avea foi lenei avanoa e ofo alofa atu ai i lou Itumalo i Palauli Sisifo mai Nuuuli seia pala Falemali.

Lau Afioaga i le Fofoga Fetalai, ou te tulai atu e faatu le lafo, *Ina la faamaonia e lenei Fono Aoa o le Polokalame o Fonotaga mo le Tauaoflaga o le 2013/2014 ua tuuina atu i inel e pei ona faamaonia e le Komiti o Galuega, Tulafono Tumau, Maota Fono ma Mataupu Tau Faiga Palota.*

<i>Masina</i>	<i>Aso</i>	<i>Masina</i>	<i>Aso</i>	<i>Masina</i>	<i>Aso</i>
<i>Ianuari</i>	22	<i>Iuni</i>	18	<i>Tesema</i>	17
<i>Matl.</i>	26	<i>Aukuso</i>	06	<i>Ianuari</i>	21
<i>Me</i>	30	<i>Oketopu</i>	08		

Faaluaina e le sui usufono mo Alataua Sisifo, Afioaga i le Minisita o Tupe ma se tasi o sui usufono mo Faasaleleaga Nu.1, Afioaga Hon Gatoloaluaana Amataga Alesana Gidlow.

Na faamaonia le lafo ma faamaonia ai le Polokalame o Fonotaga a le Fono Aoa mo le Tauaoflaga o le 2013/2014.

FOFOGA FETALAI: Tulai mai lau Afioaga i le Minisita mo Tina ma Tamaitai, Atinae o Nuu ma Afioaga ma Agafesootai.

Tofa Hon Tolofuaivalelei Falemoe Leiatua (Minisita mo Tina ma Tamaitai, Atinae o Nuu ma Afioaga ma Agafesootai): Faafetai i lau Afioaga i le Fofoga Fetalai. Ona o lea ua saunoa le Sui Taitaifono o le Komiti e ana le lafo ma ua faapea mai o Iuni i le aso 28, a o le sao lea e i totonu i inel o le aso 18. Po o fea le mea sao leaga o lea o le a pasia e le Maota le lafo e pei ona faatulai mai?

FOFOGA FETALAI: Se i tulai mai le Afioaga i le Sui Fofoga Fetalai?

22 IANUARI 2013

**Tulafono Tau Faaofi o le Pulea o Taifau
2013 -- faitauga muamua**

Tofa AGAFILI PATISELA ETEUATI TOLOVAA: Faafetai lava i le avanoa lau Afloga i le Fofoga Fetalai. E faamalulu atu i le Maota, o le aso tonu lena o lo o i totonu o le pepa, o le Aso Lua, 18 Iuni ma le faaaloalo.

**TULAFONO TAU FAAOFI O LE PULEA O TAIFAU
2013 -- faitauga muamua**

FOFOGA FETALAI: Tulai mai lau Afloga i le Minisita mo Leoleo ma Falepuipui.

Afloga Hon SALA FATA PINATI (Minisita mo Leoleo ma Falepuipui, Auaunaga o Tinei Mu ma Faalavelave Tutupu Faafuasei): E muamua ona momoli atu le faafetai i lenei taeao fou ona o le alofa ma le agalelei o le Atua ua mafua ai lenei taeao matagofie ua tatou felloai ai i manū; ou te faatalofa atu foi i le paia maualuga o lo matou Itumalo o Gagaemauga Nu.1.

Lau Afloga i le Fofoga Fetalai ou te faatu le lafo, *Ina la faitaulina nei le Tulafono Tau Faaofi o le Pulea o Taifau 2013 i lona faitauga muamua.*

Faaluaina e le sui usufono mo Alataua Sisifo ma le Minisita mo Tina ma Tamaitai, Atinae o Nuu ma Afloaga ma Agafesootai.

Na faamaonia le lafo ma faitaulina le Tulafono Tau Faaofi i lona faitauga muamua.

FOFOGA FETALAI: E tusa ai ma Tulafono Tumau o le a faatulaga le Tulafono Tau Faaofi mo lona faitauga faalua i le aso fonu lona tolu e mulimuli mai.

**TULAFONO TAU FAAOFI O FAAUNEGATUPE A LE
FAAPUTUGATUPE TEUFAAFAIGALUEGA O MAVAE GA TAUSI A
SAMOA 2013 -- faitauga muamua**

FOFOGA FETALAI: Tulai mai lau Afloga i le Minisita o Tupe.

Afloga Hon FAUMUINA TIATIA FAAOLATANE LIUGA (Minisita o Tupe): Lau Afloga i le Fofoga Fetalai ou te faatu le lafo, *Ina la faitaulina nei le Tulafono Tau Faaofi o Faaunegatupe a le Faaputugatupe Teufaafalgauega o Mavaega Tausi a Samoa 2013 i lona faitauga muamua.*

22 IANUARI 2013

**Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafolaiga i luga o le faitauga faalua**

Faaluaina e le Minisita mo Fesootaiga ma Faamatalaga Tekonolosi, ma le Minisita mo Tina ma Tamaitai, Atinae o Nuu ma Afioga ma Agafesootal.

Na faamaonia le lafo ma faitauina le Tulafono Tau Faaofi i lona faitauga muamua.

**TULAFONO TAU FAAOFI O LE FAATATAUINA O TUPE
FAAOPOOPO (Nu.1) 2012/2013 – felafolafolaiga i luga o le
faitauga faalua**

FOFOGA FETALAI: E tusa ai ma Tulafono Tumau o le a faagasolo nei loa felafolafolaiga i luga o le faitauga faalua o le Tulafono Tau Faaofi o le Faatatauina o Tupe Faaopoopo (Nu.1) 2012/2013.

O le avanoa leni o sui usufono e saunoa ai i tulaga tau tupe ma le tamaoaga o Samoa faapea faiga faavae tau tupe a le Malo.

Tau lava ina ou faamanatu atu i sui usufono, e le tautalagia i le taimi nei la meataitasi o le Tulafono Tau Faaofi pei ona masani ai. O le taimi leni o felafolafolaiga faalauaitete e uiga i tu ma aga o le Tala o le Tupe ua faataatia i luga o le Laulau a Fono.

E faatoa faapitoa saunoaga i meataitasi o le Tulafono Tau Faaofi i taimi o le Hooloaga Auiliili o le Tulafono Tau Faaofi pe a maea felafolafolaiga o le faitauga faalua e pei ona tatou masani ai.

Ia ua tatala atu le avei i lo tatou Maota i leni taeao, ina la soalaupule le tatou Tala i le Tupe. Tulai mai lau Afioga i le Palemia.

Susuga Hon Tullaepa Fatialofa Lupesoliai Aiono Neioti Saillele Malielegaol (Palemia): Lau Afioga i le Fofoga Fetalai, faamalo o lea ua tea atu le vaega muamua o le tatou Fonotaga. Na ona ou faamanatu atu, o le tala aupito lata mai o le Afa, e ono taunuu mai i le ta o le 2:00, e tapenapena lelei ai outou o sui usufono mo ni tapenapenaga tatau. Ae na ona ou faamanatu i le tatou Fonotaga atonu a oo atu i ai ua taape foi ma le tatou Fono ua tuua, ua uma galuega – ma o lea o lo o tamau le saunoaga folafola a le Taitai o le Itu Agai, o le a tutu mai loa lava i le aso, lagolago loa le Tala o le Tupe ma pasia loa. Ia na ona ou faamanatu tei ua galo. O au nei e lelei tele le memory, o lea lava ou te manatua lelei i a tatou tuugaupu ae tatou te lei tuua.

Ia na ona ou faamanatu, ae manuia tele le tatou Fono ma felafolafolaiga i leni taeao fou.

FOFOGA FETALAI: Ia malo faamanatu i lau Afioga i le Taitai o le Malo, o lea foi e tusitusia ma faamaonia e le Nofoa le saunoaga lea ae tatou te le'i maea atu.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 -- felafolafoalga i luga o le faitauga faalua

A o le a lafo atu pea aua o lea ua tulai mai, atonu o lea o le a fetau fola i le taeao nei, tatou alo loa i le auililliga ma tatou malolo ai.

Tulai mai lau Afioga i le Taitai o le Itu Agai.

Afioga Hon Palusalua Faapo II (Taitai o le Itu Agai): Lau Afioga i le Fofoga Fetalai, na o sina mea lava e fia faamalamalama lau Afioga, ma le faaaloalo. Ou te faafetal foi i le Afioga i le Palemia le toe faamanatu mai, ae tatau foi ona ou toe faamanatu atu lana tali na aumai i lenei taimi -- ma ua alu atu foi lenei tausaga ma tala o lenei tausaga, ae o lea e faoto lelei, e le faatopelaua a tatou mea e fai. O le mea la lea lau Afioga i le Fofoga Fetalai e auala atu i le Afioga i le Palemia, aua tou te popole i le Afa, o lea lava ua maunono o la ua seeseese le Afa, ia ae tatou tausisia, aua le faatopelaua, o lea foi la ua sauni mai lenei Vaega e saunoa ma fesoasoani atu i le galuega a lenei Itu. Ma iou faaaloalo lava.

FOFOGA FETALAI: Sei tulai mai lau Afioga i le Palemia.

Susuga Hon Tullaepa Fatialofa Lupesoliai Aiono Neloti Sillele Mallelegaol: Lau Afioga i le Fofoga Fetalai, o au e ana le upu. Ae aua le faatopelaua i lenei taimi sei oo lelei mai i lenei taimi sei lava le malologa, ona omai loa lea ae o le a matou mataitu, pe faaaloalo lana Vaega i lana upu, o la o le Taitai. A faapea loa e tatau ona...e le faaaloalo ia e lana Vaega ma le usitaia se faatonuga mai le Taitai, ia ou te le tau fai atu, ua tatau loa ona fai sa outou faaluga.

FOFOGA FETALAI: E faafetal atu i lau Afioga i le Palemia, ia e talitonu foi o lea e maitau ma le totoa le Nofoa ma le tatou Maota i lenei taeao, o lea foi e faafogafoga tapuai le Atunuu. Ia lau Afioga i le Taitai o le Itu Agai, e le tau fai atu le tofa ma le faautautaga i lenei Itu o le Maota. O lo o e tausi le Aiga e sili ona malosi i le Atunuu, o lea foi ua faafogafoga Samoa i lenei taimi ma saunoaga, e le alo ia i luma ma alo i tua lo tatou Sa. E i ai foi lava le faanaunautaiga aua a na aumai le Tala o le Tupe ma faataatia ese Tulafono Tumau i le aso lea, masalo e pasi lava le Tala o le Tupe ona o lou finagalo.

Ae ui o lea na ona faamanatu atu, e le na o tatou o lea e fono, o lo o faafogafoga le Atunuu, ia o 'ai lava o le tatou galuega mo lenei aso. O lea foi ua tulei saunoa ma fai le tatou tatalo faamanuia, masalo o le a ogatasi le aso.

Ae o le a faaauau le tatou galuega, o le a maitau Taualumaga o lenei aso ma faamoemoe, ae o le faamanatu a le Nofoa, o le Tala Faatatau lenei o le Tupe o le Tala Faaopoopo, ua uma ona tatou soalaupuleina le Tala Faatatau Autu o Tupe, ia ae o nai mea faaopoopo e fesoasoani ai mo lenei vai taimi ma le atugaluga ua tatou afatia i le amataga o lenei tausaga. Sei toe tulai mai lau Afioga i le Taitai o le Itu Agai.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoalga i luga o le faitauga faalua

Afioga Hon Palusalue Faapo II: Ioe lau Afloga i le Fofoga Fetalai na o sina mea lava e fia faamalamalama, leaga e taua le mea lea ua laga faapea o le a le faaaloalo mal lenei Vaega e tusa ai ma sau tala na fai. Na alu ananafi o matou fono toetiiti po, na talosaga mai lava lau Vaega e alofa mai ma faaaloalo mai foi i lou tulaga, aemaise o upu e pei ona saunao i lea aso. Ae o le mea lava e fia faalloa atu i lau Afioga i le Fofoga Fetalai, maimau e i lena taimi, le taimi na vevesi ai le Atunuu, ioe, i le naunau atu a lenei Itu ina ia faapasialoa le Tala. Ia ae o lea ua see lo tatou vaa, ia o la foi ua amata ona atinae lo tatou Atunuu ua toe foi lava le soifuaga sei vagana nai vaega laiti. O le mea la lea e faamalulu atu ai i lau Afioga, e leai se tulaga faapena i le Vaega nei. Ae o le taua ia o mea ia i le Tala o le Tupe, o le ala foi lea o le fia lauga o lenei Itu e fesoasoani atu i le Malo. Ma lou faaaloalo lava.

FOFOGA FETALAI: Malo faafetal. E manatu e faatea ia i tuafale ia pisa mo le nuu, ae o le a tatou sagai e faasolo le tatou galuega.

O le avanoa lenei ua lafo atu i se isi o le Maota e fia tulei saunao, aua le amataina o le tatou Tala o le Tupe.

Ia tulai mala le sui usufono mo Faasaleleaga, ia o le a tamua Puleono i Salafai ma Aiga i lenei taeao. Tulai mai lau Afioga i le sui usufono mo Faasaleleaga Nu. 2.

Susuga PAPALII LIO FAAVAIVAIVOMANU TAEU MASIPAU (Faasaleleaga Nu.2): Faafetal i lau Afioga i le Fofoga Fetalai, faafetal foi i le paia o le Maota, ia e talitonu lava i lenei taeao e au faatasi foi lou nei sui usufono ma le taulaga faafetal foi i le Atua i Lona agalelei o le mavae mo le tatou Atunuu, aemaise foi o lenei valtau o le folifoli mai o Ana galuega mamana, e au faatasi foi ma lau Afloga le agaga faafetal i le Atua e le o tuulafoailina lo tatou Atunuu. Malo faafetal i lau Afioga.

O tulaga foi o lenei taeao ma felafolafoaiga, o lena ua saunao atu le Taitai o lenei Vaega Faaupufai, sa feiloai foi ananafi ma talanoa i le itu lea, ae peitai, ia atonu o lenei foi avanoa taua o lea ua aumai lenei laolao, e avatu ai foi sa matou fesoasoani i le Afioga i le Palemia ma le Kapeneta ma lena Itu o le tatou Maota, ia leai e tapue atili lava aua le manula au i luma o le Atunuu ma le faamoemoe aua le tatou Tala Faaopoopo Faatatau o le Tupe.

Lau Afioga i le Fofoga Fetalai, e talitonu lava malo lava faafetal i lenei foi... aemaise foi o le Lipoti a le Afioga i le Taitaifono ma le mamalu o le Komiti o Tupe, o lea foi e pei ona maua i luga o le Laulau a Fono, malo faafetal mo lenei galuega maea, e talitonu foi, e ui lava i lenei valtau ae sa faatino lava galuega a le tatou Komiti ona o le manatu aua le manula agai i luma ma le manula lautele o le Atunuu. O le agaga faafetal lea i le Afioga i le Taitaifono ma le mamalu o le Komiti o Tupe.

22 JANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faltauga faalua

Ona oo mai lea i le Ofisa o Faatoaga, malo lava faafetai. O lea ua maua foi le Lipoti e tusa ai foi o Tala Faatatau o Tupe mo le Ofisa o Faatoaga, malo faafetai, e momoli foi le agaga faafetai i lau Afioga i le Minisita ma le tatou Matagaluega o Faatoaga. Ae i ai ni nai fesoasoani atili mo le tatou Matagaluega lava o Faatoaga, o le tatou faatauina lava lea o a tatou talo i fafo. E talitonu lava, e leai o lea lava ua maua ia fuafuaga foi ma faatatau a le Matagaluega aua ia fesootaiga foi o i latou aua le tau aveina o tatou talo i fafo mo le faatauina. O se lagona faasui usufono mai Savaii, ia o nisi foi o faasalalau a le Matagaluega, ia ua faasalalau na o Upolu nei. E pei o le agaga lena e avatu pea i lumanica o lea e faafofoga iau Afioga ma le Matagaluega, ona o Savaii o lea foi e maitau atu, pei lava o le talo numera tasi ma le talo numera lua lea e manaomia. Ae ou te molimau atu, o Savaii i le taimi lena o le matua tele lava o le talo lea numera tasi ma le numera lua. A outou affilo atu foi i Savaii, o lo o faatau lava i lumafale e amata atu lava i Salelologa sei tau i le Itu o Tane faapea le Itu Salega. Pei o le agaga lena e avatu, ona o le manatu ina la tuu atu foi se avanoa i Savaii i faasalalau mo le aveina o le tatou talo i fafo.

O le tulaga o a tatou Quarantine, e talitonu lava o le fesoasoani atili mo le Matagaluega, ne'i meaane ua avatu a tatou talo i fafo o faaletonu, pei o lea e tau maua foi i se faalogo. Ae talitonu, a faamaoni lava le vaega lea o le Matagaluega o le Quarantine, e talitonu lava o le a le ave valeina foi a tatou faaeleleaga i fafo. Ae talitonu a faamaoni ma lelei faatino ia itu uma, ou te talitonu lava o le a sologa manuia ma faateleina a tatou talo e ave i fafo, pe a lelei ona vaai ma faatino tiute fai o le tatou vaega lea o le Quarantine.

O le stimulus package lea e tau maua, o lea ua maua ua toe faafoi mai le tele o a tatou tupe lea sa fuafua mo a tatou galuega ia. O le agaga lava ia, e ese le taua o lea polokalame e pei foi ona laugaina soo foi i totonu o le Maota lena, e ese le taua o lena, ...pei se faalototele, pei se faaoloataua i faifaatoaga ina ia uunai a tatou faatoaga. O lea ua maua pei a le usitai loa e lea vaega ua toe faafoi mai a tatou seleni. Ae manatua foi, o le tiute lava lea o le tatou Matagaluega, o le fautua advisory roles foi lea mo a tatou faifaatoaga. E tatau lava ona toe faalototele ma faalaeiau atili ma toe faamanatu ina ia faatino fuafuaga ma mea ia ua fuafua atu e le Matagaluega aua le agai i luma, ae a toe aveese mai se seleni fuafua, pei o se tulaga faapena. E manatu ai, e leai o le taua lava ia, o le faalototele o nai a tatou faifaatoaga, e tele foi le faifaatoaga e vaivai foi lo latou, ...ae faamoemoe i le tatou Matagaluega o lo o i ai tomal eseese ma tomal faapitoa e fesoasoani i le tatou polokalame.

FOFOGA FETALAI: Malle le sui usufono o lo o saunoa, sei tuu atu le avanoa i le faauilavea a le Afioga i le Palenla.

22 IANUARI 2013

**Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faltauga faalua**

Susuga Hon Tullaepa Fatialofa Lupesoliai Aiono Neioti Sallele Malitelegaoli: Lau Afloga i le Fofoga Fetalai, leai ou te fia malamalama lava pe mafai lava ona toe faalautele mai faasalalauaga ia e fitoitonu na o Upolu. Ou te faale o malamalama i le faaaliga lea aua e le o i ai sou malamalamaaga e na o Upolu o lo o faia i ai ni faasalalauaga. O le mea lea e ave ai i fafo talo, e le na o le tatou Matagaluega o lo o faia le mea lea, o lo o i ai foi i latou o lo o fai a latou uta talo o lo o ave i fafo, o latou o lo o nafa ma le atinae lea. E leai la se faiga faavae o ou iloa nei a le Matagaluega o Faatoaga e fai mea faapito i le aufai talo na o Upolu. Pe mafai lava ona aumai se faamalamalamaaga o le mea lea nei nunu le toau i le faalogologo atu.

FOFOGA FETALAI: Faafetai i lau Afloga i le Palemia.
Tulai mai le sui usufono mamalu e faaauau le saunoaga.

Susuga PAPALII LIO FAAVAIIVAIOMANU TAEU MASIPAU: Faafetai i lau Afloga i le Palemia e tauala atu i le Nofoa, o faasalalauaga na a le Matagaluega. E le alofia vaeatu le paia o le Maota, o au le isi tagata faifaatoaga o Savaii. O le ala lea o lou taua o le tulaga ona na alu atu le faasalalauaga o faifaatoaga talo uma i Upolu o le aso lea o le.....masalo faatoa lua nei vaiaso o le faasalalauaga lea ou te taua. Ou te iloa o lea e faafofoga mai le Minisita, sa saini atu ai le Matagaluega.

E pei o le uiga tonu lena ae e le mafai ona soona aumai ni mea faaletonu i totonu i le Maota aua o le talitonuga lena o matou le aufaifaatoaga i Savaii o le lagona lena sa i ai. Pe faatoa lua ea vaiaso talu pe tolu o se mea faapena. Ma le faaaloalo lava.

FOFOGA FETALAI: Sei tulai mai le Afloga i le Minisita mo Faatoaga ma Faigafaiva e faamalamalama le mataupu.

Afloga Hon Le Mamea Ropati (Minisita mo Faatoaga, Faigafaiva ma le Faleoloa o Faatoaga): Faafetai i le alofa o le Atua i lena taeao ua amatalla le tatou Fono. Ua taitai manuia mai lo outou solifua ma le ola. E faamalulu atu e le o maua foi e au le tulaga lea e saunoa i ai le sui usufono aua e leai se polokalame faapea a le Matagaluega e faapitoa na o se motu e tasi. O lea lava e lavea Upolu ma Savaii ae o nisi o talmi atonu o ni pusa e fia vave ave lea e ala ai ona saili mai i Upolu ao lea e silafia e taamilo lava le Matagaluega i Savaii. Ua uma foi ona fai le tatou pack house i Salelologa e pack ai isi containers pe afai e ave le talo i fafo ae leai se tulaga faapea lau Afloga i le sui usufono e faapitoa le aveina o talo nao Upolu, ae lafo mala lou fanoga sei ou talanoa i le Matagaluega po o i ai se faasalalauaga faapea na fai.

Ma le faaaloalo lava.

22 JANUARI 2013

**Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua**

FOFOGA FETALAI: Malo faafetai mo le faamalamalama a lau Afioga i le Minisita. Ou te manatu ua malamalama le mataupu le sui usufono mo Faasaleleaga Nu.2.

Aua la le atugalu faifaatoaga i Salafai. O lena foi ua fau le fale e lau i ai tatou talo ae masalo o nisi suiga faatopetope ae o lo o tumau pea le amanaia o faifaatoaga mai Savaii ma Upolu.

Tulai mai le sui usufono e faaauau le saunoaga ae see ese ma lea mataupu.

Susuga **PAPALII LIO FAAVAIYAOMANU TAEU MASIPAU:** Faafetai i lau Afioga i le Fofoga Fetalai, faafetai foi o lea ua saunoa le Afioga i le Minisita, ia o le a faamoemoe atu i lau Afioga i le Minisita ma le Matagaluega i nai faifaatoaga o Savaii mo tatou talo.

Ona ou oo mai lea i le 2AP, e talitonu lava ua talafegai lenei seleni mo le faamoemoe o le 2AP aua ou te talitonu lava au ia, o le Ofisa Faasalalau lenel, o au lava la mai Savaii i le mamao o lana faasalalau, e ese le faatuatuaina o le 2AP i ana faasalalaua aemaise le tala o le tau ma mea uma lava. Ia te au lava la ua matua lagolagoina le tulaga lea i le 2AP ae pau lava o lea ona o lea e faamoemoe e fai le fale lea i Mulinuu. Ae sei silasila aua o Mulinuu e pel e afaina gofie i matagi ma tulaga faapea a o le talitonuga lava ia o se mea ua talafegai le fale mo le Ofisa Faasalalau lea aua e tele lava lana faasalalaua e oo atu lava i Savaii. O le agaga lena na o se fautuaga, o lea e tele le seleni lea ua faamoemoe mo le fale lea ae lelei lava le faamautinoa lelei aua le agai i luma i lenei vaitau ua le tutusa le tau e pel ona i ai.

Ona ou oo mai lea i le Matagaluega o le Soifua Maloloina. Ou te talitonu lava ua faatino foi le galuega a le Matagaluega o le Soifua Maloloina i le fale tele. O lea ua mava ua sologa lelei ma ua faataatia foi suafuaga mo le maota tele i uta i suafuaga ma fautuaga a le afaigaluega ma i latou aua le faateleina mo gasegase. Na o se fautuaga aua o le konekarate lava foi lea na fala le tatou fale tele lea o le Tui Atua nei foi ua le lava le paoa i se isi taimi e pel ona i ai i le Maota lea ma sei silasila i ai i afaina le galuega tele aua o le fale lea e fuafua mo gasegase o le Atunuu. Ao le matou lena fautuaga ma le silasila ina ia lelei ma faatino atoatoa le Maota fou lea mo le Maota Gasegase i Motootua aua lava le Atunuu ina ia aua nei i ai se faaletonu pel o le mea lea sa tupu i le fale o le Tui Atua Tupua Tamasese Efi.

Afioga Hon Faumuina Tiatia Faaolatane Liuga: Lau Afioga i le Fofoga Fetalai,....

FOFOGA FETALAI: Malle le sui usufono mo Faasaleleaga Nu.2, sei tuu atu le avanoa i le Afioga i le Minisita o Tupe.

Tulai mai lau Afioga i le Minisita o Tupe.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafaiga i luga o le faitauga faalua

Afioga Hon Faumuina Tiatia Faaolatane Liuga: O se mea e fia faasao ma faamalamalama, e lei sioki le paoa i le TATTE Building. Talu ai le afa lea na sei mavae atu, na sao i ai le timu i le mea e i ai le computer e control ai le flow a le eletise i le fale atoa ma ua uma foi ona toe faalelei. O mea nei o fale e fai i luga o fuafuaga la lava le capacity ia sili atu pe afai e faatuputupulaia le manao.

Ma lou faaaloalo lava.

FOFOGA FETALAI: Faafetai o le mea sili ua faamalamalama lea mataupu.

Tulai mai le sui usufono e faauau le saunoaga.

Susuga PAPALII LIO FAAVAIVAIVOMANU TAEU MASIPAU: Ua aoga foi lou laga o lea mataupu o lea ua maua ai faafetai. Ae toe faau mai la Afioga i le Minisita e tauala atu i le Afioga i le Fofoga Fetalai. Ao le fale o le fale fou ae ou te ofo au i le malagalaga o nei apa ae le o malagamalaga faleoo ao lea ua malagalaga nei fale apa. Ae ui i lea, e pei o le fautuaga lea e aveatu pea.

Afioga Hon Faumuina Tiatia Faaolatane Liuga: Lau Afioga i le Fofoga Fetalai...

FOFOGA FETALAI: Malle le sui usufono sei toe tuu atu le avanoa i le faamalamalama a le Minisita.

Afioga Hon Faumuina Tiatia Faaolatane Liuga: Tasi lea mea e le malamalama i ai le vaega sa leoleo, na o le vaega o Tulafono ae le teua afi ma computer i totonu o fale tetele. E i ai tamai fale la e tutu mai luga lea na afaina. O lena e te silafia o le mea lava na ui mai ai le afa, o mea na afaina no faleoo e lei ui mai ai le afa o la e tutu. Ma lou faaaloalo lava.

FOFOGA FETALAI: E manatu o le a le fala faafinauga leaga ua maea le afa o Eveni. E iu ina toe sau Eveni pe a tautau soo Eveni i le taeao lena.

Ae tulai mai le sui usufono e faauau le saunoaga.

Susuga PAPALII LIO FAAVAIVAIVOMANU TAEU MASIPAU: O le a ou alu ese ma le vaega lea ua malle foi lou loto i le saunoaga a le Minisita. Ae o le isi tulaga i le tatou Maota i uta, o le vaega lea o le Mental Clinic po o le vaega mo i latou e le atoatoa mafaufau. Aua e pei ona maua o lea ua silafia e le Maota le faalavelave na tupu mai Tafalgata, ua afaina fua le Matagaluega o Leoleo e le o se latou matafaifai lea le vaega o latou e faaletonu mafaufau ao lea ua maua o le a toe faatu le Clinic lea, e ese le taua, leaga o le mea sa faatino i aso ia. Ae ona o le faasologa mai o galuega ma tulaga faapena lea na mafua ai ona aveese.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua

Ae ou te talitonu faafetai o lea o le a toe faatino ona e taua e talafeagai lelei lava e mamai i foma'i ae le talafeagai mai ma leoleo. E pei o le tulaga tonu lena e eseese mamao lava le faamalosiā o le tulafono, ese le faamalosiā o mafaufau. O le mea lea e taua ai tele le toe faatu o le fale lea mo e le atoatoa le mafaufau ma e lagolagoina.

O le tatou fale talava'i, e lei maua se isi e va'ia lea vaega ae i ai nisi o alo ma fanau ua pasi atoatoa mo le va'ia o le fale talava'i a o lau faalogo o lo o va'ia lava e le Pule Sili. O le agaga lava ia afai ua faasikolasipi tatou alo ma fanau ma ua pasi atoatoa mai atonu o le avanoa lea e faasolo ai i luga alo ma fanau a le Atunuu o e ua pasi atoatoa le tomai i tulaga faapea e faa'oga ai. Ao le fautuaga lena i lau Afoga i le Minisita ma le Matagaluega.

Ona ou oo mai lea i le Matagaluega o Punaoa Faalenatura ma le Siosiomaga, faafetai mo lea vaegatupe mo i latou na aafia i le afa na uma atu nei. O lea lava ua tala e lenei vaega ma lenei itu le atoatoa ma le taua. Ae pau lava le tatalo sei alofagia nai aiga aemaise lava nai aiga ia na aafia i le vai aua e lelei lava latou na afaina i le matagi aua o la e o isi mea o le fale ao la e tutu isi mea o le fale va'eane le faafofoga ao nai aiga lava ia mo se ata faataitai o le nuu lea o Maglagi, masalo pe toaluasefulu lima aiga na faafuasei lava ona, pa le vai ma ave mea uma e oo lava i atopau ma lavalava ua ave uma mea o le fale. E pei o le agaga e faapena, e fautua atu ai i nai aiga ia ua mafatia tele ae talitonu foi e le faigofie le faasoā, e tele ma anoanoai aua a oo ina taulai tagi mai le Atunuu ao le fautuaga lava ia a lou sui usufono o nai aiga ia ua matua leai ma se mea e tasi. O lea e tele lenei seleni ma o le tatou Atunuu foi e faamalie gofie lava aua a aveatu lava i ai se tai lima afe a le aiga e fesoasoani i mea ua faaleagaina.

Susuga Hon Tullaepa Fatialofa Lupesollai Alono Neloti Saillele Malielegaoi: Lau Afoga i le Fofoga Fetatai.....

FOFOGA FETALAI: Malie le sui usufono o lo o saunoa sei tuu atu le avanoa i le Afoga i le Palemia.

Susuga Hon Tullaepa Fatialofa Lupesollai Alono Neloti Saillele Malielegaoi: O aga faale Malo a tulai mai loa faafitauli faapea, e muamua ave i ai fesoasoani muamua e pei o le vai lea sa e taua, o lavalava ma le anoano o meaai sa faasoā. O le toatele foi o i latou sa nonofo i fale sulufai.

O le tausaga 1990 na pasi ai le Tulafono lina'i, na faatu faapitoa lava ina ua tuana'i le Afa o Ofa i le tatou fesoasoani masani e fa'atu ai le Housing Corporation o lina e alu atu ai le fesoasoani moomia o mea na masani. Na o le tasi lava le taimi sa faafaigofie ai mea faapea ona o le tele o tatou seleni na maua mai fafo, lea na mafua ona o le mala lea na tupu o le sunami ona o le toatele o i latou na malilili.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua

Ao seleni lea na maua mai nei e faavae ai mea faapena, na o le \$2.8miliona, o le aofaiga lena o le tupe e pau mai i le taimi sa faatulaga ai fuainumera. O lea la masalo ua malemo uma lava i galuega ia sa faatino nei. O le matua tele o le galuega sa fai. E faapena e le mafai ona e faasoaina le manai seiloga e maua muamua le manai ona faatoa e faasoa lea. Ae o lo o i ai lava mea faasoasoa e tua i ai aiga faapea. E lei soona faatuina, o le Maota lena na afua ai le faatuina o le Housing Corporation e tali atu i faalavelave faapea. O le mea lena e fai, e fai uma lava e Malo, Malo mauoloa ma Malo vaivai.

FOFOGA FETALAI: Malo faafetai i le faamalamalama a lau Afloga i le Palemia. Ou te manatu ua malamalama le folasaga le sui usufono mo Faasaleleaga Nu.2.

Afloga Hon Palusalua Faapo II: Lau Afloga i le Fofoga Fetalai o se mea e fia faamalamalama.

FOFOGA FETALAI: Sei tuu atu le avanoa i le Taitai o le Itu Agai.

Afloga Hon Palusalua Faapo II: O le mea lea e saunoa i ai le sui usufono, o le tulaga pagatia ua i ai nai tagata nei. Ua alu atu nei le poloaiga a le Malo e o ese mai fale apitaga, ae leai se mea e o i ai nai tagata. O fale le ia na tufa atu, e matua veveta lava faleie ia.

Susuga Hon Tullaepa Fatialofa Lupesoliai Alono Neloti Saillele Mallelegaai: Lau Afloga i le Fofoga Fetalai....

FOFOGA FETALAI: Malle le Taitai o le Itu Agai sei tuu atu le avanoa i le Afloga i le Palemia.

Susuga Hon Tullaepa Fatialofa Lupesoliai Alono Neloti Saillele Mallelegaai: E tatou te iloa uma lava fai lauga faatosina. Se tatou te popoto uma lava e fai mea na o lauga faatosina. Ua uma ona faasoa fale tapoleni sa mafai ona maua mai ao le tele ia o lipoti ia ua oo mai ia te au, o isi ua le toe fia foi i o latou fale ia e tutu ona o le tele o meaaloa lea e alu atu. E na o le vale e toe fia foi vave ao lea e alu atu mea faapena. Se e tupu uma lava i le lalolagi. O tatou lea e i Samoa, tatou te iloa uma lava mea ia e tutupu. E tatou te popoto uma lava e fai lauga faatosina, ae fua foi i le malosi o le Malo lea e i ai.

Lau Afloga i le Fofoga Fetalai, o tulaga na, ae poi lava ona ou fai atu, so o se Malo, Malo vaivai ma Malo malolosi, e tupu loa le faalavelave, e ave lava le fesoasoani talafeagai mo le uluai fesoasoani e ave, o fale tapoleni, o taumafa, o vallaa, e faapena, o meaai, faatasi ai ma valinu, o mea na e masani ona fai.

22 IANUARI 2013

**Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua**

O lea foi e masani ona tatou fala, ae ua leva lava ona tapena e le tatou Malo fuafuaga aua o le fausia o fale, e le o se mea na tupu nei, o lea na ou tolaulaulina le tufa o tapoleni i le taimi o Ofa. E uma ona tufa, e atoa le valaso ae ou lele atu i luga o le vaa foi lea helicopter, e leai lava ma se tapoleni o tu mai i luga o le mea lea na tufa i ai. Ona fesili mai lea o isi, 'o le a alli le mea ua tupu?' Ou fai atu, 'o la e tanu i lalo o moega, e faaoga e aiga i taimi e tutupu ai faalavelave e pel o ofi.' Ae ou vaai atu i lalo, o la e ua toe tutu ae fale, All e, e le sau le afa ona ave lea i le moana laa ma apa, e taatitia ai lava i ina. Ma o mea lava sa tatou masani ai, tatou te le see ese ai lava. Ma na ona uma lava ona tea atu o le afa, toe alu oe toe faapotopoto mai ma toe faatutu i luga. O mea lava na sa tatou faia, faatoa sui nei lava ina ua maua mai fesoasoani mai le Tsunami. A o mea lava ia tatou te faia. Se e le faasea e le isi Samoa le isi Samoa.

Afioga Hon Palusalua Faapo II: Lau Afioga i le Fofoga Fetalai o se mea e fia faasao.

FOFOGA FETALAI: Ia, faafetai i le faamalamalama a lau Afioga. O le a le isi mea lau Afioga i le Taitai o le Itu Agai?

Afioga Hon Palusalua Faapo II: O se mea e fia faasao ona o lea ua saunoa le Afioga i le Palemia o lauga faatosina, ae leaga o lea ou te talanoa atu ona o mea na vaai i ai mata ma matou talanoa ai ma tagata nei. Na tafesea uma mea i le sami, e avatu le falele e le mafai ona nofo ai se isi i le vevela, o le tapoleni e le mafai ona fai ai se fale i se tapoleni se fasi. O lo o mafatia nai tagata, e oo mai lava i lenei taimi, o la e nonofo lava nai tagata i nofoaga sulufai nei.

FOFOGA FETALAI: Malie le Taitai o le Itu Agai se i toe avatu le faamalamalama a le Afioga i le Palemia. Tulai mai lau Afioga i le Palemia.

Susuga Hon Tullaepa Fatialofa Lupesollai Alono Neioti Sallele Mallelegaol: Lau Afioga i le Fofoga Fetalai, masalo e le o maua mai e le sui usufono lisi o mea ia na ou taua atua, i lavalava sa faasoa ia i latou, e i ai foi le tatou aganuu. O le a lea aganuu? O tatou aiga, ma tatou aulotu ma tatou nuu. A lea tatou te mitamita ai? O le a lena mitamitaga? E tupu loa le faalavelave laveai aiga, E le o tupu i o i atunuu la e i fafo mea nei, o lea e tutupu i Samoa, o lea foi e faafae e tagata Samoa fesoasoani faapenei, e malamalama i tu ma aganuu a Samoa.

Lau Afioga i le Fofoga Fetalai, ne i umi le finauga, e faigofie lava. Na ou sau i le taeno nei, na o le pau lava lea o le mea na ou sau ma au, o le a sau foi ni lauga faatosina. Se tatou te popoto uma lava e fai lauga faatosina. O le taimi foi na matou nonofo mai ai i ina, o le oa ia o matou faatosina sa fai. O le a e toe tau la ma lafo mai mea sa tatou fala?

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua

Lau Afioga i le Fofoga Fetalai, o le tali atu lea, se i faaanau le saunoaga malie a le sui usufono mo Faasaleleaga Nu.2.

FOFOGA FETALAI: Malo faafetai i lau Afioga i le Palemia, ma ou te manatu foi ua malamalama le mataupu. Lau Afioga i le Taitai o le Itu Agai, e le o ni ai e ayea. O felafolafoaiga ma le taumafai mai o le sui usufono mamalu e faaali lona lagona, faafetai i lau Afioga, o lea ua e faafofoga i le tali a le Malo, tafo laia ia i latou o lo o gafa ma le tau faafeseina o le manai lea e salli, ae le aoga ona tatou fetuunai i luga ma laifō ua tau falē mataupu ma toso le tatou Paketi, na o le \$2.1miliona lea tou te faafogafoga atu i ai. O lea foi ua saunoa le Malo ua agai fesoasoani muamua, o falele, o faguvai, o lavalava, ia, faamalulu i le Atunuu ia lava mai le onosai, o lea e tau feoi masini e killa le auala ma salli le ogaelele ua llofia uma ai fale uma. O le faamuamua lea ona faatoa mafai lea ona toe fai o tatou fale ma nonofo. Ae tulai mai lau Afioga i le Taitai o le Itu Agai. Ia, tulai mai lau Afioga i le Sul Taitai o le Itu Agai.

Afioga Hon Aeau Peniamina Leavaseeta (Falealupo): Lau Afioga i le Fofoga Fetalai, faamolemole lava, ou te tulai atu ma le aya e tatau ai ma le faaloalo, po o e maua mai le fetuunaiga lea? E pei e musu le Afioga i le Palemia i lauga ia e fai atu iinei, e le o se lauga faatosina, these are facts, ina ia logona e tagata, ia logona le isi itu. Afai na o o.....

FOFOGA FETALAI: Malie lau Afioga i le Sul Taitai... Se i tuu atu le avanoa i le Afioga i le Palemia.

Susuga Hon Tullaepa Fatilofa Lupesoliai Alono Neloti Saille Mallelegaai: Lau Afioga i le Fofoga Fetalai, sa ou faapea e tulai mai le Sul Taitai e fesoasoani mai i le mataupu lenei.

Ua uma ona ou fofogaina le Maota lenei, na pau lava lea o le sui usufono o le Itu Agai, e tu loa i luga tafai ola uma au antenna, aua foi leaga e atlati tele lauga a le sui usufono lea, itualga lauga foi lele e manino mai luga ae taavilivili lalo. O lea ia ou te tau atu ia te oe, na o lou Itumalo lava na ou oo atu i ai i le isi foi afa. Na lele muamua le helicopter ou vaavaai i gauta, ou vaai atu i le anoano o taamu na ona mafuli, ae tu le matou helicopter ae omai le anoano lava o tamaiti ma le toaina e toatasi, 'Tuilaepa, ua fa aso o matua lea lava ma se meaai, ua matua lea lava, matou te le i aai.' Tulou lava lau Afioga i le Fofoga Fetalai, e savali mai e lea se ofutino o fala. Ia ona tuu lea o lou taliga i le pute ae fitifiti, fitifiti fitifiti lava ou fai atu, 'sole, o lou laualo e le o se laualo ua fa aso o gaogao, o le matua tumu lava, masalo sa tali lau meataumafa i se faalifu faamu, o le tele ia o le taamu ia e sa ou vaai i ai i tuamaota.' Lau Afioga i le Fofoga Fetalai, o le upu a Solomona, "Se e lea lava se mea fou i lalo o le la."

22 IANUARI 2013

Tulafono Tau Faaofi o le Faatatauina o Tupe Faaopopo (Nu.1)
2012/2013 – felafolafoaiga i luga o le faitauga faalua

O lau toe fesoasoani atu lea ona o le a tauau ina faaletonu le lauga matagofie a le sui usufono o lo o tulai nei, ae e te fiu e te lauga faatosina, se tatou te taula popoto uma lava e fai le mea lona, aemaise lava o tulaga i taimi faapenei, e oa ai mea o upu e mafai ai na ona uu lava ma ato, uu ma lafo. Ae sa tatau ona outou omai e fesoasoani i le Komiti. Ou te le iloa po o le a le mea na outou le omai ai. A o Komiti ia o lo o tatala, o Komiti e fesoasoani ai ia i latou o afaina, e tatala lava le faitotoa. Ae ou te le i vaai lava ia te oe po o le Taitai o le Itu Agai.

FOFOGA FETALAI: Malo faafetai i le saunoaga a lau Afioga i le Palemia. Ioe, lau Afioga i le sui usufono mo Falealupo, e ava tele atu, ae o tulaga o le tatou felafolafoaiga, o lea lava e taumafai e tatala i le moa o le ala ma tali le faamalamalama a le Afioga i le Malo i le saunoaga a le sui usufono mo Faasalelaga Nu.2. Ae o le a tuu atu pea le avanoa mulimuli lena lau Afioga i le sui usufono mo Falealupo.

Afioga Hon Aeau Peniamina Leavaseeta: Lau Afioga i le Fofoga Fetalai, na pau lava o lea lau Afioga ina ia amanaia e le Maota ma le faafofogaaga a le Atunuu, e pei e taofiofi e le Afioga i le Palemia le lauga lea.

Lona lua, o lau lava lauga lea e fai atu, e le faatosina. O le faafavelave la lea, o lea o le a fai atu le matou lauga, ae label ai e faatosina.

Susuga Hon Tullaepa Fatialofa Lupesoliai Aiono Neloti Saille Mallelegaai: Lau Afioga i le Fofoga Fetalai, o le mea e fia faasao.

Afioga Hon Aeau Peniamina Leavaseeta: E avatu i le isi itu i le general ona matou uia lea o le Faamasinoga.

FOFOGA FETALAI: O lea ua malamalama lau Afioga i le sui usufono mo Falealupo. Se i tulai mai lau Afioga i le Palemia.

Susuga Hon Tullaepa Fatialofa Lupesoliai Aiono Neloti Saille Mallelegaai: O le mea e fia faasao lau Afioga i le Fofoga Fetalai, o le upu lea o le taofiofi, se tuu faaupuga na tatou te le i fananau ananafi. O le matou tutulai atu, o le avanoa i lalo o le Tulafono Tumau e faasao ai se mea o lo o aumai, e le o sao. Matou te le o taofiofia a outou saunoaga, o lea matou te tutulai atu e faamalamalama ma faasao. Pau lava lena, e leai se isi itu. A matou taofi o lena tou te tutulai mai? Ae a faaletonu loa, matou te tulai atu e faamalamalama.

Afioga Hon Palusalua Faapo II: Lau Afioga ma le faaloalo lava...

FOFOGA FETALAI: Lau Afioga i le Taitai o le Itu Agai, a i ai ni ou alofa, o lea ua avatu le....

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua

Afioga Hon Palusalua Faapo II: E leai lava se matou faalavelave pe a tu i luga le Palemia, e olo lava le fua. A o le mea lea matou te tulai atu ai, se i tuu mai se avanoa e avatu ai ni o matou manatu, leaga e le o ni lauga faatosina, sa matou talanoa ma tagata ia e aafia. E le faapea e le alu ni a matou asiasiga. O lea na matou talanoa ma tau mai mea o lea e faaletonu. O lea la e tau atu ia outou, aua o outou na e tu i le foe. Ae na o lau tatalo i lau Afioga, se i fuafua mai i lenei itu o lo o taumafai atu.

FOFOGA FETALAI: O lea ua maua le Taitai o le Itu Agai le taumafai atu o lo outou lagona i lenei taeao. O lea ua malamalama le mataupu, e le o ni ai avea o la outou Itu, le tulai atu o le Palemia e faamalamalama le saunoaga a le sui usufono mo Faasaleleaga Nu.2. O lea foi ua uma ona saunoa manino le Malo, lafo mai laia o lea ua faagasolo le galuega o le fesoasoani muamua o le tatou faamoemoe. A oo foi i le taimi ua outou tulei saunoa i a outou saunoaga, ona aumai manino foi lea. O upu e felafai o lauga faatosina, o lauga uma lava e fai i le Maota lenei, o lauga faatosina. E leai lava se isi o tatou e sao mal le mea lena, a o lauga faatosina i luga o mea moni ma mea lelei, ae aua le faaoloatua le faafogafoga a le Atunuu. O tatou o lea tatou te aafia i le matagi, o Samoa atoa foi tatou te fesootai i mea uma. O lea ua saunoa malamalama le Afioga i le Palemia, e le o agi i Iraq le afa, o lea tatou te i Samoa. O le tatou tiute, o le tatou feoeoeai, fetausiai, matitiva fesagal, o lea e mafatia le Atunuu. Afai la o lea e faatupu atu iinei le tagisa, o lona uiga o taeao tumu luma i Tiafau e omai e avatu ni pusaapa eleni ma meaai. Ia o fea a aumai ai nei mea o lea tou te vaai mal o lea e tau faasoasoa?

O le mea lea alolofa mai le tatou Maota, o lea e taatia i lagatonu. Faafetai le sui usufono mo Faasaleleaga Nu.2, o lea ua malamalama lau folasaga, malamalama lau lauga ina ia manino le tali atu a le Malo. O lea foi e manino le tali a le Malo. O se isi lauga e toe agai mai i le mea lea, o lea ua tali le Malo, ma e le tatau ona toe afea le mea, o lea ua manino o lo o mafatia se vaega o le Atunuu. Ma o lea ua alu fesoasoani muamua, o la e ua lau faguval, o nofoa, o laulau, ma isi mea la e ua faatulaga. A o nisi mea, tatou galulue pe faapefea ona aumai le tupe e faatino ai mea ia ae le o le tatou alalaga ma faaosofia moegaluaga i tagata, ona tatou vaai loa lea, tatou te le fia vaai i le mea e tupu taeao.

O le tatalo atu lea a le Nofoa ina ia sologa lelei folasaga ma lauga faatupu manatu ma lauga e lafo fautuaga i le Malo ina ia taatia i lagatonu ma vave ona pasi le Tala o le Tupe, ina ia vave ona ave e faagasolo le mea lea e tau mai ai le mafatiaga o tagata.

Tulai mai le sui usufono mamalu ua maca lou taimi, faalu mai lau saunoaga.

Susuga PAPANII LIO FAAVAIIVAIOMANU TAEU MASIPAU:
Faafetai i lau Afioga i le Fofoga Fetalai, malo foi le tanoa, malo foi le saunoa.

22 IANUARI 2013

Tulafono Tau Faaoffi o le Faatataulna o Tupe Faaopoopo (Nu.1)
2012/2013 – felafolafoaiga i luga o le faitauga faalua

O lea foi ua maua lelei le tulaga o le finagalo o le Nofoa ma le faafofogaaga foi a le Maota, malo faafetai. Ua aoga foi lou talanoa atu i ia tulaga, o lea ua faamanino atili ai foi le tele o mea sa atugafu ai foi lou sui usufono.

Malo faafetai o lea ua saunoa manino le tatou Malo, o le a faapena ona fai. O le agaga foi lena. O le agaga lava ia na ou fia aveatua, e leai, e talitonu lava, o a foi mea sa tutupu i le tatou Tsunami i Aleipata, e tatau foi ona faatino i Magiagi ma tulaga faapena, o le Tsunami foi le mea lea sa tulai mai.

Ae ui i lea, o lea ua manino ma malamalama lou sui usufono. Faafetai.

FOFOGA FETALAI: Tulai mai lau Afioa i le Palemia.

Susuga Hon Tullaepa Fatialofa Lupesollai Alono Neloti Saillele Mallelegaai: Lau Afioa i le Fofoga Fetalai, na pau lava lea o le mea, o saunoaga foi nei faauigalua, e faapei e le o faia ia Magiagi. O lea lava e fai le mea e fua i le tatou mafai, ae le o le taumafai e fai mea e le mafai, o le mea lena e tupu ai tulaga faaletonu i so o se Atunuu. O lea lava e fai le mea e mafai e pel foi ona oo i le Tsunami, na faatino foi mea sa mafai i lena taimi. O lea la, se i fai atu lava lau tala lea.

O le mea lea o lou alu e te fesili i le tagata, e leai lava se isi e le fai mai ia te oe, e leai lava ni mea e le i taitai lava. Aua foi o le tagata e faapena. E i ai le isi toeaia, na alu atu i ai le asiasiga o la e nofo mai i le fale tapoleni. A o le asiasiga o tagata maualuluga o le Malo, ona fesili lea i ai, 'o le a le mea ua e nofonoso ai na o oe?' Ae sau le tali, 'o lea lava ta te nofonoso i lota fale tapoleni nei, na o le o ano lava faapea i o, o ano faapea i o, e leai lava se isi o afe mai.' Ona oso mai loa lea tietie i le taavale, e le o lloa o le a alu sao le taavale lea i le pulenuu. Ia alu loa i le pulenuu. Ona alu atu loa lea o le faasea, 'ia o si toeaia lea fai mai o lea lava e nofonoso e leai lava se mea o lena lava e faasoa i uta ae o lea e nofonoso i tal nei?' Ae tali le pulenuu, 'ua e vaai atu i le faletele lale o le alii lea, e ese lava le fale i i, ae ou te le iloa po o le a le mea ua alu ai faatu lona fale tapoleni i tai? A e alu i ai i le fale lena o la e tumu ai araisa, ona o lona aiga e pito tele i faasoaga araisa ma faasoaga pusaapa.' E faapena foi i le isi lea na alu faasalalau i fafo, e tilotilo atu i le ata o sau i fafo, o la e faasea, e leai se mea a ia na maua. Ae mafua ona faasea, sa manao i se lua fale, ae na o le tasi le fale lea na fai.

Lau Afioa i le Fofoga Fetalai, e faapena le lalolagi o lo o tatou i ai. E te le mafai lava ona e maua se tali e faapea mai ai se isi, ua lava. E te fesili atu loa lava, e leai lava ma ni mea, ae a avatu nei le lisi, o lea e i ai le ligoa i faasoaga. O le mea foi lena e mafua faateete ai lava le Komiti i tulaga faapena. E i ai le taimi na laulau mai ai tagata, o le aumai lava e le i maua, sa i ai le Komiti a Leoleo. E te toe aumala loa ni faamatalaga pepelo, molia loa oe, a o la e te leoleo.

22 IANUARI 2013

**Tulafono Tau Faaofi o le Faatatauina o Tupe Faaopoopo (Nu.1)
2012/2013 – fetāfolafoga i luga o le faitauga faalua**

Lau Afioga i le Fofoga Fetalai, o le toe tulai atu lena ne i te i ua faapea matou te le o amanafa. Se o le tele ia o mau faamatalaga faapena lea e fai ane la outou, aua foi o la e latou te iloa e fai ane loa le tala tou talitonu loa i ai omal aumai i l, a o tatou, o Samoa, e tatou te malamalama i a tatou tu ma a tatou aganuu.

FOFOGA FETALAI: Malo. Faafetai. Faalu mai le saunoaga le sui usufono mo Faasalelelaga Nu.2. E i ai nisi mea, o lea ua matua malamalama lau folasaga, ua maua foi tall.

Susuga PAPALII LIO FAAVAIVAIOMANU TAEU MASIPAU: Malo faafetai. O lea foi ua lagona foi le taua o le lagalaga foi o lenei mataupu, o lea foi ua manino, ua manino foi le faafofogaaga a le Atunuu, aemaise foi i latou sa afaina. E sao lava le saunoaga a le Afioga i le Palemia, e faapena lava uiga o le tatou soifuaga o lo o tatou i ai nei. A o le taua foi lea o lo matou fautua atu ma faamanatu atu ia ma tuutuu atu i autafa ia e taua, atonu lava i ai lava se taimi, ia faapea, ia o le mea lea, o le agaga tonu lena ma le uiga tonu lena ma le uiga foi lena o lou tulai atu, e avatu faafautuaga aua le agai i luma.

Ona faapea lea lau Afioga i le Fofoga Fetalai, faafetai tele mo le avanoa.

FOFOGA FETALAI: Malo faafetai saunoa i lenei taeao ma fautuaga ua tuu i lo tatou Malo.

Ia o le a avatu le avanoa muamua i le sui usufono mo Falelatai ma Samatau, ona tuu atu ai lea o le avanoa i le sui usufono mo Alataua Sisifo. Tulai mai lau Afioga i le sui usufono mo Falelatai ma Samatau.

Afioga TAEFU LEMI (Falelatai ma Samatau): Malo faafetai i lau Afioga i le Fofoga Fetalai. E auai foi lenei Itumalo i le agaga faafetai sa siitia e lau Afioga i le taeaoaena e tusa ai o le alofa faaauau ma le alofa faifalpea o le tatou Alii i le pala o lenei Maota aemaise foi o le Atunuu e tusa ai foi o faiga malologa sa feagai ai ina ua mavae atu le Afa, e faapena foi i le faaluga o lena valaso seia oo mai i le taeao nei i nai tala foi o le Tau sa tau lagona ai le popole, peitai o lo o maitaulna, o lo o tumau pea le alofa o le Alii i lo tatou Atunuu. O le mea lea e momoli atu ai le agaga faafetai tele.

Ia e faafeiloai atu foi ma faatalofa atu i le pala o le Maota i lau Afioga i le Fofoga Fetalai, lau Afioga i le Palemia ma le Kapeneta, le Taitai o le Itu Agai ma sui usufono o le Maota, aemaise foi o le faafofogaaga a Samoa i ona tulaga faalupe, i Auauna pala a le Atua i so o se fatafaltaulaga, ia malo le galulue, malo le tatalo, o lea ua tatou aulia ma le manuia lenei tausaga, ia tatou faamoemoe i le Atua e taitai ia tatou folauga.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua

Ae itiiti lava se manatu lau Afioaga i le Fofoga Fetalai e fia fai i le Tala o le Tupe, e le o se Tala fol o se Tupe Autu po o se Tala tele. Pau lava o lea e momoli lau faafetai tele i le tatou Malo e tusa ai o tulaga sa i ai i le tau faasoasoa aemaise foi o galuega toe faaleleia sa feagai ma le Atunuu. E momoli atu le faafetai i lau Afioaga i le Minisita mo Galuega, Felauaiga ma Atinae Eseeese i galuega tau faaleleia sa feagai ma a tatou Matagaluega le Faalapotopotoga o le Malosi Faaletise, le LTA ma le vaega o le Suavai. E maitauina lava e so o se faalavelave faalenatura lava e feagai ma le Atunuu, ia e afaina lava nai atinae tetele ia ma moomia ai foi le fesoasoani ma le tulai mai foi a lo tatou Malo. O le mea lea e momoli atu ai le agaga faafetai i le tatou Komiti sa nafa ma le toe faaleleia, aemaise foi o lau Afioaga i le Minisita e fitoifitoni i ai la Matagaluega, ona o le vave ona tall mai ma faaleleia nai ia vaega. Faafetai, ia na vave lava ona oo atu le faasoa foi ma ola le moli i nai nuu i tua aemaise foi o lenei Itumalo, ia ma taumafai foi le faaleleia o auala e ui lava ina e lei uma ona mago ma moomia ai le faaleleia tumau foi lenei na o nai uta lillili o lo o tanutaniu ai mo lenei taimi, ia seia mapu mai ia le timu, ona faaleleia lea. O le taimi nei sei vagana o le suavai, e moni lava ua oo atu le suavai a o vaivai lava i lenei taimi ia ae saili togafiti pea le Pulega o le Suavai, atonu a i ai se taimi ona maua lea o se fofo mo le vaega lea o le ola atu o le power, ia ae ua le ola pamu, ina ia vave lava ona oo atu le suavai, oo atu loa le power e i ai le faamoemoega i nai toaalina ia o le a sosoo atu loa ma le suavai, peitai, ia e tallga lava ona o le le'i lava faasoa po o le le'i maua foi lava o se fofo i le tulaga lea o tatou pamuval.

E malie saunoaga o lenei taaao e tusa ai foi o le faasoa a le tatou Komiti sa feagai ma le faalavelave faalenatura sa feagai ma le tatou Atunuu i le Afa o Eveni. E moni lava ma malie foi saunoaga e moomia lava e tatou uma ia le fesoasoani i taimi o Afa ma taimi faigata. Ia masalo o le tasi lea vaega e ta te manatu lava seia vagana ua fai e Agelu mai le lagi le faasoa, ona faatoa fair lea mo tatou uma. Ae i ai lava faasea e mulimuli mai tua pe a uma le faasoa, ona o nisi e lei oo i ai le faasoa.

O le Itumalo lenei sa alu foi le apitaga i maota o ekalesia ma malumalu. Na uma loa le toonai o le Aso Sa ina ua tuana'i le Afa, ia ona taape loa lea aua o le Aso Gafua o le aso e galulue ai e toe tau faatutu nai ulu ma nai fale ma tulaga faapena, ae o le aso lena na alu atu ai le asiasiga a le tatou Komiti. E ui lava ia e lei maua atu lenei Itumalo i maota o ekalesia ma malumalu, ia ae e le o le agaga lena o le Itumalo lenei o le faatali mai sei alu atu le faasoa po o le asiasiga, ae sa vave lava ona taape e toe faaleleia nai tulaga sa afaina i le Afa. E manaia le fua lea na aumai e le Afioaga i le Palemia, e fitifiti le laualo o le toaalina ona iloa lea po o gaogao pe sa taumafa pe sa oo i ai le faasoa pe leai. Ia e lelei faafetai o le toaalina, ae ou te alofa i le o fitifiti ia pe afai e savalivali mai o le loomatua. Ae o se ituaiga formula ia faapena lea e tau autilotilo po o le a le faiga pe a faapea e le mafai ona omali lalo nei Agelu e fai le faasoa.

22 IANUARI 2013

Tulafono Tau Faaofi o le Faatataulna o Tupe Faaopoopo (Nu.1)
2012/2013 – felafolafoaiga i luga o le faifauga faalua

O le agaga faafetai lea, faafetai tele i le Komiti sa nafa ma le faasoasoaina o nai a tatou fesoasoani, ia sa maitauina lava na oo atu i nai Itumalo ma nai aiga foi sa afaina tele e tofu ma le tapolenti. O le agaga faafetai tele lea e momoli atu i lau Afioga i le Fofoga Fetalai e auala atu i le tatou Komiti sa nafa ma le tatou galuega fesoasoani.

Ae o nai talosaga lava e tumau pea a lenei Itumalo, leaga ua uma ona atagia i lumamea ia nai atinae o lenei Itumalo o lo o talitali pea po o le a le taimi e faatino ai. E i ai nai auala galue sa faataatia mai i le tatou Tala Autu o le Tupe, e lona tolu le pitonuu o lenei Itumalo i le Iisi na aumai. O lea ua maitau atu, o lea ua tatou faasolo i le kuata mulimuli o lenei Tausaga Faaletupe, ia ae e lei oo atu le faasologa i le Itumalo na lona tolu i le tatou Iisi. Na saunoa manino le Afioga i le Minisita, o le a le faalagolago tele i le tatou Iisi, na ona faamanatu lava a lenei Itumalo, sei alofa lau Afioga, sina galuega lava se tasi sei talamasinei ai le tatou Paeaiga i lenei Itumalo.

O le Taligalu: E manaia lava le taligalu e alu atu lava i le uafu i Mulifanua tau i le mauga o Mafafa i Falelatai, e soo lelei le taligalu, ae i ai le mea na tupu, e laitiiti lava se vaega e le o faia ai le taligalu – ma ua tatalo faafia ai lenei Itumalo i le vaega lea o le taligalu na misi. Ou te talitonu e lei faia e misi le galuega lea o le taligalu, na misi lava ona sa i ai se faaletonu i e na fuafuaina ia ma tusitusia a tatou konekarate ma fai tulaga faapena aua le faatinoina o galuega. O le mea lena na misi ai sina vaega laitiiti lava lea i le pitonuu o Sualo i lou Itumalo e lei faia lava e oo mai lava i le taimi lenei, e lei faia, a o lau vaal, o le mea na sasi i le faatinoga o le galuega na ala ai ona le faia sina fasi pitonuu laitiiti lava lea ua ou tatalo atu ai, a o le taligalu ia, e alu atu i Mulifanua e tau i Falelatai. O le tatalo la lena a lenei Itumalo, e tapuaia faiva a lau Afioga i le Minisita, aua e i ai le manatu, o le taligalu lea e misi, na misi ona o le faatamala o nisi na nafa ma lea galuega. O le tatalo la, ina ia toe faasao sina mea lea na misi, lau Afioga i le Minisita sei alofa ane i le fasi vaega lea. Na sau le Tsunami i le 2009 aafia lenei Itumalo, sau Eveni, e sili foi ona aafia lenei Itumalo nai lo nisi Itumalo, ae oso mai lava i le itu i tai sili ai foi ma le suatai. Ia o le tatalo lena lau Afioga i le Minisita i lenei Itumalo, ia sei e tagai ane lava faamolemole i le matou taligalu, sa fai le taligalu faatino lelei, ia ae misi lava le fasi mea lea i Sualo, sei tagai ane i ai lau Afioga.

E pei o nai motugaafa ia lau Afioga i le Fofoga Fetalai, e le tele lava ni mea pei ona ou taua, e le se tala o le tupe tele o tau lufilufi nei a lo tatou Maota, ae o le tatalo lena a lenei Itumalo, sei alofagia ia nai auala galue, aemaise foi o taligalu pei ona ou taua.

Ae momoli le faafetai tele i lo tatou Malo e tusa ai o galuega lelei faaauau pea aua foi le tau faaleleia o le tatou Atunuu i tulaga o faaletonu ona o Afa ma tulaga o le Tau, e momoli atu le faafetai tele.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafolaga i luga o le faitauga faalua

Faafetai i lau Afioga i le Minisita o Tupe ona e tele foi a tatou tala e fai, ae fua foi i luga o seleni, a o le a faamoemoe atu i le aao faasoaso ma le lufilufillima lelei o lau Afioga i le Minisita ina ia faatino ai o tatou faamoemoe. O le mea lea, o le lagolago lena a lenel Itumalo lau Afioga i le Fofoga Fetalai i le tatou Tala o le Tupe, ia e faapena foi ona molimoli atu ai ma moomooga alofa i lou Itumalo o lo o faafofoga mai i le tatou Fonotaga i lenei taeao. Manuia le Fono.

FOFOGA FETALAI: Malo faafetai saunoa i lau Afioga i le sui usufono mamalu mo Falelatai ma Samatau.

Tulai mai le sui usufono mo Alataua Sisifo mo le avanoa i saunoaga a le Itumalo.

Afioga **LAFAITELE PATRICK LEIATAUALES** (Alataua Sisifo): Ou te tulai atu ma le agaga faaaloalo i lau Afioga i le Fofoga Fetalai, e faapea foi le maualuga o lenel Palemene i lau Afioga i le Palemia ma lenei foi Vaega toatele, e faapea foi lau Afioga i le Taital o le Itu Agai ma lena Itu o le Maota, o pala masani o le Atunuu e amata mai i malae tele sela pa'ia eleelesa o lenel Itumalo, ia ua taoto a o se alao.

A o lenel taeao fou, e matou te faatalofa atu i le pala i le tapuaiga a le Atunuu e faapea foi le Aufaigaluega Totofi o le tatou Matai sili i le lagi, ina ua mafai ona aulla mai lenei foi tausaga fou i le amatatia o galuega a le tatou Maota.

Mo le silafia e lau Afioga i le Fofoga Fetalai o le Itumalo lenei, o le lauga faatosina, e le lauga foi faapea e tau fai se mea e va ai ma lea pe sue ai se 'ai. O le lauga a le Itumalo lenel e tuusao lava, a i ai foi se mea e faaletonu i lenel Itu ma le la Itu, e avatu lava i lumamea aua o l ina e lloa ai le tagata e tautala sao ma tulaga faapena. Ae o lea ua ou fai atu i le taeao lenel, e leai se mea e maimau ai fua lo matou taimi e matou te lauga faatosina ma tulaga faapena, o la lava e i ai le fillifiliga a le Itumalo ia.

A o lenei taeao, e le tele sa matou tala i lo matou tilotilo atu i se vaaiga aoatotele i le Tala Faatatau Faaopoopo, na o ni nai faaopoopoga laiti lava. Ma e leai foi la se mea o le a matou inalua atu ai i le tele o atinae o le Itumalo, ia pe a faapea e le lava e tau utiuti le faaso a lo tatou Malo i le Tala Faatatau Faaopoopo lenei. E pau lava le matou tala i le taeao lenei, ua ala ona matou tulai ia sa faapea foi aloga e tele ni lauga, aua a laifilifi le seleni, e le tatau ona lauga umi ma le maimau ai fua o le taimi o la e tele a tatou galuega o fai. Ae ua matou tulai sei avatu sa matou fesili i le Afioga i le Palemia aua mo le silafia o le galuega a le Itumalo, e matou te faafetai atu ana le lagalaga foi le Maota i taimi ua sola ma fatia ua alu e ala i le suaval taumafa, ia e le faatino le vaega lea.

O lea ua i ai le suaval e pei ona lagalaga foi e le Afioga i le Palemia ona o le atolofa mai i le Itumalo lenei, a o le isi mea lea ua tulai mai, o lea ua uma ona faatalai ia le suaval, ae o lea foi o le a matou sava i le faataitaiga o paipa.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua

Mo le silafia e lau Afloga i le Palemia e tauala atu i le Fofoga Fetalai, e sili ona ou tatalo sao atu nai lo i lou fal i Minisita ia e maimau le talmi e fal lava a latou mea. A o le taeao lenel o le ala lea o lou tulai atu.....

FOFOGA FETALAI: Malie le sui usufono o lo o saunoa, leaga o lea ua e taua le Matagaluega ma le Minisita. Sei tulai mai le Afloga i le Minisita mo Galuega, Felauaiga ma Atinae Eseese e faamalamalama le atugaluga, tulai mai lau Afloga i le Minisita.

Afloga Hon Manualesagalala Enokati Posala (Minisita mo Galuega, Felauaiga ma Atinae Eseese): Lau Afloga i le Fofoga Fetalai, le paia maualuga o lenel taeao, ou te iloa o lea ua see lo tatou sa i le tatou faamua i le Atua.

Ae o le tulai atu ona o se mataupu e fia faamalamalama, ua saunoa le sui usufono mamalu, ua i ai le tane ua uma ona faatino ma ua tau i le faleaoga i Falealupo o la ua tau i tai, ua toe o se vaega o totoe o le nuu. O la foi ua tau i Papa Sataua, o lea ua agai mai i Neiafu. O le fuafuaga sa taumafai i ai la oo atu i le faleaoga i Neiafu ona faaauau ai lala. Ae o sina valsua lea sa i ai, lea na omal ai le aufaigaluega e fesoasoani i Upolu nei. Ao la ua taumafai galuega i Neiafu ma faasolo atu ai i Falelima. Ou te iloa...e tatalo atu i le sui usufono mamalu, tatou lava papale ma onosai e lei afa le tausaga lenel ua soo atoa le suavai i lea faaitu.

Ma le faaaloalo.

FOFOGA FETALAI: Malo faafetai i le saunoaga manino a lau Afloga i le Minisita. Ou te talitonu o lea ua talitonu lau Afloga i atugaluga lea na aumal i le finagalo o le sui usufono. E tuaina atu foi fautuaga ma le tuualalo i sui usufono ina la alofagia a outou tuleiga ma saunoaga agai i le Kapeneta. Ou te talitonu lava tatou te seu le manu ma tagai i le galu. O lea foi ua e saunoa e sili atu lou agai sao i le Afloga i le Palemia ae le afeafea le Minisita. E fautua atu i le sui usufono, e talitonu lava tatou te faaletefulu ae ua iloa alga, tatou te manatu foi i le va-tapuia ma le taualoa o galuega fai ma le tofia o le Afloga i le Minisita e pei ona tofia ai e le Palemia, tatou faifai malu faiva. Ou te talitonu o lea ua tall lava le manao o le sui usufono mo Alataua ma ua le o toe i ai se mea o natia i le faafofoga a le Atunuu. O lea foi ua manino le saunoaga a le Minisita, ia o auga ia o lou atugaluga i lenel taeao e lei uma le afa o lenel tausaga, o lea ua faafofoga i le saunoaga lena a le Minisita. Ae fautua atu le Nofoa, ia faifai malu le faiva ma saunoaga ona e le taugofie i le faafogafoga a le Maofa le saunoaga ua tulai mai.

Tulai mai lau Afloga i le Palemia.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua

Susuga Hon Tuilaepa Fatlalofa Lupesollai Alono Neioti Saillele Mallelegaol: Lau Afloga i le Fofoga Fetalai na ona ou faamanatu i le tatou Maota, o le galuega a le Kapeneta o le galuega soosoo tauau e fai faatasi collective responsibility. O lona uiga pe auala ane i le Minisita e aufaatasi uma ai le Kapeneta i le faatinoga. O le mea e illi tele ai le Minisita ma e le o ni agelu foi Minisita latou. O le agai sao mai la te au ao la e tatau ona agai i le Minisita. A agai le Minisita e tolo ma toso e uma lava le Paealga e leai se mea o fala. O le tulaga sao lena, o lona uiga e le faapea e agai mai la te au ona vave lea. E agai mai la te au ou te toe talanoa foi i le Minisita ae a toatamai loa le Minisita, e sciau ma le afe mafuaaga e mafai ona faapea atu ai le Minisita e tolo ai. O lona uiga la malamalama lelei ona o le lape lava lea o le tatou Atunuu ma tumu vale ai o lou Ofisa o le agai mai la te au ae le agai i le Minisita. O lona uiga tasi lava le vaaiga a le Minisita, ua matua faamaualuga tele le sui usufono, e uma lava le Nofoaiga lenei e leai sau mea o fala. O le tulaga lena o lea e faamanatu atu, o le tiute o matou, o le tiute e fai faatasi a agai ane lava i le Minisita o au lava lea.

FOFOGA FETALAI: Faafetai i le saunoaga manino a lau Afloga i le Palemia ma e talitonu foi ua malamalama le tulaga na fautuaina ai le sui usufono.

Tulai mai le sui usufono e faaauau le saunoaga.

Afloga LAFAITELE PATRICK LEAIATAUALESIA: O lea ua maua atu le tuualalo a lau Afloga i le Fofoga Fetalai faapea foi le Palemia. O le sui usufono lenei, e ese le faaaloalo ma e faigofie lava lau filofilo atu i le taavilliga o le tatou taaloga lea e alu. O le ala o lou tatalo atu lau Afloga i le Palemia aua foi nei faoa i le ta lou finagalo, leaga o oe le Taitai o le Atunuu, ana ou le lagalaga le mataupu lenei i le Tala o le Tupe lea ma aumai lau saunoaga e le fala le matou vai. O la e nonofo mai sui usufono la, sui usufono mo Falealupo, sui usufono mo Vaisigano Nu.2, la leaga e fou le sui usufono mo Vaisigano Nu.1, a o matou nei ua leva ona faataavalea le polo mo se vai o le Itumalo lenei.

Susuga Hon Tuilaepa Fatlalofa Lupesollai Alono Neioti Saillele Mallelegaol: Lau Afloga i le Fofoga Fetalai.....

FOFOGA FETALAI: Malie le sui usufono o lo o saunoa sei tuu atu le avanoa i le Afloga i le Palemia.

Susuga Hon Tuilaepa Fatlalofa Lupesollai Alono Neioti Saillele Mallelegaol: Na ona ou toe faamanatu atu o le tou galuega e le o se galuega fou. O lea foi na matou o atu tatala toe pau lava le mea o le faasoosoo mai loa.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 -- felafolafoaiga i luga o le faifauga faalua

O le tulaga lea sa tulai mai ai lau Afioa ma le sui usufono mo Falealupo, e pei ua le lava onosai, o le mea tonu lava lena ao lea sa faatino galuega. Ae pei o le mea lea e galo ia te outou e fasefulu iva (49) le aofai o sul usufono i le Maota lenel. Afai la e oo atu se tasi i se Nofoaiga ia te oe, na o le pau lava le mea o le tuufaatasi o ou lima ma pese atelulia ua tau lou ai.

E mafai ona ou tolaulaulina atu nei le anoano o sui usufono e matua tele galuega e fai i ai e le Malo ae uma ane lava e le toe foi mai i le Isi Palota, ona e le o le auala lena e filifili ai le tagata. E tele mau auala e le na o le pau lena o le auala, o le isi auala o lou faafeagai pea ma le Itumalo ma e agalelei i le Itumalo ae le o le faatoa oo i le Itumalo ina ua lata i le vaivaa. E le ala ona ou fai atu i le tulaga lena ona o nisi o tatou e le faapea o agai i le sui usufono lea, faatoa leotele lava ina agai ina ua fono le Palemene ae uma loa le fono ona alu lea tafao ae le alu ane e logo le Minisita, faatoa toe leotele foi iinei sei faalogologo mai le Itumalo ae ua mateia uma lava e le Itumalo. O tagata la e nonofo mai tua, e matua maai o le polokiki.

Lau Afioa i le Fofoga Fetalai, na ona ou talatalanoa atu faalauaitete ma e aafia ai ma Ofisa Sili o Matagaluega ma Faalapotopotoga. E le alu le Minisita e fai, o le tagata e alu e fai, o inisinia la e faauluulu i ai Matagaluega, ae a toatamai foi tama na, e fiu foi le Minisita e fai atu ae leai lava se mea e faia. Aisea? Ona o le tulaga lava lea o tatou e faapena lava, e fai mai lalo le auala ae le o le oso i luga alu atu ai i lalo, ae a amata lelei mai lalo e pai mai lava i luga.

FOFOGA FETALAI: Malo faafetai i lau Afioa i le Palemia mo le faamalamalamaga.

Sei tulai mai lau Afioa i le Minisita o Tupe.

Afioa Hon Faumuina Tiatia Faaolatane Liuga: Ona o le tele tele o le investment lea o lo o faatinoina ai lenei polokalame lea sa taua ai le tupe e sili atu ma le \$10milliona, o le popolega la o le Matagaluega o Tupe mo le tau faasoaina o se taula le Malo.

O le nofoaga tonu lea e i ai le pamuvai lea o le a aumai ai le vai mo Itumalo a sui usufono ia e tolu, ua matua soo i maumaga. O lau tatalo ma lau tuualalo i sui usufono la sa taua, taumafai e faasao le ogaelele lea ina ia faatumauina pea le vai. E le uma le sefulu (10) tausaga ua matutu le aquifer lea e i ai i lalo le vai. O lona uiga o le \$10milliona lea ua faatuina mo le atinae lea, ma e ono maumau nei tupe pe a uma le sefulu tausaga ua leai se vai.

Ma lou faaaloalo lava.

FOFOGA FETALAI: Malo fesoasoani mai i lau Afioa i le Minisita o Tupe.

22 IANUARI 2013

Tulafono Tau Faaofi o le Faatatauina o Tupe Faaopopo (Nu.1)
2012/2013 – felafolafoaiga i luga o le faitauga faalua

Afloga Hon Aeau Peniamina Leavaiseeta: Lau Afloga i le Fofoga Fetalai, ona o lea e aafia le matou Itumalo, lea e fai mai e aua nei toe faia se maumaga i autafa o eleele ia. O le a tonu lava le mea lea? O se Salenitisi foi lea e sa ona fai ni maumaga?

FOFOGA FETALAI: Faafetal i le faauilavea a le sui usufono mo Falealupo, Ua uma ona taatia i le Maota leni le saunoaga faufautua a le Afloga i le Minisita ao avea o ia ma Minisita mo Punaoa Faalenatura ma le Siosiomaga ma o ia foi lea na mafua ai ona fausia lou vai lea na tatou tatala i Falealupo lea na aveatu uma ai pamu ia na vavao uma ai isi itumalo o le Alataua, po o le a le mea na faamuamua ai Falealupo ae le faamuamua isi Itumalo. O fautuaga na aumal, ia faeteete le tatou Atunuu i le soona talua o le vao i nofoaga o tulalata ma faatu ai mata o pu ia vacane le faafofoga a le Atunuu ma le Maota ina ia tumau laau e ola lauusi ai ma tapue mo le manava o le eleele. O le fautuaga lena o lea e taofi e le Nofoa ao avea le Afloga i le Minisita ma Minisita mo Punaoa Faalenatura ma Siosiomaga. Ou te talitonu foi o le Afloga i le Minisita o le Salenitisi pe a faatulaga i lona tulaga faafeiloai i le va o Malo sa fealua ai faa-Salenitisi o so o se mea. Ua malamalama le mataupu. Tulai mai le sui usufono e faaauau le saunoaga.

Malie le sui usufono mo Alataua Sisifo, sei tuu atu le avanoa lea i le Afloga i le Palemia.

Susuga Hon Tuilaepa Fatiafata Lupesollai Alono Neioti Sillele Mallelegaai: Lau Afloga i le Fofoga Fetalai, o le taua ia o le tuualalo lea na saunoa i ai le Minisita o Tupe. O le tuualalo foi lea na mafua ai ona agai atu le vaega o le Siosiomaga e taofi eleele ia e i luga i Malololele lea e soona faatau.

O lea e i ai eleele o le Katoliko ma eleele o le Metotisi. E tatou te le ma iloa po o le isi selau tausaga ua oo i le millona le aofai o tagata lina i le taulaga. O fea e aumal ai le vai? E aumal lina i eleele ia ia ua apaapa i ai le tatou Malo e taofi. E i ai foi ia i eleele ia e i tua maota o Falealupo ma nuu uma lava ona o mea ia e faasalalau mai nei e Salenisi a tatou le mataituina mea ia, e au ina alu alu ona tatou pei lea o atunuu foi ia e aumal ni masini e aumal le suasami e aveese le oona ae amata ona lnu tatou i suasami. Na o le pau o le mea ua le toe oona ma o le mea lena e oo i ai tatou i le lumanai. O le taimi nei lea ua amata ona agai i ai mafaufauga faaleoleo mo le agai atu i le lumanai.

Ua ala ona ou taua le mea lea ona e saunoa le Minisita o Tupe ae pei ou te vaai atu e talitala nisi o sui usufono o le vaega tonu lea e fitoltonu i ai aemaise lava le sui usufono tonu lea na tulai mai leaga o lea ou te manatua lana saunoaga lina fai mai o lea ua tu ai lona fale ma le maumaga i luga o le mea tonu lea e fai ai le vai. Ia taulamua oe le sui usufono ona aveese uma mea na ae aveatu ni ifilele tetele e foto ai lina i le mea lena ina ia maua le tou vai.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafolaga i tuga o le faitauga faalua

E oo foi i le matou nuu la e foi e faataoto polokalame mo le toe totoina o autafa o vai ina ia aua nei toe agai atu ai se isi aua e oo lava i le matou nuu sa tele ai le vai o la ua amata ona mafaufau e o e eli tufu i le matafaga e inu ae ai le vai e puna mai tufu ona o le tulaga i le faatamala, Ae leai nisi o toe aisili o tatou o Taitai o le Atunuu, tatou amata mea mai i tatou Itumalo ae a faaataata lafoga ona fai i totonu o le Maota lenei. E faapefea la ona maua le malu o le Atunuu atoa, E leai nisi o toe aisili o tootoo o le Atunuu lenei ua auai i le fono usu a Samoa. Lau Afioga i le Fofoga Fetalai, o le fesoasoani atu lea i totonu o le Maota lenei e toe faamalositia le finagalo lea na faaalua e le Minisita o Tupe.

FOFOGA FETALAI: Malo, ia tulai mala le sui usufono e faauau le saunoaga.

Afioga LAFAIATELE PATRICK LEIATAUALESIA: Lau Afioga i le Fofoga Fetalai, leai se agaga e sil se ta i le Palemia, O le saunoaga ma le malelega a le Afioga i le Palemia, i tulaga o sui usufono e omai feei i totonu o le Maota lenei. E leai se agaga faapena e faatautee le sui usufono mo Alataua Sisifo leaga o le sui usufono na faamanuia i ai le Atua ma e lelei lima i le tautua, tautuaina o le nuu. O lou agaga mama e pei ona folasia lau Afioga i le Fofoga Fetalai, e le lauga faatosina le sui usufono lenei, pe lauga i se isi autafa e fai ai ni ulga loto eleelea ma tulaga faapena i le Minisita.....

FOFOGA FETALAI: Malle le sui usufono o saunoa sei tuu atu le avanoa i le Palemia.

Tulai mai lau Afioga i le Palemia.

Susuga Hon Tuilaepa Fatiafafa Lupesoliai Aiono Neioti Saitele Malielegaoi: Lau Afioga i le Fofoga Fetalai, nei tei ua faitau escese le sui usufono ma talli ia e aveatu. E le o avevatusa faapitoa ia te ia, o lea e faalauaitete le lauga. A maitau mai o le mataupu tau i le vai o faiga faavae a le tatou Malo lea na agai tonu atu ai lava le Minisita o Tupe leaga o la sa faafoeina le tulaga o le siosiomaga ma e na amata mai i lona taimi le atinae lea. O la e tele lona malamalama o lea e saunoa ai i le atinae tonu lea e saunoa i ai le sui usufono. E le faapea la o agai tonu atu ia te ia ao lea e faalauaitete ona o le mataupu lenei o le mataupu e aafia uma ai lava Samoa.

FOFOGA FETALAI: Tulai mai le sui usufono e faauau le saunoaga.

Afioga LAFAIATELE PATRICK LEIATAUALESIA: E le toe oo se matou tala i tulaga ia ae pei o le lagona o lenei sui usufono e folasia o matou manatu ma lagona aua le faafofoga a le Itumalo lenei.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafolaiga i luga o le faitauga faalua

Ae pei ona ou fai atu i le taimi ua sola lau Afloga i le Fofoga Fetalai, o le ala lea o le fiafia o le Palemia la te au aua o au la ou te tautala sao lava ma o le ala foi lea o lou agai i o aua e le ma iloa mai e outou, tate flu foi e tuitui i le Minisita i nisi o taimi. A faapea la e le faia? O le a la se isi auala matou te agai i ai? Ae o le a matou see ese ma le vaega lea. E pei ona ou fai atu i le taimi ua sola ma le agaga faaaloalo lau Afloga i le Fofoga Fetalai, e aveatu le matou faafetai i lau Afloga i le Minisita o Tupe, ou te talitonu e le o se galuega faigofie lau galuega lenei ae o le faamanuiaga a le Atua i lau Afloga faapea foi lou auvaa i le taufaasoasaina o le tamaoaiga utiuti o le Atunuu ua ala ai ona i ai le taeano lenei. Ae matou te faafetai atu o lea ua maua le suavai ae toe o tulaga o paipa. O le ala lea o lou tulai atu ma tuuina atu vaega la, pe e le o le mafuaaga lea ona o le lava o le seleni.

O le isi mea lau Afloga i le Minisita o Tupe, ai o lou silasila ia te au. Aua o le sui usufono mo Falealupo, ona pau lava le agaga o le sui usufono mo Falealupo na o le faitio lava, a o lea ua muamua vili le suavai o le sui usufono mo Falealupo, ae leai se sui usufono e aupito sili ona faitio e pei o le sui usufono mo Falealupo, ae ua vaalava ma le faanoanoa ona a alu atu lolu e avatu ai ogapaipa, e sasaa uma lava i Falealupo. O lea e faafofoga mai Falealupo.

Susuga Hon Tullaepa Fatiafofa Lupesoliai Aiono Neioli Saillele Mallelegaoli: Lau Afloga i le Fofoga Fetalai.....

FOFOGA FETALAI: Malie le sui usufono o lo o saunoo se i tuu atu le avanoa i le Afloga i le Palemia.

Susuga Hon Tullaepa Fatiafofa Lupesoliai Aiono Neioli Saillele Mallelegaoli: E leai, e le o le tulaga lena. E faalagolago lava tatou i Salenitisi e feoai ma a latou fua tautau. O le fua tautau la lena e oo loa i lea mea gaioi ona faapea lea, "O ilnei la e maua ai le suavai". O lea foi la na ala ai ona filifili lena itu ona e i ai mauga na e i uta e sau le suavai ma toa ai. E le faapea o le mea lea sa i ai le aitu foi lea o Nafanua. O tala faafagogo tagiao na sa fai e loomatutua ina la uunala ai tamaiti e tuitui o latou vae, a o le tala sao lava lena. E feofeoai le au Salenitisi mai fafo ma feaveai a latou fua, o le gaioi lava o le fua ona faapea lea, "O lalo la ilnei lea e i ai le suavai".

O le tele ia o taimi alu vale o le Malo i aso ua tuana'i. E eli, eli lea mea ua tolu masina ua 2,000 mita i lalo ae leai se suavai. Ona toe sili mai lea toe o toe eli faumate le isi mea. Eli, eli, eli e leai se suavai, a o le eleele lea e le i ai se faumate, masalo pe faatolu pe faafa ona matou'asiasi i ai faatoa faunuu loa i lalo i le maualalo lea sa i ai. O lona uiga toelilili lava tulaga faatasi ma le maualuga o le sami.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – folafolafoniga i luga o le faltauga faafua

O le tulaga la lena ina nei tel ua faapea ona o le faitio soo lea na mafua ai ona o lea ua ou tau vaai atu e pei o le a e faitio foi ma oe ona o manatu sese la e faapea a tele faitioga ua vave mea mo le Itumalo, ae e atili ai ona tuai atu mea mo lou Itumalo. A o le agaga lava ia, o lo o i ai fua e fua ai ona faigofie ai lea ona faatino a tatou galuega.

Afioga Hon Aeau Peniamina Leavaiseeta: Lau Afioga i le Fofoga Fetalai.....

FOFOGA FETALAI: Malle le sui usufono o lo o saunoa leaga o lea ua e taua au lafoga i le taeao, ae tulai mai le sui usufono e saunoa.

Afioga Hon Aeau Peniamina Leavaiseeta: Lau Afioga i le Fofoga Fetalai, o le mea e fia faasao i le saunoaga a le sui usufono mamalu.

E le o le faitio le mea na ala ai ona vave ona fai paipa o Falealupo po o lo ta suavai foi, a o le tau sao. Ae e te iloa le mea e tuai ai oe, ona e faalou le maga, tulou lava o le upu e to ia te au. E faale o malamalama lau message, ua e iloa? O le mea lena e tuai ai oe. O lea foi la na ou fai atu ai, a ou ioe atu, ona alu atu lea o lou paipa ia te au. Ua lava au la malie ona alu atu lea o oe, aua e uma lava lenei Paealga e leai lava sau mea.

FOFOGA FETALAI: Le sui usufono mo Alataua Sisifo, tau lava ina fautua atu le Nofoa. O lea na fautua atu i le taimi ua sola, la faimalu le faiva o lea ua logona le Maota. E le o na ma se laina lou tagi talatala faa-Metotagivale e fia fau lona fale. O lea ua saunoa malamalama le Afioga i le Minisita, e \$10milliona le poloketi a le Malo lea e agai i le Fale Vaisigano. Ua laki atu ai le sui usufono mo Falealupo, le sui usufono mo Vaisigano Nu.1 ma le sui usufono mo Vaisigano Nu.2. Ia olo laia le fua, pati ma po ma tapuala faiva o le Minisita ma milimili le aao o le Minisita. O taimi faapenei tatou te agai ai i tulaga faapena, a o lea ua faafofoga le Maota. O la foi e faafogafoga mai lo tatou nuu, ua toe o se aga ona tatou faamalu lea i le paipa fou.

Faailu mai lau saunoaga le sui usufono mo Alataua Sisifo ua uma lou taimi.

Afioga LAFATELE PATRICK LEIATAUALES: Lau Afioga i le Fofoga Fetalai, o lou lena talitonuga i le mea ua i ai le tatou polokiki. Sa le tataua ona villa le suavai o le sui usufono mo Falealupo, leaga na o le tete, tete, tete ma aumai saunoaga faauigalua i le Maota lenei, ae pei o lou tulai atu, e leai foi se agaga e faatautee i le saunoaga a le Afioga i le Palemia aua o lou agaga, la folasia i le Maota lenei tulaga o i ai manaoga o Itumalo. E pei o le agaga lena o lou tulai atu, ae leai se agaga e faatautee i le Afioga i le Taitai o le Malo faapea le Minisita mo Galuega, Felualga ma Atinae Esee.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafolaiga i luga o le faitauga faalua

Mo le silafia, e i ai le ma faia ma le Afloga i le Minisita mo Galuega, Felauaiga ma Atinae Eseeese. O au o Tonumaipaea Lafai Sauoaiga lea na usu i le alo o Manualesagalala, a o le tele o taimi ou te alu atu ua fol mai le sui usufono mo Falealupo. O la lava e lloa e le sui usufono mo Falealupo auala e yave ai ana mea ma tulaga faapena. E pei lava ona ou fai atu, o lea ua malamalama le Maota. O ou lava uiga e tuusao aua o ulga na o le tagata e tautala sao.

A o le taeao lenei lau Afloga i le Fofoga Fetalai, ua faaiu se manatu o lenei Itumalo. E pei lava o le tulaga vaivai ma le tulaga e pei lava ona matou taumafai atu e fofola i le taimi ua sola ma fatia ua alu, e le i soona filifilia e le Itumalo lenei Lafaitete. O le tagata e matautia ona lima i le tautua. Afai o i ai se isi o fofou mai, o le tall lena o le polokiki, a o le taeao lenei ma le faafofoga a lo tatou Atunuu ma lo'u Itumalo, o lena ua e faafofoga mai. Sa e fesili ia te au i le vaiaso lea na tea nei, "Se Lafai, se fesili atu ia i le Palemia pe ua aumai, aumai nei paipa taatitia ai faapea a o lea ua maua le suaval"? Ona ou fai atu lea, "Ki mai a outou laau ma faalogologo mai, o le a momoli outou finagalo ma tulaga faapena aua le faafofoga a le Atunuu".

Lau Afloga i le Fofoga Fetalai ma lenei taeao, a o le i faaluina sa matou tala, matou te faamalulu atu i lau Afloga i le Minisita mo Galuega, Felauaiga ma Atinae Eseeese i tulaga e pei ona avatu ai so matou lagona i le taeao lenei, ia malu aveia i fale i lou finagalo, matou te faamoemoe atu i le tofa faatupu ma le faautaga faafaleupolu e magalo ai so matou sese ma se faaletonu.

Lau Afloga i le Palemia, o lena ua ou fai atu. O au ia e tautala sao lava, e le lauga susu le Itumalo lenei. E tuusao lava upu, afai o i ai se isi o le Vaega Faaupufai e faapena i lau Afloga, ao Lafai, se e alofa tele ia te oe leaga o le telne Lepa lea ou te nofo ai; o lo matou sao lena i lenei taeao fou.

Lau Afloga i le Fofoga Fetalai, e faamalulu atu. Afai ua sala uta, ia tonu tai. Afai fol o le a sau faafofoga i le taeao lenei pe afai ua silsil sa matou tala, o lagona lava na o lenei usugafono.

Tofa Levaopolo Talatonu (Gagaemauga Nu.2): Lau Afloga i le Fofoga Fetalai.....

Afloga LAFAITELE PATRICK LEIATAUALES: Malie Saleaula o le a faalu atu ia matou tala.

Tofa Levaopolo Talatonu: Na o sina mea laititi lava lea aua faamaumauga a le Maota i le saunoaga a le sui usufono. Ou te falosaga atu ia matua faamanu faalelei le saunoaga.

FOFOGA FETALAI: O le tulaga lena e taatia mai pea i le Nofoa. Malie le sui usufono se i tuu atu le avanoa i le Minisita.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoalga i luga o le faitauga faalua

Afioga Hon Manualesagalala Enokati Posala: E le faua ia te au saunoaga a le sui usufono, a o le faua ia maua e le Itumalo le suavai. O lea foi na lagalaga, a o mea lava o lo o agai i ai suafuaga a le Pulega, ae ona pau lava se faasaoga, e le o faiga faavae ia a le Malo o le faapito, ae la faasafua ia Samoa atoa le suavai.

Ma le isi mea, o lea na saunoa le Afioga i le Palemia, o le sui usufono mo Falealupo ma sui usufono ia, e le oo atu lava i lou Ofisa. A o faafofoga mai Itumalo, e le o faia ona o le o atu i lou Ofisa, a o le agaga lena o le Malo ia maua e Samoa atoa le suavai.

Ia manuia lenei aso.

FOFOGA FETALAI: Ua faamalo le tofa i lau Afioga i le Tiakono Toeaina aua e pei o lou finagalo faale-Atua lea e mafua ai ona fai galuega a le Fale Vaisigano.

Tofa Motuopuaa Uifagasa Aisoli Vaai (Vaisigano Nu.2): Malle lou finagalo lau Afioga i le Fofoga Fetalai, ona o lea e faafofoga mai o matou Itumalo ua fal mai o matou nei o sui usufono e le o atu i o. E flu e fai se appointment i le Ofisa o le Minisita, e tali mai lava le Failautusi, "O le a le mea e te manao ai i le Minisita?" O le mea lena, e tali mai lava e le Failautusi. Ona toe fai atu lea, "Ia tuu ia lau appointment faafetai tele".

FOFOGA FETALAI: O lea ua faafofoga mai le Minisita, sei faatonu le Failautusi aua e tatau ona faaoo i le Minisita tulaga i appointment ona faatulaga ai lea.

O lea ua faaiu mai le saunoaga a le sui usufono mo Alataua Sisifo.

Tofa LAFATELE PATRICK LEIATAUALES: O la matou tala lena i lenei taeao lau Afioga i le Fofoga Fetalai faapea foi le maualuga o le tapuaiga a lo tatou Atunuu, a o le faatafetafea ai o le Auaigaluega tofofi a le Atua i lo ta Itumalo, o le ala lea o lou filifilia pea o a'u. O le lua lenei o Paeaiga, o lea e sauni mai le tolu. E pei lava ona ou fai atu i le taimi ua sola ma fatia ua alu, e pisa, pisa nei mea, omai foi le Paeaiga o le 2016, ia o la foi ua toe ula le ulafala a Lafatele.

O la matou tala lena i le taeao lenei ae ia alofagia e le Atua le folauga a lo tatou Sa. Lau Afioga i le Palemia faapea foi lenei Vaega Faaupufai toastele ma lena Itu, tatou tuu i le Atua. O a tulaga uma i matagi ma afa malolosi, lafoai i le Atua aua o la e i luga le pule. Ia taulu, taulu Lona finagalo, ia faamamao ni mala ma lo tatou atunuu ina ia folau lo tatou atunuu i lagimā. Ia manuia lau Afioga i le Fofoga Fetalai faapea foi le tapuaiga a Samoa, ae a Faauluuluga o Matagaluega ma Faalapotopotoga a le Malo, ae la matou ola i le alofa ma le agalelei o le Atua. Ia manuia le Fono.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua

FOFOGA FETALAI: Malo faafetai saunoa i lau Afloga i le sui usufono mamalu.

Ua tatou oo i le taimi malolo masani o le taeao, ou te faasilasila atu ai o le a faataatiaese Taualumaga a le Fono Aoa o lana malologa masani.

Na faataatia ese Taualumaga a le Fono Aoa o lana malologa masani i le Itula e 10.45 i le taeao.

Na toe faaauau Taualumaga a le Fono Aoa i le Itula e 11.20 i le taeao.

FOFOGA FETALAI: E manatu ua toe faafoisia mai lo outou malosi i lenei vaega o le aso e tusa ai ma le tatou tausiga masani o le taeao, ia vili le Atua ona o lo o maua pea meaai faaletino e fafaga ai o tatou ola aua le faafoisia o lo outou malosi aua le toe faaauauina o a tatou galuega. Ou te talitonu foi o lea ua maea le afa muamua o a tatou galuega o lenei taeao, e momoli atu ai le faafetai tele i sui usufono mamalu na saunoa. Ou te talitonu ua anoa ma ua lava ma totoe ia saunoaga e tauli ma taimua ai a tatou feutaiga ma le faatofalaiga i lenei taeao fou, a o le avanoa lenei o le a toe tuuina atu ma ua i ai le agaga ma le faamoemoe o le a tuu atu pea le avanoa i nisi o sui usufono mamalu e tulai mai e saunoa, ma o le talosaga a le Nofa la faataua lo tatou taimi.

Tulai mai le sui usufono mamalu mo Vaisigano Nu.2 mo le saunoaga a lea Itu o le tatou motu i le fale Vaisigano.

Tofa MOTUOPUAA UIFAGASA AISOLI VAAI: Faafetai i lau Afloga i le Fofoga Fetalai mo le avanoa e fai ai foi se faamatalaga e uiga i le Tala Faatatau Faaopoopo o le Tupe i lenei taimi.

Lau Afloga i le Fofoga Fetalai, atonu e talaseagai foi lou tulai atu ona o lea faatoa maea atu le saunoaga matagofie a lou uso a sui usufono mo Alataua Sisifo, ma o le a toe faaopoopo atu foi nisi mea mo lo matou Itumalo.

O lea na saunoa le sui usufono i le suayal aua lo matou Itumalo. E faamalulu atu foi i lau Afloga i le Minisita, afai ua faamanuallā lou finagalo ona o se faamatalaga, ona pau lava o le sui usufono mo Alataua Sisifo ma ia e manatua, ia faamuamua au ia te oe ona o lea ua faamalulu atu aua si ou uso.

Lau Afloga i le Minisita, sei manatua ane foi ona e i ai le vai i lo matou alaafafaga, e faigata ona oo i ai ni taavale ona o le leaga o le auāla. O le auāla foi lea e uia e tamaiti aoga pe a oo i uta i le aoga. Se i tuu ane i ou tafatafa ma e aiolū atu lenei sui usufono aua le auāla lea e alu i uta i lo matou nuu faapea le faleaoga mo tamaiti aoga.

22 IANUARI 2013

Tulafono Tau Faaofi o le Faatatauina o Tupe Faaopopo (Nu.1)
2012/2013 – felafolafoaiga i luga o le faitauga faalua

Lau Afloga i le Minisita mo le Solfua Maloloina: O lenei taimi ou te soso atu i ou tafatafa ona e i ai nai mataupu ia e fia laga aua le faalelela pea o le tautua ona o le solfua maloloina o lo tatou atunuu. Muamua, lau Afloga i le Fofoga Fetalai o le mataupu lenei na ou laga i le tausaga muamua o le Paeaiga lenei ma na ou laga foi i le tausaga lea ua mavae, o le mataupu lea i le fale talavai.

Silasila foi lau Afloga i le Fofoga Fetalai, e le mafai ona fai se Fale Talavai pe a leai se pharmacist, e le mafai foi ona fai sau accounting firm pe a le o oe o se Accountant, e le mafai foi ona fai sau Ofisa faa-Fomai pe a le o oe o se Fomai ma o le Tulafono foi lena. Lau Afloga i le Fofoga Fetalai, ua fai sina tele o tausaga o tuua e leai se tatou pharmacist o i ai, ou te fia vili atu foi i uta e fia talanoa i le pharmacist, ou te talanoa i tamaiti ia e i ai. A o lea lau Afloga i le Fofoga Fetalai po o le Afloga foi i le Minisita, po ua valu tamaiti ia e i ai ua leva ona iu mai ma Bachelor of Pharmacy. O isi e lu mai ma first class honours. E i ai le isi foi pharmacist ua fitu nei tausaga, ae a silasila i e na pulea faletalavai i taimi ua tuana'i atu, o le isi o le certificate. Ou te le faapea ou te fai atu ona ou te tuua i lalo le galuega a nei tamaiti. Na pau foi o le mea na oo i ai o latou avanoa ma aoga i lea taimi. O le isi o le diploma, ae sa pulea le faletalavai. O lae foi ua chief pharmacists isi sa i ai, a o lea foi ua toatele mai tamaiti, o le maualuluga ia o faafloga, ae o lea ua avanoa pea le avanoa e leai se tatou pharmacist o i ai, pe aisea. Talofa i nei alo o le Atunuu, se i e alofa lau Afloga i le Minisita, sei e tilotilo ae lava po o fea o i ai le lape o lea itu?

FOFOGA FETALAI: Malie le sui usufono o lo o saunoa se i tuu atu le avanoa i le sui usufono mamalu mo se mea e fia faamalamalama.

Afloga Tafua Maluelue Tafua (Aleipata Itupa i Lalo): Lau Afloga i le Fofoga Fetalai, o se mea e fia faamalamalama. O lea ou te maitau atu e le o i i le Afloga i le Minisita mo le Solfua Maloloina, ae na ona ou fesoasoani, leaga sa matou felloa'i ma le Matagaluega i le vaiaso ua tuana'i atu. O le faamalamalama na aumai i le tulaga lea, o le tofiga o le pharmacist, o le faaaliga na aumai e le Pule e faapea ua uma ona fai le interview, ma o lo o faataatia i le taimi nei, ona e leai nisi e agavaa, e talavou tele i latou o lo o i ai nei.

Lona lua, o lea ua i ai le alii faapitoa po o le tagata tomal faapitoa mai Ausetalia o le papalagi, o lea o le a aumai mo le lua tausaga na te koleniina nisi o tatou pharmacists, ina ia aluese ia i le lua tausaga pe a mavae e sau i lalo o le aid foi lea o le APTC ona faaauau lea e se isi o alo o le Atunuu.

Na o le faasilasilaga lea ma se mea e fia faamalamalama i luma o lau Afloga, mo lou silafia. Ma le faaloalo.

22 IANUARI 2013

Tulafono Tau Faaofi o le Faatatauina o Tupe Faaopopo (Nu.1)
2012/2013 – felafolafoaiga i luga o le faitauga faalua

FOFOGA FETALAI: Malo faafetai i le fesoasoani mai, leaga o lea sa i ai le tuatuaiga o le Afioga i le Minisita i fafo a o alo i le tatou malologa, a o lea ua taunuu mai. Faafetai atu mo le fesoasoani mai le sui usufono mo Aleipata Itupa i Lalo. Ou te talltonu o lea e faamaumau e le uso a Minisita le faamoemoe ma o lea foi e faamaumau e sui o le Kapeneta, o le a soalaupule tulaga uma la i tulaga o talmi e tall atu ai Afioga i Minisita. Ae tulai mai le sui usufono e faaauau mai le saunoaga.

Tofa MOTUOPUAA UIFAGASA AISOLI VAAI: Malo faafetai. E le malamalama au i le faamatalaga lea na fai mai nei, po o le a le lalitiiti. Ia a lalitiiti ua fitu tausaga talu ona iu mai le isi? E fia malamalama po o i ai i totonu o Tulafono nei criterla. E pei o le mea foi lena e fia...

FOFOGA FETALAI: Malie le sui usufono o lo o saunoa se i tuu atu le avanoa e tall atu ai le Afioga i le Palemia.

Susuga Hon Tuilaepa Fataalofa Lupesollai Alono Neioti Saillele Malielegaai: Lau Afioga i le Fofoga Fetalai, pei o la e misi atoa i le faafogafoga mai, o la ua uma ona faasalalau, o lona uiga toe pau lava le mea o le luga e fai. O le auau atoa lena o le tatou mataupu i le taeao nei, o lea na faasiasila mai e le sui usufono o la e ua uma ona faasalalau.

Tofa Lealallepule Rimoni Alafi (Faleata Sisifo): Lau Afioga ou te fia fesoasoani atu i le vaega lea...

FOFOGA FETALAI: Malo faafetai. Malie lau Afioga i le sui usufono mo Faleata Sisifo, o se mea leaga o lea e le i taua lau Afioga i tualumaga o mea e fia faasao.

Tofa Lealallepule Rimoni Alafi: E fia faamanino, ona talu ai o au ou te i le Komiti o Tupe Maua ma Tupe Totogi, sa ou fesiligia ai le mataupu lea ina ua omai le Pule o le Matagaluega, ona o lea ua saunoa le Afioga i le Palemia ua faasalalau le avanoa.

FOFOGA FETALAI: Ia tulai mai la, ona o lea ua maua atu e te i le Komiti o Tupe Maua ma Tupe Totogi.

Tofa Lealallepule Rimoni Alafi: O le tall mai a le Afioga i le Pule, e leai se isi o le vaega lea, e moni o lea ua i ai le technical experience, i le aoaoga, le tomai, ae le i lava le management, le tulaga lea i le pulega. O lea la ua aumai le papalagi mai fafo, e lua tausaga e vaafa.

FOFOGA FETALAI: Malie lau Afioga i le sui usufono mo Faleata Sisifo se i tulai mai le Afioga i le Palemia.

22 IANUARI 2013

Tulafono Tau Faaofi o le Faatataulna o Tupe Faaopoopo (Nu.1)
2012/2013 – felafolafoaiga i luga o le faitauga faalua

Susuga Hon Tullaepa Fatialofa Lupesoliai Alono Neioti Saillele Malielegaoi: Lau Afloga i le Fofoga Fetalai, o lea ua iinei le Afloga i le Minisita o le a tall atu i ai.

FOFOGA FETALAI: Ia tulai mala lau Afloga i le Minisita mo le Solfua Maloloina leaga o lea o le a fetalai sui usufono o le Komiti o Tupe i le mataupu lea e uiga i le.....

Afloga Hon Tuitama Talalelei Tuitama (Minisita mo le Solfua Maloloina): Lau Afloga i le Fofoga Fetalai, o lea ua matau atu o lea ua tau pusi i luga o le aupa. O le tulaga lea ua ou vaai atu ai i ai i faamaumauga.....

Tofa MOTUOPUAA UIFAGASA AISOLI VAAI: Lau Afloga i le Fofoga Fetalai, se faamolemole lava, leai o sui usufono mamalu la e finau e le o ni pusi ia e tau i luga o le aupa. Ma lou faaaloalo lava.

FOFOGA FETALAI: E le o ni ai avea o lea faatoa tu mai le Minisita e fitoltonu lava e tali finagalo. O le faaaliga o finagalo o sui usufono o le Komiti o Tupe Maua ma Tupe Totogi, a o lea la ua tuu atu i le Afloga i le Minisita o i o le a sau ai le atoaga o le tali. Tuu atu le avanoa lau Afloga.

Afloga Hon Tuitama Talalelei Tuitama: Lau Afloga i le Fofoga Fetalai, e le fou le mataupu lenei. Na talanoaina foi i le Fono talu ai i le Main Budget ma o lea foi sa ou faamalamalamaina. E tusa ma le toafa alo o Samoa la ua iu mai i le tulaga lea o le pharmacist, ae o lo o tapenapena nei la i le tulaga tau management po o le pulega tatafu o Matagaluega. O lea la e aotau nei i latou mo le galuega lea ina ia maua lo latou tomal e faafoe ai galuega, ona fili mai ai lea o se agavaa e avea ai ma talulu o le Matagaluega. O le ala foi lea o le oo mai o le pharmacist lea e i ai nei, o le faamoemoega lena ona o lea e maua lava i finagalo o le Fono nei, e ese lava le tomal ia i le faiga o le matafaloti i galuega, ae tatafu foi ona i ai ma se tomal e faafoe ai galuega i le tulaga tau management.

E pei o le agaga lea ua ala ai ona tual ona fili, a o lau tali na avatu i le Fono talu ai, o lea ua tofitofi nei latou nei i matata ese e manage ai le faiga o vailaau i totonu o falemai. O vailaau ua tuu i ai le isi, o le vaalga o storage lea e aotauina ai isi se i maua so latou tomal i le faafoega ma le faasoaina o vailaau.

E pei foi la ona silafia, o lea ua i ai le Council a Pharmacists ma o le tulaga fou la le tulaga lea. E le o i ai se council po o se Komiti Faatonu e faafoeina itu ia. O le a gafa la le vaega lea ma le filifilia o nisi e agavaa lelei i lea vaega, a o lo o fai tapenaga mo le aotauina o le fanau, ona fili mai ai lea ia i latou nei o lo o i ai i totonu o le Matagaluega nisi e gafatia ona tauave le Matagaluega i lona pulea, e le gata i vailaau ae faapea foi e o lo o faigaluega ai.

22 IANUARI 2013

Tulafono Tau Faaofi o le Faatataulna o Tupe Faaopoopo (Nu.1)
2012/2013 – felafolafoaiga i luga o le faitauga faalua

Ma o lo o tapena mai foi le Tulafono e ono oo mai i le Palemene i se taimi, o lea ua i ai foi ma le faamoemoe, e i ai se sui o le auunaga lea tau vailaau i totonu o le medical council, o le board a le falemai, po o le Komiti Faatonu lea e pulea auunaga faa-soifua maloloina.

Ia o nai vaega la la o lea e tilotilo agai i ai le Matagaluega, e le o nofoai le Matagaluega e tusa ai ma le mataupu lenel, o lea foi e lagona lelei e le Matagaluega le manaomia o se na te taitaia le vaega lea, ae lelei lava ona fai toatoa ma fai ma le mautinoa, ina nei foi ua tulai mai se isi faafitauli i le lumanai, a ua maea ona tapena se tasi e agavaa.

FOFOGA FETALAI: Malo faafetai. Ou te talitonu o lea ua manino le folasaga a lau Afoga i le Minisita e ala i le mataupu na taua e le sui i lana folasaga ma lana lauga faalauaitete. Ae i ai le talitonuga o le Nofoa, e tatalo atu i lau Afoga i le Palemia ma le Kapeneta ona o lea e faagasolo lauga a sui usufono. O le talitonuga o le Nofoa, ina la au tafeloa le tatou galuega. E i ai lava le tulaga o lo o outou seei e faamaumau uma tulaga o lo o lagalaga e sui usufono, ona tasi loa lea o le taimi e tuu atu i tulaga o le tatou tali atu. Ae a i ai lava mataupu anoa ma tulaga foi o mataupu e fia faasao i ni mea e faasala ese, ou te talitonu ne i toalia ai le tatou Fono, aua a tulai loa i faamalamalama ma taimi eseese, ou te talitonu ua lagalaga foi finagalo i ni mea e fia faasao ma mea e fia faauilavea i taimi e lagalaga ai i saunoaga. Ae tuu atu i lau Afoga i le Palemia ma le tatou Malo, o le a tuu atu pea le avanoa i le taimi e tali ai ona malamalama ai lea o le lauga.

Tulai mai lau Afoga i le Palemia.

Susuga Hon Tulaepa Fatiafofa Lupesoliai Aiono Neloti Sallele Mallelegaoli: O le itu lea o lea matou te tulai atu ai pea, ona e aoga le faamalamalama i le taimi lea e saunoa ai le sui usufono. O le faalua ai lea ona tulai mai le mataupu lea. E lelei le vave faamalamalama i le toe tutulai mai foi o isi sui usufono ma saga aumai pea le mataupu. Ae a vave lava ona malamalama, ona faafaigofie foi lea ona logo lelei i saunoaga a isi sui usufono, aua le toe agai mai i ai. O lea la ua manino le mataupu, ona faafaigofie ai lea o le faagasologa i luma, a o le alu ai pea faapea, o lea la ua malamalama lelei le mataupu, atonu o le a le toe agai mai foi i ai nisi sui usufono. A o le faalua ai lea ona laga mai, o le faasoina la o le tolu, fa, lima, o le mea lea na mafua ai ona matou tutulai atu.

FOFOGA FETALAI: Malo faafetai. O le a lafo atu i lau Afoga i le Palemia ma le Kapeneta, o a lava mataupu ua tatau loa ona faatulaga i ai le tali faamalamalama ina ia nofo lelei le faasologa o lauga a sui usufono mamalu, o le a lafo atu i la outou pitolaau.

Tulai mai le sui usufono mo Vaisigano Nu.2 e faaauau mai le saunoaga.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafolaga i luga o le faitauga faalua

Tofa MOTUOPUAA UIFAGASA AISOLI VAAI: Faafetai atu i lau Afioga i le Fofoga Fetalai. Faafetai atu foi i le Afioga i le Minisita e oo i le Afioga i le Palemia ma sui usufono foi o le Komiti sa tau faamalamalama, la, faafetai lava i le tau faamalamalama mai. O au ua leva ona ou faigaluega i le pharmacy ou te alu e fai lau faa-fomai, ia, o la e ua sau le tou faamalamalamaga lena, e sau i le isi ou pu taliga toe alu i le isi ou pu taliga, vaeane lava le mamalu o le Fono, ona e fitu tausaga na ou fai atu ai e faigaluega ai le isi, o a la isi experience ma isi management e toe manao ai? Ou te manatua ina ua foi mai le Afioga i le Minisita mo Faatoaga, na sau lava ma lona Bachelor of Pharmacy, sau loa Pule. Ia ua uma ai li lea mataupu.

Lau Afioga i le Fofoga Fetalai, ua ou soso atu nei i le tatou Ofisa o le Faata, X-Ray and Ultra-Sonography ma le CT Scan. Lau Afioga i le Fofoga Fetalai, e leai na ona fesili atu lava i le Minisita po o le a se fuafuaga a le Malo i se tatou fomai o le faata. Talu ona tuumalo le Afioga ia Afamasaga Venivenia Sila, le ua 50 ma ona tupu tausaga o fautua pea i le Malo i lana matata lea o le faata, e tele lava nai faafitauli e seagai ma matou nei o fomai pe a avatu se order o se X-ray po o le a se mea, pe fia malamalama foi i ata ua faale-malamalama foi i ai le silasila a fomai, pei o le tama lea ua tele lona malamalama ma lona silasila foi i mea tau faata ma uiga o ata, ma gasegase o lo o silasila atu ai i totonu o faata. O le mea lea lau Afioga i le Minisita, ou te iloa o lo o i ai le alo o le tatou Atunuu la e ua avatu nei e aoao i lea matata, pe leai se fuafuaga e tau hire mai se isi mo se tausaga pe lua, ona faatalitali ai lea o lea alo o le Atunuu pe a toe foi mai. Ia pe toe foi mai foi pe leai, ia, o lau soso atu lea i lau Afioga i le Minisita.

Ona faauma atu ai lea o sau tala i le tatou general service, manala le tatou falemai fou, manala tatou fale ua tutu mai. E manatua foi le upu masani a le Atunuu, e le o le fale, a o le anofale, ia lelei le tatou infrastructure. O lea e lagolago atu ai pea i lau Afioga ma faufautua atu pea i lau Afioga i le Minisita, se i e mataitu ma tilotilo ane, vaai faalelei le tatou afaigaluega. Aua po o le a lava le lelei ma le tele o mea, ae a leai alii ma tamaitai fomai, e faapea foi alii ma tamaitai tausisi soifua, ia, alofa fai ane lelei o latou totogi. A lelei lava ma fiafia le afaigaluega o le lelei foi lena ona fai le galuega. Po o le a le fita e fai lava ma le lelei. O le talanoa atu lena i lena taeao lau Afioga i le Fofoga Fetalai.

Ia manuia tele le fonu, manuia le Palemia ma le Taitai o le Itu Agai faapea le Palemene ma le Ofisa o le Palemene. Faafetai.

FOFOGA FETALAI: Malo faafetai saunua, malo fetalai i lena vaega o le aso le sui usufono mo Vaisigano Nu.2. O lea ua faafofoga le Malo ma Minisita o le Kapeneta.

Tulai mai se tasi o sui usufono mo Falealili, Tofa Tusa Misi Tupuola o lea ua maua lou avanoa.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua

Tofa TUSA MISI TUPUOLA (Falealili): E momoli atu le faafetai tele i lau Afloga i le Fofoga Fetalai mo le avanoa o lenei sui usufono o le Itumalo o Falealili e molimoli atu foi nai motugaafa aua le tatou Tala Faaopoopo o le Tupe e pei ona iloiloina e le Palemene o Samoa.

Lau Afloga i le Fofoga Fetalai ou te masalo o paia lava ma sa ma faigata o le Atunuu aemaise lenei Maota mamalu ou te le toe oo i ai aua o Samoa o le Atunuu tofi, ua taoto foi ao se ala oo. Ao lenei itula ua ou tulai atu ma le agaga faaalalo e fia tuuina atu ni nai manatu i le Tala Faaopoopo o le Tupe. E momoli atu le agaga faafetai i le Afloga i le Minisita o Tupe aemaise foi le Matagaluega o Tupe mo lenei Tala Faaopoopo o le Tupe. Ou te iloaina lava le tulaga faigata ua i ai lenei Tala Faaopoopo o le Tupe ona ua fai sina masii ona o le manatu lava i le tele o aafiaga ua aafia ai le tatou Atunuu ona o le afa o Eveni e pei ona i ai i le tausaga ua mavae.

Lau Afloga i le Fofoga Fetalai, masalo tasi lenei Itumalo sa aafia tele i aafiaga o le matagi po o le afa le Itumalo lenei o Falealili. A o aafiaga e pei ona ou vaai pea i ai i le tulaga faigata ona o faatoaga, o faatoaga ua aafia, ua aafia ai ma lafumanu a le aufaifaatoaga. Ua le o toe po se lilo i lau Afloga ma le mamalu o lenei Palemene, o Falealili o le Isi Itumalo e galulue ona tagata e le gata i faatoaga, ae faapea foi le sami. I le tulaga o le atinae ma le tulai mai o mala faalenatura, e leai lava se isi e fai se loto. E pule pea le Atua ma ana galuega mamana o lo o tatou silasila ma vaai pea i ai i lea taimi ma lea taimi. A o le matou talosaga e fai ai au ma sui o le Itumalo, la alofagia e le Matagaluega o Faatoaga se'i toe silasila totoa lava i le tulaga ua i ai nei aemaise o nisi o aafiaga o pa povi se i tulou le Maota, ona ua aafia tele i le tele o laau tetele ua felavasai i totonu ma ua faigata ai ona galuealaina. Pe leai sina fesoasoani a le Matagaluega i ni nai ili e fesoasoani i le aufaifaatoaga sei tau faamalu tulou ae sei faagasolo latou polokalame ona o le lima vaivai foi o le aufaifaatoaga latou te le o mafai ona maua le tele o isi masini ia mo le faaleleia o latou faatoaga.

O le tasi itu lau Afloga i le Fofoga Fetalai ma le mamalu o le Palemene, ou te lagolagoina lava le tulaga e pei ona saunoa le Palemia i le tele o aafiaga ua tulai mai i le afa o Eveni ona o le tele o nisi o niu aua a silasila foi i ai ua tele ina touulu niu tuai. Po o le a se finagalo o le Malo aemaise le Matagaluega o Faatoaga pe le o niu ia ua tuai lea e uumi vale ua tataua ona tuu i lalo ae toto le niu fou e sui ai niu tuai nei mai le aafiaga o aafia ai i matagi ma afa ma aafia ai fale ma nisi foi o meatotino ua mafai ona tatou vaavaai i ai aemaise foi le ituaiga o faatoaga ia e pei o fai ma mea faapena e le mafai ona tuua leaga o mea ia e pei e aafia tele i taimi o afa ma matagi malofosi.

Lau Afloga i le Fofoga Fetalai, o tulaga uma o lo o i ai Falealili i le taimi nei ou te le o iloa i nisi o Itumalo, ao le agaga lava lea e pei ona aveatu i luma o lau Afloga ma le mamalu o lenei Palemene ona o le vaai lava i le taufaasoasoina o tupe i lenei Tala o le Tupe ina ia faatumauina pea le tamaoaiga lelei o le Atunuu i le agai luma aemaise o afa ma nisi o mea faapena e tulai mai.

22 JANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – fetafolafoaiga i luga o le faitauga faalua

O nai manatu na i tulaga o faifaatoaga ma sei silasila ane lau Afloga i le Minisita ma le Matagaluega pe leai se isi falga e toe fai ai le umala ma isi mea faapena. Ua ou vaai atu foi ua tau le ano tagata i le totolna o le umala ma le manioka ma isi laau faapena ao lea e saunoa le Palemia o laau lelei na i taimi o afa.

Ona ou oo mai lea lau Afloga i le Fofoga Fetalai i le Pulega o le Malosiaga Faa-Eletise. E momoli atu le faafetai tele i lau Afloga i le Minisita ma le mamalu o le aufaigaluēga o le Pulega o le Malosiaga Faaeletise. Ou te lagona lava tasi lenei Matagaluega e tatau lava ona ave i ai se faamalo a le Palemene nei aemaise foi lenei sui usufono mo Falealili ona o le galuega fai i le ao atoa ma le po e leai se malolo ona o le taumafai lava ina ia vave ona faaola moli ma le eletise i nuu i tua aemaise lava Safata, Leafaga ma Falealili ma Aleipata sa matua aafia tele i le afa. E momoli atu ai le agaga faafetai o la ua toe ola uma moli o Falealili, ua toe ola uma pusa aisa ma mea uma faapena ona o le galuega fita sa feagai ma latou. Faafetai foi i lau Afloga i le Minisita ona o le suavai i le Itumalo o Falealili. O lo o molimauina foi e le uso a Minisita le Tofa Hon Tulloma Lameko ona e fai lava le afa ao lo o ola lava vai o Falealili. O le agaga faafetai tele lea i le Pulega o le Suavai, malo faafetai galulue, malo le onosai, malo le tautua Atunuu e ala foi i le galuega o le suavai aua e moni lava le mau o le suavai o le ola lea o le Atunuu ma tagata uma. Talosia ia ia faaauau ai pea le faalelela atili ai pea le suavai mo Falealili.

Ona ou oo mai lea i tatou auala tetele lau Afloga i le Fofoga Fetalai, e le toe fai atuina se matou tala, o lena lava e te asiasi atu lava i le tele o taimi ona o au foi o le Minisita Lagolago i lau vaega ae ou te momoli atu le faafetai. Malo le onosai, malo faasoa, talosia ia vave ona oo mai foi nisi o faasoa mo lenei Itumalo o Falealili i le agai luma.

Ou te manatu na o le pau ia o ni mataupu ou te fia talanoa i ai ao le Tala Faaopoopo o le Tupe ia ou te lalloa po o le a le mea na le pasia ai ina ua saunoa le Afloga i le Palemia i le amataga. O mea foi nei o matai o latou lava e faia le faaiuga i totonu ilinei ae ou te talitonu lava ua ou tulai atu ma le agaga faaaloalo i luma o lau Afloga i le Fofoga Fetalai ma le mamalu o le Palemene e faatu ai se lafo ua talia atoatoa e lenei sui usufono mo Falealili le Tala Faaopoopo o le Tupe e pei ona i ai nei i le Palemene.

Ia alofa mai le Alili ma fesoasoani mai i galuega faaauau a le tatou Komiti o lo o feagai ma faalavelave faafuasei. Malo le galulue, malo foi le.....

Afloga Lafaitale Patrick Lelataualesa: Lau Afloga i le Fofoga Fetalai.....

FOFOGA FETALAI: E i ai se mea le sui usufono mo Alatua Sisifo?

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua

Afloga Lafaitete Patrick Leiatuaalesa: Leaga o lea e faalogologo atu po o le a lea lafo ua faatu mai?

FOFOGA FETALAI: Leai o lea e maua e le Nofoa, o lea e lagolago e le le sui usufono mamalu le.....

Tofa TUSA MISI TUPUOLA: O lea lava e lafo e Falealili ia Falealili e le o lafo e Falealili le Alataua Sisifo.

Ua ou tulai atu e lagolagoina e Falealili le Tala Faaopoopo o le Tupe ae le o se lafo. Ia alofa mai le Alli fesoasoani mai i le usua o le tatou fono amata o le tausaga ina ia sao ma ull mea i le fesoasoani mai o le Alli.

Ia manuia tele le tatou fono faafetai.

FOFOGA FETALAI: Malo saunoa i lau Afloga i le sui usufono mamalu mo Falealili. Malo timai, o lea ua e tomua i le lagolagoina o le lafo e ui ina e lei faatuina e le Minisita o Tupe le lafo ao lea ua faamau le faaluaina.

Tulai mai se fasi o sui usufono mo Valmauga Sisifo, Tofa Lefau Harry Shcuster o lea ua avanoa le Maofa mo lau saunoaga.

Tofa LEFAU HARRY SCHUSTER (Valmauga Sisifo): Faafetai i lau Afloga i le Fofoga Fetalai mo le avanoa, faatulou atu i le pala o le Maofa, tulouna lau Afloga i le Fofoga Fetalai, tulouna lau Afloga i le Palemia ma le Kapeneta, tulouna le Taitai o le Itu Agai ma sui o le Itu Agai, tulouna foi le mamalu o sui usufono uma o le Fono a Samoa.

Tulou foi le Fallautusi o le Fono Aoa Fautulafono ma le aufaigaluega, tulouna foi alii ma tamaitai o Pulega o Matagaluega a le Malo. Tulouna le faafofoga a Samoa, tulouna foi le tapuaiga ma le faafofogaaga a lou Itumalo o Valmauga Sisifo.

E taua le Fonotaga lenel ona o le Tala Faaopoopo o le Tupe ma le \$5.1milliona lea e atofaina mo mea na faaleagaina i le afa o Eveni. E manala i lau faalogo le lafo lea a Falealili ae fai sina lafo a Valmauga Sisifo pel o le lafo lea a Falealili. E matua talla lava e se fasi o sui usufono mo Valmauga Sisifo le Tala Faaopoopo lea o le tupe e pel ona tuuina mai mo galuega faaleleia a le Malo. Ou te talla foi le \$5.1milliona lea e tuuina mai mo Eveni ae afai e aumai le \$5.1milliona lea e faaleleia ai Valmauga Sisifo ae ave ane se isi \$5.1milliona mo isi itumalo o Samoa aemaise lava le tatou taulaga lea o le a i ai.

E le faaititia i lou sui usufono le aafiaga o itumalo o Samoa lea na aafia i le afa o Eveni. E leai se agaga e faasili atu le leaga o mea na faaleagaina i Valmauga Sisifo i lo isi itumalo. E leai foi se agaga faapea i le faamatalaga o le a tuuina atu i le Malo pe faasino se lima, pe sese se Matagaluega a le Malo. Pau le agaga, e tele le aafiaga na oo i ai Valmauga Sisifo ao le atugaluga o se auala e faaititia ai ina ia aua nei toe tupu. Pe a faapea e toe tupu e le oo i le tulaga lea na oo i ai.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – fetafolafoaiga i luga o le faitauga faalua

O se eceseega i lau vaai vaivai i le faaleagaina o Vaimauga Sisifo mai isi itumalo ia ona e le gata i maota ma laoa aiga ae faapea foi i pisinisi. O nisi pisinisi o pisinisi tetele mo le Atunuu e pei o Aggie Greys, ae na matua faaleagaina uma foi tatou aseta, aseta a le Malo i paia e lua ia e sau mai lava i le fale o le fee e tau mai i le loto o Samasoni ma Alaoa ma le faatanoa i Magiagi. O le mea e faafetai ai i le Atua e le i leaga faatanoa i Alaoa lea e faaaogaina mo le tapueina o le suavai lea e faaaoga e le SWA. Ao se tasi lenel o aseta taua a le Malo le aseta lea i le paia lea i le fale o le fee ma Alaoa.

E pei ona ou taua o le taua o le tagai masalo o inisinia ma e e i ai le potu faapitoa i le EPC ma le SWA ona o latou ia o lea e faaaogaina le vaega lea o le laufanua o Vaimauga Sisifo mo atinae mo le Malo. O le tali mai ia suesuega e aoga mo le Itumalo o Vaimauga Sisifo ona o tulaga nei pe ete faaaogaina i se maota, laoa po o se pisinisi e taua lou iloa po o le a le tonu le mea o le a agai i ai. E fai lau faaluga pe te alu ese pe te nofo. E faigofie i fanua tau Samoa e i ai afioaga o matou i Vaimauga Sisifo, e i ai le afioaga o Magiagi ma Moata e i ai fanua o vaega ia na aafia pe a faapea o ese ae o i le laufanua pito i luga o Magiagi po o Moataa foi. Ae i ai foi vaega o fanua ia o fanua umia saoloto e fai sina faigata mo e o lo o i ai lina e o i se isi mea ona o lo o i ai latou pisinisi. O le faatuga la e fai, e le gata i le faatuga e relocate ae faapea foi ona toe amata se pisinisi. O le tulaga lea e manaomia ai e le Vaimauga Sisifo po o a fesoasoani e mafai ona maua mai e le Malo e matua talia e le Vaimauga Sisifo e le gata i aiga ao e foi fai pisinisi.

A outou tagai i laueleele nei, tasi nei laueleele e le faapea ou te faaauau i lou Itumalo o Vaimauga Sisifo ae tasi lenel o ogaeleele aupito sili ona taua i totonu o Samoa. O le ogaeleele lea e alu atu lava mai le valtafe i Vaisigano alu atu ai i le alavai i Alala alu agai i uta i le fale o le fee. E le o se laufanua lautele tele, e vai ai lona taua, e taua ia tatou. O le tolusefulu tausaga talu ai sa faia ai e le Kamupani lea o le Joseph Rebell le laina o le paoa lea e sau mai le fale o le fee, sau i Alaoa, sau i le loto o Samasoni ma o le sao lea o le Itumalo o Vaimauga Sisifo i le atinaeina o le Malo o Samoa, lea na maua mai ai le paoa lea e tolusefulu tausaga ua tea atu. E moni lava o lea ua faaleagaina i le taimi lenel, ae i ai le mea e sili atu ma lelei i le mea lea ua i ai i le taimi lenel. A faapea o le 30 tausaga lea na tea atu sa selesele ai Samoa i le power ma le suavai lea ua i ai, e i ai se mea matautia e mafai ona fai atu i le ogaeleele lea, o lona taua lena ia tatou o le Malo. E taua mo aiga pei ona ou taua o lo o nofoia ogaeleele nei ma fai a latou pisinisi ma o lo o nonofo foi e fai ai maota ma laoa aemaise lava le afioaga o Magiagi. Ae ese foi le taua o le ogaeleele lea i le talafaasolopito o le Vaimauga, e tele tala o le Fee, e amata atu lava i Apla i le Vaisigano tau i gauta i le fale o le Fee – ma o se laufanua e le gata i le taua a o se laufanua foi e matautia foi lona matagofie.

Lau Afioaga i le Fofoga Fetala'i sa ou savali ai ma ou matamata ai e i ai ata na ou tapueina.

22 IANUARI 2013

Tulafono Tau Faaofi o le Faatatauina o Tupe Faaopopo (Nu.1)
2012/2013 – felafolafoaiga i luga o le faitauga faalua

O le tasi lea fanua e aupito sill ona manala ma aulelei i totonu o Samoa o le fanua lea o le Fale o le Fee, e le gata la i le manala o le fanua a o le tele foi o lona aoga i le atinae o Samoa, aua e le taumate, e le avea la le faaleagaina lea o le sau mai Alaoa i tai i le Vaisigano ma mea o le a tuu ai le taumafai e atinae ia le laufanua lenei, ona o i, e aoga le suaval lea mo le hydro power, o le renewable form of energy o la e maua ai i o – ma o le suaval foi e taumamafa ai le Atunuu pei ona faamama i Alaoa, o le a maua mai foi i i.

O se tasi lea tulaga lau Afloga i le Palemia ma le Kapeneta ou te faapea atu ai, a faapea o se finagalo o le Malo e aumai se tupe e fesoasoani e atinae ai le Vaimauga, e le o se faaauau a le Malo po o se faapito o le Malo. Aua a alu se fuafuaga faapea, o le investment e toe totogi lava e le vai o le Fee la mea e faaalu i totonu o le Vaimauga i le atinaeina o le Vaimauga e faaoga ai le power lea mai le Fale o le Fee. Lau Afloga o le alaval lea o le Fee e alu atu lava i Vaisigano o luga atu o le Fale o le Fee e i ai la afu la e tafe mai ai e faaoga ai le head pond la e i gauta, ou te iloaina e i ai foi se tulaga e tataua ona tagai pe faapefea ona conserve ona ua tele le vaega o le oga-lauueleele lea ua faamama – ma o se tasi la mea na ou maitauina e le o au o se Inisinia po o se tagata e i ai se malamalama i mea tau siosiomaga.

O lau vaai i le laau lea o le tamaligi, o le matua faatumulia uma auvae mauga mo le tamaligi pau ua tumu ai foi i lalo o le vanu. A o le maitau foi i le laau e vave ona tupu e tele le pogati o le laau a o ona aa e tau le tele le....e le tele ni aa o le laau e taofi ai ia le palapala. A ou fua i ai i laau Samoa na ou vaai lea agai i uta, e malosi atu le laau Samoa toe taofi e le laau Samoa le palapala e le o aafia foi, ae na o tamaligi lava lea e toulu, toulu. Ou te vaai atu la e oo i le faatanoa lea i Alaoa ua matua tumu lava totonu o le faatanoa ua poloka mo oga-tamaligi la e i ai i totonu, a o uta foi ua matua tumu lava i oga-tamaligi e faapena foi le faatanoa la e i le Fale o le Fee, pei e foliga mai o le tamaligi le isi factor lea sa contribute i le.....o le aofai o le vai na tafe mai ma le pau o tamaligi poloka ai ia le alaval.

E faatela lava i le Vaimauga ona e pei o le taimi muamua lea ua oo ai i se lologa faapea e pei o le mea na oo i ai. Sa i ai lava lologa muamua e pei o le 2008 sa matua timuga ai lava le Atunuu, toeltili lava tolu masina mai ia Tesema, Ianuari, Fepuari, Mati o timu faasoloatoa, sa fai ma lolovai masani lava i i Matautu-tai, Aai o Niue, Apia faasolo mai ai i Fugalei. Ae pei o le taimi muamua lava lenei ua oo atu ai le lologa i Vini, Faatoia, Apia Park, Vaipuna, Matautu-uta ma tai i Moataa. Ma e tele le galuega e tele foi le vaegatupe e alu e toe faaleleia ma toe faaleleia atinae e tataua ona fai. O lau talosaga i le agai i luma, pe tagai Matagaluega ia a le Malo i se auala, pei ona ou taua muamua, o le matua matagofie lava o le laueleele, e tele le aseta a tatou o la e i ai i totonu i i le laufanua lea e agai atu ai i le Fale o le Fee i le Vai o le Soaga, e tatou ona toe atinae, ua tatou vaala le malosi o le natura e faaleagaina ia le siosiomaga.

22 IANUARI 2013

**Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faltauga faalua**

Ae ou te talitonu, e i ai lava lou talitonuga o lo o i ai i totonu o le Atunuu i le EPC ma le Samoa Water Authority ia alo ma fanau a le Atunuu e popoto i mea tau inisinia e mafai foi ona iloa e latou. Po o le a le auala e mafai ai ona tatou faaaogaina le resource lea conserve ma puipula le Vaimauga Sisifo ia 'aia ne'i toe tupu mai se mea faapea pe faaitiitia, a faapea e i ai se lologa, ia faaitiitia ia le aafiaga o nei i le Vaimauga Sisifo. E le o se tala faamaualuga pe a, ae ou te talitonu, a oia totonu o le Vaimauga Sisifo, e manuia foi Samoa.

Lau Afioga i le Fofoga Fetalai, ona o sina manatu vaivai lea, faafetai tele mo le avanoa, manuia tele le Fono.

FOFOGA FETALAI: Malo, Faafetai saunoa, faafetai faasoa, faafetai timai. O lea foi ua faafofoga lo tatou Malo i le tele o le sao taua aua tulaga tau le siosiomaga ia ma le aafiaga o le Atunuu na tatou i ai nei.

O le a tuu atu le avanoa lenei i le sui usufono mamalu mo Faleata Sasae, tulai mal e sausu o lea ua maua lou avanoa i lenei vaega o le aso.

Tofa AVEAU TUALA LEPALE NIKO PALAMO (Faleata Sasae): Faafetai i lau Afioga i le Fofoga Fetalai, ia e le lau faamapuepuelna auma fatioloa aua o le taeao ua mamalu, aua o lea ua pue faagalua faafati sisina le vasa. O lea foi ua tatou oo mai i lenei aso matagofie, e ui lava i le tala i le Tau i Lologa ma Afa, ae peltai, o lo o manuia lava lo tatou Atunuu i le alofa o le Atua.

Ae ua ou tulai atu e fai sina manatu e uiga i le Tala o le Tupe e pei ona faataatia i le Maota Fono nei, E muamua ona momoli lau faafetai i lau Afioga i le Minisita aemaise foi o lau Afioga i le Palemia ma le Kapeneta, aemaise ia Faauluuluga o Matagaluega i galuega fai i tausaga ua tuana'i, ua tatou oo mai i lenei taimi o le tausaga fou, ae o lo o manuia lava lo tatou Atunuu. E pau lava lou popolega lau Afioga i le Minisita o le le lava o le seleni e fai ai lau faasoa. Ae e i ai nai manatu e fia taatia atu i luma o le Matagaluega aemaise o le Afioga i le Minisita, ina ia tagai i ai le Afioga i le Minisita.

E muamua ona ou momoli lau faafetai i Matagaluega sa faafeagai ma le Afa, aemaise lava le Matagaluega o Leoleo ma Falepuipui, Auaunaga o Tinei Mu ma Faalavelave Tutupu Faafuasei, o le Matagaluega o Punaoa Faalenatura ma le Siosiomaga le vaega lea o le DMO, ma e uma sa i ai i le taumafai e laveai nai o tatou tagata. Aua pei ona silafia pei e lua vaega o le mea lenei, o le vaega e o e fesoasoani i tagata rescue ma le vaega foi lele e o e tufa le fesoasoani, ave i ai fesoasoani aua la vaega ua oo i ai, e i ai se taimi ona ou talanoa lea i le vaega lea.

Ae muamua ona ou talanoa atu i le Matagaluega o Faatoaga, Faleoloa o Faatoaga i lau Afioga i le Minisita. O le vaega muamua pei ona ou vaavaai atu i le Lipoti, o lo o i ai le vaega lea i le maketiina o le talo.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafolaga i luga o le faitauga faalua

E fai lava sina ou faanoanoa i le vaega lea ona o lea lava e faapea mai le Matagaluega o Faatoaga, Faleoloa o Faatoaga e le o lava a tatou maketi. Sa i ai lou manatu, e pe le tatau i le Matagaluega o Faatoaga ona faafae e latou lea galuega, aua e foliga mai o lea ua faamatuu atu i le aufaipisinisi. A tagai i ai i le fesoasoani a le Matagaluega o Faatoaga lea e ave i ai i le vaega lea, e toe lava o le fai o le container a le Matagaluega o Faatoaga ave loa ma le talo, o lea e fai e latou e lauina o le talo, e fai e latou le quarantine ina o le talo, e fai e latou le fufuluina o le talo, e fesoasoani uma lava le vaega lea i le tagata faipisinisi lea e ave le talo, ae a tagai i le tau o le talo lea e i ai, e le o alu ai i luga le tau o le talo. O lona uiga, aisea la le mea e le faatino ai loa e le Matagaluega o Faatoaga, Faleoloa o Faatoaga lea vaega o le auaunaga, e sue e latou maketi, ave i tagata o lo o fala faatoaga e folia ai foi le faafitauli lea, o le le ave o talo lelei. Aua e folliga mai o lea e i ai lava le faafitauli lea o lo o tupu mai nei, o lea e taumafai e ave le tatou talo, a o lea e maua mai o lea e i ai faafitauli o le vaega lea.

O le vaega lona lua.....

FOFOGA FETALAI: Malie le sui usufono o lo o saunoa, sei...leaga ua faatolu pe faalua saunoaga a sui usufono mamalu, o lona uiga e tatau ona tali mai le Minisita e faamalamalama le atugaluga lea.

Tulai mai lau Afioga i le Minisita mo Faatoaga, Faleoloa o Faatoaga.

Afioga Hon Le Mamea Ropati: Faafetai i lau Afioga i le Fofoga Fetalai, faafetai foi i le saunoaga a le sui usufono. Ia atonu pe sa faafofoga lelei le sui usufono mamalu i le tatou Fonotaga talu ai, sa ou tolaulauina ai fuafuaga mo le lumanai a le Matagaluega, o lea e i ai tonu lava le mataupu lea.

O lea e i ai le fuafuaga a le Matagaluega o le a fuafuaina se fale foi lea e pack ai a tatou talo ma mea faapena i tai i le uafu, o lea foi ua uma ona faatalatalanoa ma le vaega lea a le Matagaluega i tai i le uafu mo le faaavanoa o se elele, o lea foi la e fai ia fuafuaga faapena. A o le taimi lenei, o lo o ua tele tele le tatou talo o lea ua maua e fesoasoani ai foi i le aufaifaatoaga, o lea e tatala atu lava le avanoa i le au private sector, po o ai lava se isi e fia ave se container i fafo, ia e mafai ona fesoasoani atu i ai le Matagaluega, i le fufuluina o le talo ma le tulaga tau quarantine ma mea uma faapena, ona ave lava lea o pusa talo, po o ai lava le nuu po o ai foi le tagata faipisinisi, o lea lava e tuu atu i ai le avanoa. A o le fuafuaga tonu lava lena a le Matagaluega e fai e le Malo i se taimi, o lea e tau fuafua ia tulaga ia mo le fausia o le Pack House, o lea ua uma ona fai le Pack House i Savali i Salelologa, ae toe la o tatou linei. Ae o le tulaga tonu lena lea na ou faamalamalama i le isi foi au folasaga i le Fonotaga talu ai.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua

O lau toe faaopoopo atu lena. A o le tulaga lea, o lea e avatu lava le fesoasoani a le Matagaluega, aua o le tele o nai tagata nei e le malamalama i tulafono bio-security i le oo atu o le talo i Niu Sila ma Amerika, aua o nou ia e lua o lea e ave i ai a tatou talo o Niu Sila ma Amerika, e i ai foi a latou tulaga o a latou tulafono mo le faaofi atu o faaeleeleaga a so o se atunuu i totonu o latou atunuu. Ia o lea la e fesoasoani ai le Matagaluega, aua e maimau le ave o le talo, ae avatu e le talia i fafo. O le Matagaluega lava latou e fia ofo atu le latou fesoasoani i le mamalu o le aufaifaatoaga. O sau faamalamalamaga puupuu lea ma le faaaloalo.

FOFOGA FETALAI: Malo faafetai mo le faamalamalamaga a le Afioga i le Minisita. Sei tulai mai lau Afioga i le Palemia, malie le sui usufono o lo o saunoa sei tuu atu le avanoa i le Afioga i le Palemia.

Susuga Hon Tuliapa Fatialofa Lufesoliai Aiono Neioti Saitile Mallelegaol: Lau Afioga i le Fofoga Fetalai, o le tuu tasia foi i le Matagaluega, o le omai o isi aufai talo ia te au o lea latou te ave le talo i fafo, o le latou mau, e mafai foi ona faaoga e le Malo e talatalanoa i faifeau aua a malosi foi le lagolago a faifeau, e mafai ona taulia le tatou talo i aulotu. Na ala ona aumai le tuualalo lena, ona o lea na latou iloa ou te...o lo o i ai lou valaau na aumai i le 50 Tausaga o le Sauniga e Faamanatu ai le 50 Tausaga o le EFKS Aukilani i Niu Sila, na sili atu ma le toaselau faifeau na i ai. Ia na fai ai lea o lau faasalalanga aloaia i totonu o le falesa, e silasila ifo i le tatou talo lea ua sili atu nai lo le talo Fiti, aua o le isi lea faafitauli, o lea e tauva le tatou talo ma le talo Fiti. Ia ma e alumia le talo Fiti i le tatou talo e tele le taumafalga ina ia faatalitonu tagata, ua lelei le tatou talo. O le taua la o le feau lea mo e fai talo, ia outou alolofa ave talo lelei i fafo. E mataga lou alu atu faasalalau i totonu o le falesa i le sili ma le selau faifeau, o lona uiga, o le ova atu foi lena ma le selau aulotu o lea na fai i ai le faasalalanga lena, o le tatou talo a tatou e sili atu ona toa ai le moa o le lafumamoe ma toe vave ai ona pepeti le lafumamoe. O le tulaga la mo tatou uma, e le faapea e tuutasia i le Matagaluega o Faatoaga, Faleoloa o Faatoaga e fai foi se tatou galuega. O tatou e toeititi lava lea se faifeau e i ai lo tatou sootaga, ia tatou talanoa foi tatou ma outou i faifeau o outou aiga i Niu Sila i Aukilani, faasalalau i ai tatou talo. O le taua lea o le faasalalanga lea, ona po o le a lava a tatou faamatalaga, ua masani tagata i le tausami o le talo Fiti, ua le masalomia le susu. O lea foi la ua lelei le tatou talo, a o le faigata o lo o i ai, o le faatalitonuina o tatou tagata ma isi foi tagata o le Pasefika, ua lelei le talo a Samoa i le tulaga lea ua i ai.

FOFOGA FETALAI: Malo faafetai. Tulai mai le sui usufono mamalu e faaauu le saunoaga.

22 IANUARI 2013

**Tulafono Tau Faaofi o le Faatataulna o Tupe Faaopoopo (Nu.1)
2012/2013 – felafolafolga i luga o le faitauga faalua**

Tofa AVEAU TUALA LEPALE NIKO PALAMO: Faafetai lava i manatu ua faaalua. Faafetai atu foi i le Afloga i le Palemia mo le saunoaga. E sao lelei le saunoaga lea a le Afloga i le Palemia, aua a tatou vaavaai nei i atunuu ia i fafo, e pau lava le tagata ai talo la e i o, o tagata Samoa. E tusa o le maketi aupito i sili lea ona tele o le talo, o tagata Samoa. O lona ulga, a lelei la ona fai le maketi lea, e tau i tagata Samoa, a outou o ifo e faatau le tatou talo, tou te le toe tigaina e lafo se tupe i Samoa aua o le tagata la e fai lona maumaga i Samoa o lea o le a aumai li e tago oe e faatau. O le vaega la i le ltu lea, e tatau ona faia e le Matagaluega o Faatoaga, leaga o le latou matafaioi lea. O le mea foi lena e ala ai ona ou fesiligia maketi ia, ona o lea ua saunoa sao lava le Afloga i le Palemia i le mea e tatau ona fai.

O le mea lona lua, ou te fia talanoa i le stimulus package lea na ave i ai le tatou tupe foi lea e \$100,000. E i ai lou manatu, e pel ua fail le vaega lea, ua le mafai le Matagaluega o Faatoaga ona faataunuu le vaega lea o le polokalame lea. O le fesili, aisea? O lou manatu i le vaega lea, e le tatau ona tuuala sua tagata faifaatoaga.

FOFOGA FETALAI: Malie le sui usufono o lo o saunoa se i tali atu le Minisita i le vaega lea.

Afloga Hon Le Mamea Ropati: Lau Afloga i le Fofoga Fetalai, ou te le o malamalama po o le a le uiga o le saunoaga a le sui usufono mamalu e faapea ua fail le mataupu lea. Ia manatua foi o le stimulus package, e le faapea e avatu loa, e avatu lava le fesoasoani a le Matagaluega i le amataga foi lele i le provide ina atu o mea toto, ae faatoa activate lava le avatuina o le tupe pe a uma le lua tausaga, toe alu atu le asiasiga, o la e lelei le maintain ina o lau faatoaga lea na avatu ai meatoto ma faaauau pea ma ua ola lelei laau. E le mafai ona avatua se tupe i se isi pe a avatu o la e ua sosolo atoa ai ni vao, vaeane lava le paia o le Maota, se i vagana ua asiasi atu, o la e faamaoni lava le sa resitala i le maintain ina o lana faatoaga.

Ia o lau fesoasoani atu lea, a o le mea latou o le fail, e le faapea o se mea e o atu le Matagaluega o atu fai le faatoaga. E leai, e avatu i le fesoasoani i le faifaatoaga, o la e alu e fai le faatoaga ma galue, a asiasi atu o la e manuia, o le tagata tonu lava lena e ave i ai le faamanufaga. Ae le ave se faamanulaga i le tagata na o le toto lava, alu atu o la e ua maualuga ai le vaofefe ma isi vao i luga o le faatoaga na fuafua. O si au fesoasoani atu lea ma lou faaaloalo lava.

FOFOGA FETALAI: Malo faafetai i le faamalamalamaga a lau Afloga i le Minisita. Tulai mai le sui usufono mamalu e faaauau mai le saunoaga.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafonaiga i luga o le faitauga faalua

Tofa AVEAU TUALA LEPALE NIKO PALAMO: E faamalulu atu i le Afioaga i le Minisita pe a faapea ua aafia lona finagalo i se manatu. O le manatu, e tuusao lava le manatu. Na talosaga mai le Matagaluega o Faatoaga i se tupe e fesoasoani e fai ai le polokalame lea o le stimulus package, lea na ave i ai le tupe lea e \$100,000 pe afai e sao. A o lea ou te vaai atu pe afai e sao lau maitau atu i le Tala o le Tupe, o lea ua toe faafoi mai le tele o vaega o le tupe lea. O lea la na ala ai ona ou fesili, ona o lea ua tali mai le Afioaga i le Minisita mo Faatoaga, o le galuega lea a le Matagaluega o Faatoaga e fai, o le o e vaavaai foi lele po o lelei le faiga o le faatoaga i taimi uma e tatau ona asiasi i ai ona ave lea o le totogi pe afai o lea na totogi. Aua a oo la i ni aso o i luma pe a toe talosaga mai i se mea faapenei, o le a la se tali i ai a le Malo i se mea faapenei? O le uiga lena o lou manatu.

O le vaega lona lua, o le \$16milion lava foi lea na ou tultuliloaina...

FOFOGA FETALAI: Ia malle le sui usufono o lo o saunoa se i toe tuu atu le avanoa i le Afioaga i le Minisita.

Afioaga Hon Le Mamea Ropati: Lau Afioaga i le Fofoga Fetalai, se i toe oo atu lava, atonu e le o maua mai e le sui usufono le mea lea ou te taumafai atu ai. O le tupe e totogi i le tagata o la e ua alu atu le asiasiga a le Matagaluega, o la e talafeagai ona ave i ai le tupe. Afai la e leai se isi e ave i ai le tupe, e toe ave le tupe e fai ai isi a tatou mea, ae le faapea o le a taatia ai lava le tupe lea na avatu. Aua e le faapea a avatu le tupe ona o lava lea tufatufa solo, e leai. O le mea e tatau ona fai, vaavaai lelei po o faamaoni le faifaatoaga i tuutuuga na ala ai ona resitala le tagata lea. Ae le faapea e gata ai, ae afai e alu alu ae o la e manaomia le tupe, ona toe talosaga foi lea i le Matagaluega o Tupe e toe aumai se tupe i totonu e toe pasia atu iinei. Ia ma lou faaaloalo lava. Faafetai.

FOFOGA FETALAI: Malo faafetai. Ou te manatu ua malamalama lea vaega o lou finagalo, ae agai o lea ua e see i le \$16milion lea ua taua.

Tofa AVEAU TUALA LEPALE NIKO PALAMO: Faafetai. E leai, e ala ona ou fesiligia le vaega lea na taua o le enhancement competitiveness programme lea e aumai ai le tupe foi lea, o lea na ou vaai i le nusipepa, masalo po o le lua vaiaso po o le tolu vaiaso ua tuanai ua faasalalau mai tagata e faafaigaluega i lalo o le polokalame lea. O lea foi o le a toe alu atu lena tausaga, ia na o se fesili lava i lau Afioaga i le Minisita, po o le a tonu lava le taimi e faatino ai lea polokalame.

Ona ou oo mai lea i le vaega lea i le 2AP, le tekonolosi lea e faapea e i ai le seleni e ave e fau ai le fale. Sa ou faapea lou manatu ai a aumai se fautuuga e privatise lea vaega o le auunaga, ae foliga mai ne i te i te i foi ua fai le fale fou lena, ona uma foi lea ona fai ae privatise i se kamupani.

22 IANUARI 2013

Tulafono Tau Faaofi o le Faatauinia o Tupe Faaopoopo (Nu.1)
2012/2013 – felafolafoaiga i luga o le faitauga faalua

Ae se i tagai ane, pe le ono privatise loa le 2AP ia e pei lava ona faasolosolo mai ai le tele o faasalalau o lo o i ai, aua e le afaina ai lava le tatou aufaigaluega, e uma lava ae faigaluega ai lava latou.

Ona ou oo mai lea i le Matagaluega o Tupe, ou te fia talanoa i le faatauinia o le PFL.

FOFOGA FETALAI: Malle lau Afloga i le sui usufono o lo o saunoa, sel tuu atu le avanoa i le Minisita mo Fesootaiga ma Faamatalaga Tekonolosi.

Afloga Hon Tuisugaletaua Sofara Aveau (Minisita mo Fesootaiga ma Faamatalaga Tekonolosi): Lau Afloga i le Fofoga Fetalai, i le taimi nei e le o i ai se fuafuaga faapena e faatutoatasi pe faatau atu le siufofoga o le Atunuu. O le molimau ola lava lea sa faafofoga i ai i le taimi o afa. I le taimi o afa, na o le lima pasene sa mafai ona cover e se nisi vaega faasalalau, ae selau pasene sa fala e le 2AP, e le i malolo lava le aufaigaluega. O le eseese lena.

FOFOGA FETALAI: Malo. Ia tulai mai le sui usufono, o lea ua ta agai i le Matagaluega o Tupe.

Tofa AVEAU TUALA LEPALE NIKO PALAMO: Lau Afloga i le Fofoga Fetalai, o le vaival ia o mafuaaga e le privatise ina ai lea tulaga, aua a privatise lava, e mafai lava ona faatino le vaega lea e saunoa i ai le Afloga i le Minisita. A o lea ua ou talanoa atu i le vaega lea.....

FOFOGA FETALAI: Malle lau Afloga i le Minisita o Tupe se i tuu atu le avanoa i le Afloga i le Palemia.

Susuga Hon Tuilaepa Fatialofa Lupesoliai Aiono Neiote Saitile Mallelegaof: Lau Afloga i le Fofoga Fetalai, sa i ai le fuafuaga e faapena muamua, ona toe sui lea o le faaluga a le Malo e pei ona saunoa atu le Minisita o lo o fitoltonu i ai le 2AP. O le mea moni lava, e i ai lava faaluga e alu alu lava ona fai lea o se faiga faapitoa, o le taimi la lea ua lloa e le Malo, e lelei lava ona taofiofi pea le 2AP ina ia oo atu i ai ana faatonuga i mea e tataua ona fai a le tatou Malo. O isi i tua atu o le Malo, o lea ua mautinoa foi talu ona alu atu i fafo le TV, e i ai lava polokalame a le Malo e fai, ae ua le faatino. E eseese lava mea ia i lalo o le pulega a le Malo ma le tulaga o le faalapotopotoga i fafo atu o le Malo.

Mo le leitilo lava ia, o le faaluga a le Faigamalo lenei, e le mafai ona privatise ina. E privatise nisi mea, a o le 2AP, e le mafai ona privatise ina i le taimi o lo o tutulai ai le vaega lenei i le pulega Malo.

FOFOGA FETALAI: E i ai se isi mea lau Afloga i le Minisita o Tupe a o le i tuuina atu le avanoa i le sui usufono o lo o saunoa.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoalga i luga o le faitauga faalua

Afioga Hon Tuisugaletaua Sofara Aveau: O lea o le a ou tall atu i le ma mataupu faatasi.

FOFOGA FETALAI: Ia, saunoa ia lau Afioga i le Minisita mo Fesootaiga ma Faamatalaga Tekonolosi.

Afioga Hon Tuisugaletaua Sofara Aveau: O le mea lea e tau manatu, o le saunoaga a le sui usufono mamalu e faapea e vaivai tele lea mea. A faatusatusa le selau i le lima pasene, a faatusatusa le lua, ona iloa lea o le vaivai o le mea lena e te saunoa i ai. Faafetai.

FOFOGA FETALAI: Malo. Masalo ua malamalama lea mataupu.

Tofa AVEAU TUALA LEPALE NIKO PALAMO: Masalo e le i maua e le Afioga i le Minisita le uiga o lau tall atu, ae taatia ia faapea.

FOFOGA FETALAI: Malo. Le Matagaluega o Tupe.

Tofa AVEAU TUALA LEPALE NIKO PALAMO: Ua ou oo atu i le Matagaluega o Tupe.

Sa fia avatu se manatu i le saunoaga a le Afioga i le Palemia, ae ui i lea, e leai, ou te usitai tele i lau Afioga i le Fofoga Fetalai. O le Matagaluega o Tupe, ou te fia fesiligia lava le faatauina o le Kamupani Vaa lea o le PFL, ona i le faatauina o le kamupani lenei, na o le lua lava tagata na mananao e faatau. E le lua ni tagata, e tasi le atunuu tasi le tagata, ae na o Samoa lava e mananao e faatau ma se tasi foi o tagata faipisinisi. Ona ou fesili ai lea faale-mafaufau, aisea le mea ua le manao ai Niu Sila, Ausetalia ma Fiti e faatau le kamupani lenei?

FOFOGA FETALAI: Tulai mai lau Afioga i le Sui Palemia.

Tofa Hon Fonotoe Nuafesili Pierre Lauofo (Sui Palemia): Lau Afioga i le Fofoga Fetalai, e lelei lava ona faasao atu le mataupu a le sui lea faatoa amata ona agai mai i le tulaga sao ina ne i faaauau ae sese ai ma faaauau ai le sese.

E leai e tasi le kamupani, e le o se tagata, o le kamupani vaa sa avane le latou offer e fia faatauina. E le na o le tasi foi ia ae na muamua le isi kamupani vaa, sosoo atu ai ma le isi kamupani vaa, ae mulimuli ai le offer a Samoa, ae leai se tagata toatasi na i ai sana ofo e faatau le kamupani lea.

FOFOGA FETALAI: Faafetai i le saunoaga malamalama a lau Afioga i le Sui Palemia. Tulai mai le sui usufono mamalu.

22 JANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua

Tofa AVEAU TUALA LEPALE NIKO PALAMO: Faafetai i lau Afloga i le Fofoga Fetalai, o lea ou te talanoa atu i mea o lo o aumai i Lipoti, ou te le o talanoa atu i ni mea foi ia mai... o lea ou te talanoa atu i mea o lea e aumai i totonu o le Lipoti. Ae afai la e sao le saunoaga a le Afloga i le Sui Palemia, ia faataatia i totonu o le Lipoti le vaega lea e saunoa i ai ona tatou malamalama lea. O le ala na ou fesiligia ai, aua e ala ona le toatele ni tagata e mananao e faatau se mea, ona e gau, ioe. O le mea lena e i ai, a o lea ua o Samoa, o lea lava e tuufesili lou mafaufau, pe aisea lava le mea na le beat ai Niu Sila, Ausetalia, Fiti, o atunuu e lava le tamaoaiga.

O lona lua o lou manatu, o le vaega lea i le seleni lea na ave e faatau ai i lalo o le vaega lea, e faapea e ave e totogi ai saofaga, dividends. O lavea i i ma le tau o le kamupani lea? O lavea i i ma le faatauina o le vaega lea i lalo o le tupe lea? Pe i ai foi se isi seleni e toe ave e faamatuu mai ai le vaega lenel?

O le vaega lona tolu, e i ai se vaa a le kamupani lenel? E i ai se vaa? Aua o fea se vaega ua o e faatau se kamupani ae leai se mea faigaluega?

FOFOGA FETALAI: Malie le sui usufono o lo o saunoa se i tuu atu le avanoa i le Afloga i le Sui Palemia.

Tofa Hon Fonotoe Nuafesili Pierre Laufofo: Lau Afloga i le Fofoga Fetalai, ua mafua ona ou tulai atu ona e faigofie lava tall i fesili e pel ona folasia mai. O tulaga lava la o taumafaiga a le tatou Malo e pei ona silasila i ai.

Ia manatua foi le tausaga na tea nei, sa tulai mai ai foi faafitauli o le feoaiga o vaa. O lea la sa maimoa foi i TV i faitloga sa faapena ona tuulua mai e le la foi itu. E faapea ua faitio mai ua tasi le taamilosaga a le vaa i le masina, ua faapena ona tau le maua nisi o oloa. Ia o fuafuaga la nei na agai ai loa le silasila a le tatou Malo po o le a la se fofose i tau fofose ai faafitauli ma isi foi faafitauli e faapena ona aliali mai. O lea la na tonu ai i le manatu, o le a tatou agai loa i le faatauina o le kamupani vaa lenel, ona o lo o taoto mai lona tau i se-tau taugofie, aua o ia e i ai foi nai ana la aitalafu, e pei foi o isi kamupani. E pei la o le tulaga lena sa tau fuafua i ai le tau o le kamupani. O le vaega lena na finau ai loa ma ave loa le tatou ofo foi lea e faatau e tatou le kamupani vaa. E le i ave la i ai ni ofo a Fiti ma isi atunuu o le Pasefika, aua foi o la e lelei tulaga o latou vaa, o la e foi o i ai a latou kamupani vaa. E le o se tulaga la e faapea o faapopoleina isi atunuu o le Pasefika i na foi fuafuaga i mea tau vaa, na o tatou lea sa i ai si faafitauli lea, o lea ua tatou agai i ai mo se fofose. Ia manatua foi, e tele tatou oloa foi nei e auna mai i totonu ma faaulufale mai totonu o le tatou Atunuu, e faamoemoe la i vaa e pei foi ona silasila. E i ai foi la tatou oloa e faapena ona launia atu i fafo pe faatauina atu i fafo, o le vaega la lea sa silasila i ai le tatou Malo i le tulaga o le security o le trade.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua

Ia manatua fol o le isi oloa tele a tatou lea e ave i fafo, o le oloa lea a le Yazaki. E le tau faamatalaina le taua o le Yazaki i le tatou Atunuu, o lo o maua ai galuega ma tele ai galuega a nisi o le tatou Atunuu i fuafuaga ia. E pei o tulaga na sa silasila ai foi.

O a tatou vaa, e fai le fuafuaga mo le faatauina o le Kamupani Vaa lenei e galue i fafo le vaa i lalo o faiga faa-feagaiga. O la ua toetiiti uma le taimi o Feagaiga na, ona aumai lea o le tatou vaa e galue iinei i le Pasefika ma lo tatou Atunuu e pei o le faamoemoe na faatauina ai le vaa lea i le amataga.

E pei o nai mataupu na sa laga mai e le sui usufono ma e manatu ai e lelei ona faamanino atu i le taimi lenei.

FOFOGA FETALAI: Malo faafetai mo le folasaga malamalama a lau Afioga i le Sui Palemia.

Se i tulai mai lau Afioga i le Minisita mo Faatoaga, Faigafaiva ma le Faleoloa o Faatoaga.

Afioga Hon Le Mamea Ropati: E toe fia faaopoopo atu lava i le saunoaga a le Afioga i le Sui Palemia i le mataupu lea.

O le tasi lenei Matagaluega e taua ai tele le regular o vaa, o le Matagaluega lenei o Faatoaga aemaise ai lava le naunautaiga lea mo le aveina o le talo ma isi fuafuaga mo maketi i fafo. Ona ua tulai mai ua tasi le vaa a le vaega lea sa masani ai e lua vaa foi lele e alu le isi i le isi vaiaaso ae sau le isi vaa. Ina ua tasi, sa lagona le faanoanoa aemaise le matou foi vaega i le Matagaluega lenei ona o le a pagatia le aveina o talo i fafo. Ma le isi mea, o le o atu o vaa i Fiti nonofo ai pe o atu i Toga, ae manatua a ave le talo e manaomia le alu sao ina ia vave ona oo i o ina ae i te i ua faaleagaina. O le tasi lea tulaga sa lagolagoina tele ai e lenei Matagaluega le aumai o le tatou Kamupani Vaa e pulea e tatou taimi e alu ai ma mea faapena, ina ia tuusao a tatou vaa ae aua le pulea mai e isi Kamupani.

O lau fesoasoani atu lea e tusa ai ma le folasaga a le Afioga i le Sui Palemia ma le faaloalo.

FOFOGA FETALAI: Faafetai lava mo le fesoasoani mai a lau Afioga i le Minisita.

Tulai mai le sui usufono mamalu, e i ai se mea o fia saunoa ai le sui usufono mo Aana Alofi Nu.3?

Tofa Toeolesulusulu Cedric Pose Salesa Schuster (Aana Alofi Nu.3): Lau Afioga i le Fofoga Fetalai o le mea e fia malamalama ai ona o lea e pei ona taua e le Sui Palemia faapea foi le Minisita mo Faatoaga, Faigafaiva ma le Faleoloa o Faatoaga le tulaga lea e faapea o le vaega tonu lea na faatau ai le vaa, ina ia mafai ai ona alu sao le vaa.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua

Afai nei ua faatau e Samoa le vaa, o lona uiga o le finagalo lea o le a mafai e le Kamupani Vaa lea ona lau a tatou oloa i Niu Sila ma Ausetalia. Pe alu la i Fiti e pei lava o fuafuaga ua leva ona faataatitia?

Ma lona lua lau Afioa i le Fofoga Fetalai, e fia fesiligia ona ua taua e le Afioa i le Palemia e tasi lea vaega na faatauina ai le Kamupani Vaa ona o vaega ia i le lava o vaa e omal i totonu o Samoa, ae e pei o lea ou te tau matauina e oo ane i le taimi e faatauina ai le PFL, ua uma ona toe soalaupule ma ua i ai kamupani ua toe faalelela ai feoaiga o vaa sa faapea ona atugalua ai.

Tofa Hon Fonotoe Nuafesili Pierre Lauofo: Lau Afioa i le Fofoga Fetalai, o le tulaga lea aua o lea e le i oo i le taimi e taunuu mai ai le tatou vaa, a o fuafuaga ia o lo o silasila i ai le Kamupani i le taimi nei. E galulue foi la e fuafua fealuaiga a lo tatou vaa i nisi vaa aua e le taofia e tatou nisi kamupani i le feoaiga o o latou vaa. O le tulaga lena o lea sa fuafua ai e le Malo le fealuaiga o le vaa, ae se i taunuu mai. O polokalame foi e fuafua lava i tulaga o manaoga o le Atunuu.

FOFOGA FETALAI: Malo faafetai. E toe faamanatu atu lava e le Nofoa tulaga i faaullavea i mea e fia faamalamalama ma mea e fia faasao ma fesili. E le mafai ona e tulai e fai se faaullavea i luga o se isi faaullavea. O le faaullavea e agai tonu i le o lo o saunoa ma agai tonu i ai le faamalamalama, ae e le mafai ona tulai le isi faaullavea i luga o le saunoaga a le isi faaullavea.

O le faamalamalama lena ina la taoto i lagatonu le tatou Fono ina la aua ai ne i to'alia a tatou galuega faagasolo.

O le talosaga atu lena a le Nofoa. Tulai mai lau Afioa i le Taitai o le Itu Agai.

Afioa Hon Palusalua Faapo II: Lau Afioa i le Fofoga Fetalai ou te fia fesoasoani atu i lau galuega. O lea ua uma ona e saunoa aua e ala ona umi a tatou Fono, o le tutulai mai o Minisita i taimi uma. E faatasi, faalua ma faalima, a o la e i ai o latou avanoa e tusa ai ma Tulafono Tumau. O le ala lena o le toso o a tatou Fono. A faasao lava le lauga aua o isi faaullavea, e faaullavea lava e le i malamalama le mataupu a le sui usufono o lo o tau avatu, ona toso ai lava lea o a tatou Fono.

E pei o le fesoasoani atu lea lau Afioa i le Fofoga Fetalai.

FOFOGA FETALAI: O lea ua maua le finagalo ma le fesoasoani mai a lau Afioa i le Taitai o le Itu Agai. O lea foi ua uma ona ou faataatia ma ua talltonu foi ua faafofoga le Afioa i le Palemia ma le Kapeneta, a o lo o i ai pea vaega o lo o fia tutulai mai ai Afioa i Minisita ma o lea ua uma ona ave le talosaga a le Fofoga Fetalai i lea Itu o le Maota.

Tulai mai le sui usufono mo Faleata Sasae e faaauau mai le saunoaga ua toe lila ou minute.

22 JANUARI 2013

**Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafolaiga i luga o le faltauga faalua**

Tofa AVEAU TUALA LEPALE NIKO PALAMO: Ou te alu lava i le taimi lau Afoga i le Fofoga Fetalai.

E i ai lava nai vaega ia na saunoa ai le Minisita mo Faatoaga ma o vaega ia e tatau ona fai lelei le plan o le faatauina o le vaa lenei aua o lea e saunoa le Minisita mo Faatoaga i le aveina o le talo, ae na o le lua container e ave i le masina, a o lea e aumai ai le vaa atoa e ave ai talo. A vaai nei i export ia e ave i fafo i le vaa lenei, o le mea lena e ala ai ona afe le tatou vaa i Fiti. Aua e tatau ona afe i Fiti ma e tatau foi ona afe i Toga. A o i ai se suafuaga a le Malo i le vaa lenei e alu atu sao lava iinei alu i o, o le matua gau lava aua e le lava a tatou oloa o ave e faaoga ai le vaa lenei.

FOFOGA FETALAI: Malle le sui usufono o lo o saunoa, se i tuu atu le avanoa i le Malo e tali atu.

Susuga Hon Tullaepa Fatialofa Lupesoliai Alono Neloti Sailele Mallelegaai: Lau Afoga i le Fofoga Fetalai, e i ai le upu foi lea e masani ai tatou, "O le mea e tupu e toe tupu foi". O le 41 tausaga talu ai sa amata ai ona faatalanoa se Kamupani Vaa a le Pasefika. Sa ou saofai ai i le uluai fonotaga sa fala i le 41 tausaga talu ai, a o le taimi lena o lea e aoga le sui usufono.

O le popolega o Samoa ona ua amata ona pulea e le fua-vaa a le Iuni e i ai le Matua ma le Tofua – Union Steamship le lauina mai o oloa ma e tai vaiaso lava ma sii i luga tau o oloa. Na matua tele ai le faagau le malle o le Malo o Samoa. Ona tupu ae ai lea o le manatu ia fai se Kamupani Vaa a Samoa ae faavae la i le fua-vaa a Toga. O le ala lea o le fonotaga muamua lava sa fala i Toga.

Ona alu, alu lea o feiloaiga nei manu ane e tusa na o Toga lava ma Samoa lea e aafia e moomia fesoasoani ia. O nisi atunuu e i ai Fiti e le moomia e Fiti ona o Fiti o le Willport. O le uiga o le faaupuga lena o le willport, o le taulaga e tu i le fetaulaiga o vaa i le sau mai Europa e agai mai i Asia. O lona uiga e oso atu ai lava i Fiti ma e le moomia la e Fiti se Kamupani Vaa. O gaoloiga la sa fai e atunuu uma o le Forum e agai tonu lava ia folia le faafitauli lea o lo o tupu la Samoa ma Toga. E lima lelei tausaga o faatalanoa ae alla'e mai ai le faafitauli tele, e tetee komunist o lo o pulea le waterside union i Niu Sila. Na iu lava ina sau ai le faatonuga mai le Palemia o Niu Sila o Kirk e tuu la outou tetee, ae tatala loa le avanoa i Malo o le Pasefika ina ia fai se latou Kamupani Vaa. O le 1976 na faatoa maua ai le faaluga a le Forum o le a fai loa le Kamupani Vaa a le Pasefika ae faavae i vaa e lua, na o le lua lava Malo. E oo mai lava la i le taimi lea na faaletonu ai mea ia, na o le lua lava Malo e sao i totonu i ina e auata i a la Kamupani Vaa.

O le tulaga la ua allali mai ina ua faaletonu le Pulega; e le o le faaletonu o vaa, a o le faaletonu o le Management na mafua ai faafitauli ia.

22 IANUARI 2013

Tulafono Tau Faaofi o le Faatatauina o Tupe Faaopopo (Nu.1)
2012/2013 – felafolafoaiga i luga o le faitauga faalua

O le manatu o Samoa e pei ona saunoa le Minisita, o lea o lo o ia Samoa le tomal e mafai ai ona faatino tulaga ia i le tomal ma le poto masani ona ua leva ona i ai Kamupani Vaa a Samoa i totonu lava o lo tatou Atunuu, e mafai ona faagaioi e Samoa le mea lea ma aveese mai le tulaga o le faagaioiga o le Pulega ae tuu i totonu o Samoa ma faatino ai le fuafuaga lea. E faigata la Toga, e le gafatia e Toga i lo latou tamaoalga o lo o i ai nei.

O le mafuaaga tonu lava lena, e taunuu le Malo i le tulaga lea ua sioti le tele o a tatou meaaai aemaise o building materials, ma ua vaai atu o le a toe tupu le mea lea na tupu i le tausaga e 1971. E le gata o le faigata ona maua e Samoa oloa, ae ua amata ona fesilitai le tiute ona e pulea mai e Kamupani mai fafo. A i ai la se Kamupani Vaa a Samoa e pulea e Samoa, o i ina e mafai ai ona fuafua atu ma taofiofi e Samoa le fesilitai o tau o felauaiga. E le gata i lea o lea o lo o i ai le mea tele lava lea e faalagolago i ina o le YAZAKI, e silia i le 1,000 o tatou tagata o lo o galulue ai. O le mea tonu lava lea e faaono taal ai tapilipili o le YAZAKI ma o ese atu ai loa pe a faaletonu le aveina i fafo o a latou oloa, ona afaina ai lea ma tagata faigaluega.

Lau Afloga i le Fofoga Fetalai, e loloto lava ma tele mafuaaga ia e mafua ai ona tatou agai i totonu e taofi le Kamupani Vaa ina ia aua ne i toe tupu le mea na tupu na mafua ai ona tulai mai le tatou Kamupani Vaa, aemaise o lea ua le o toe i ai se tetee a Waterside Union a Niu Sila ona o lea ua tu le Kamupani Vaa a le Pasefika lea ua tauave nei e Samoa.

Lau Afloga i le Fofoga Fetalai, tuu se i alu le mea. E tatau ona outou mitamita o lea ua tauave e Samoa le tulaga lea ina ia fesoasoani i le aufalpisilisi ma atiae le aufalfaatoaga uma a Samoa ina ia maua ma sologa lelei pea tulaga o le soloai mai o oloa mai fafo i ni tau e le soona tuua tele i luga pe a tuu e pule ai na o kamupani mai fafo.

Lau Afloga i le Fofoga Fetalai, o le toe faaopopo atu lena.

FOFOGA FETALAI: Malle lava le sui usufono sa tulai mai se i toe tuu atu le avanoa i le saunoaga a le Afloga i le Minisita.

Afloga Hon Le Mamea Ropati: Malle lava lau Afloga i le Fofoga Fetalai, se i fai atu lava sina au upu i le saunoaga lea a le sui usufono mamalu ona ou te matau atu e pei o se saunoaga faaamuamu foi lele e faapea na o le lua container i le masina lea e ave i fafo.

Lau Afloga i le Fofoga Fetalai, atonu o lea e manatua uma e lenei Maota, o a tatou talo sa matua leai lava, sa lavea tatou i le faamai foi lea o le taro leaf blight. Na o le saunoa mai e leai ni mea, a o lea e taumafai le Matagaluega ma ua laki o lea ua ave a tatou container, a o ia tausaga e tele na matua leai lava ma se container na aveina i fafo ona ua leai se talo i Samoa. O lea la ua amata ona toe lelei mai ua toetiiti lava solau pasene, ae e tatau ona outou saunoa mai foi lele e taumafai e uunai o tatou tagata, ae aua tou te saunoa e pei e amuamu.

22 IANUARI 2013

**Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua**

O lea ua foliga lelei le tatou talo o lea ua amata ona lelei, ae e pei e foliga mai e aamu faapea na o le lua container lea e ave i Niu Sila. I le taimi nei o lea foi ua ave container i Amerika, e tafau ona outou fiafia. E sili pe a e alu e fai sou maumaga talo e te fesoasoani mai ai, ae aua e te aamu ma pei e te taufalfai mai i le Matagaluega.

FOFOGA FETALAI: Malie lava le sui usufono mo le faasaoina o le faamaeaina o lou taimi, se i toe tuu atu le avanoa i le Afioaga i le Sui Palemia.

Tofa Hon Fonotoe Nuafesili Pierre Laufofo: Lau Afioaga i le Fofoga Fetalai, o le mataupu lea na aumai i le faaullavea e pei ona avatu, o le polokalame lava ia o le fealuaiga a le tatou vaa iinei i le Pasefika e aafia ai ma Samoa, o le a taatia mai, ae e pei ona saunoa le Afioaga i le Palemia, o le silasila mamao a le Malo na mafua ai ona tatou faatauina le Kamupani Vaa lenei. O polokalame ma fuafuaga mamao uma ia a le Malo e aafia ai – o lea ua faalaulloa le Ocean Campus a le Iunivesite Aoao a Samoa mo le kolenilina o o tatou seila. Masalo o se vaiimea iinei i Mulinu o le a amata ai le aoga lea. O le taimi nei mo le silafia, e 250 seila ia e galulue i fafo i le taimi nei. A tuufaatasi uma o latou totogi e maua ai le (SAT)\$10millona lea e sau i totonu o le Atunuu. O lona uiga o le tulaga lea o lea tatou te agai i ai o le vaaiga mamao ina ia maua se avanoa ia maua ai ni galuega a alo ma fanau i vaa e galulue ai i Atunuu i fafo. Ma le tulaga taua o le faatauvaga, aua o le mafuaaga lea o lea e agai i ai le tatou Kamupani Vaa, ia aumai i totonu e fai faatauvaga ia faapena ona pau ai i lalo le tau o le freight po o le tau o le aumai o oloa. O le tasi lea faiga faavae a le Malo o lo o faapena ona uunala pea o le faiga faatauvaga i totonu o pisinisi lea ua manula ai le tele o tagata lautele.

E pel lava foi ona silasila i faiga faatauvaga ia ua tulai mai i le Digicel ma le SamoaTel po o le BlueSky ma isi mau kamupani. O le toe faaopoopo atu lea lau Afioaga i le Fofoga Fetalai.

Afioaga Hon Palusalua Faapo II: Lau Afioaga i le Fofoga Fetalai o se mea e fia faamalamalama.

FOFOGA FETALAI: Malle, ou te ofo le Taitai o le Itu Agai ia te oe.

Afioaga Hon Palusalua Faapo II: Ia, ou te faaaloalo atu, leaga e vaivai tele mea mafuaaga lea e aumai.

FOFOGA FETALAI: Lau Afioaga i le sui usufono mo Faleata Sasae, o lea ua e faafofoga mai ua saunoa le Palemia, saunoa le Sui Palemia, saunoa le Minisita o Tupe, saunoa le Minisita na e saunoa i ai na o le lua containers e ave, ua matua malamalama lava le PFL. Faaiu mai lau saunoaga ua uma lou taimi.

22 IANUARI 2013

Tulafono Tau Faaofi o le Faatatauina o Tupe Faaopopo (Nu.1)
2012/2013 – felafolafoga i luga o le faltauga faalua

Tofa AVEAU TUALA LEPALE NIKO PALAMO: Faafetai lava i lau Afloga, o le a tatou o le malamalama ai ia faapea. Ou te matua lagolagoina lava pe ana aumai faapea e faatau se tatou vaa fou ae aua le faatauina lea kamupani gau.

O le vaega mulimuli o lau lauga, pe a finagalo i ai lau Afioga, o le vaega lea o le Punaoa Faanatura ma le Siosiomaga e uiga i le afa lea na tupu nei. E pei ona silafia i mea nei faanatura, o le Tsunami, e tasi lava le afaina o le galu. O le afa lea o Eveni, e lua aafiaga o le Atunuu sa i ai. Muamua, o le matagi. Ou te le oo la i le vaega lea, o le vaega lea e fuafua lava i le malosi o lou fale ma laau i autafa. A o le vaega ou te fia talanoa ai, o le lolovai, leaga tasi lenel Itumalo sa aafia tele i le lolovai lea. E ala ona ou fia talanoa i le vaega lea, o le matagi, e leai se tatou mea e fai i ai, o le malosi lava e aumai le Atua.

O le lolovai, e i ai le tatou mea e mafai ona fai i ai, ina ia puipuia ai tatou, aua ne i oo tatou i le mea lea sa i ai le vaega lea. E ala ona ou talanoa i le vaega lea, o le auala laupapa lea e i Vaimoso. Masalo ua silafia lelei e le Afioga i le Minisita aemaise o le pala o le Kapeneta. Ou te le oo foi la i ai faapea ou te tatalo atu e fai le auala laupapa, ae ou te tatalo atu, se i tagai ane, ona o le mafuaaga lea o le lolovai o Vaimoso, Fugalei, e sau i Apia, ona o le auala laupapa lea, aua e sau laau poloka i le auala laupapa, sau ai loa i luga le vai. Na ou taumafai ou te villi i le Afioga i le Minisita i le valaso na tea nei ina ua toe timu, peltai e le i maua atu le Afloga i le Minisita. Sa ou taumafai atu i ai mo se fesoasoani, ua amata ona toe alu i luga le vai ae o lo o manaomia se fesoasoani.....

FOFOGA FETALAI: Malie lava le sul usufono o lo o saunao, se i tulai mai le Minisita mo Galuega, Felauaiga ma Atinae Eseece.

Afioga Hon Manualesagalala Enokati Posala: Lau Afioga i le Fofoga Fetalai, na ona faamanino lava o le vaega lea i le auala laupapa. O lea ua i ai le fuafuaga e faaleleia le auala laupapa lea i Vaimoso. O lea foi na aumai fautuaga a le afloga ona o tafega ia na uma nei na aafia ai nisi o le pitonuu lea i uta. O vaega uma na o lea o le a agai i ai le faamoemoe o le Malo.

FOFOGA FETALAI: Le sul usufono mo Faleata Sasae ua uma lou taimi, o lea ua falli le Minisita, o le ala ou tuua lea o le avanoa e tali mai ai le Minisita, o lea o le a fai lo tatou auala laupapa.

Faauma mai lou taimi, o lea ua maea lou taimi.

Tofa AVEAU TUALA LEPALE NIKO PALAMO: Faafetai i lau Afloga i le Minisita. Na pau lava o lea, ia tagai ane ia vave fai, i uma foi lenel tausaga e le i faia lava.

22 JANUARI 2013

**Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoalga i luga o le faitauga faalua**

Ou te toe faafesili atu lava, toe tasi lava le vaega lea faamolemole i le soifua maloloina, le vaega lea o le mental i tagata foi nei e afaina o latou mafaufau. O lea ou te manatua sa i ai le tatou fale, le ward sa i uta i le falemai sa agai i ai le vaega lea. Na o le talosaga i lau Afloga i le Minisita, pe le toe mafai ona fai se vaega faapena e oo i ai, ia fola ai le tupu mai o le faalavelave lea, aua e le o se matafaiol lea a le Ofisa o Malu o le Malo.

O lona lua, o le vaega lea e sau i le Lipoti o le faamai lea e aafia ai.....

FOFOGA FETALAI: Lau Afloga i le sui usufono mo Faleata Sasae, ou te toe talosaga atu o lea ua....

Tofa AVEAU TUALA LEPALE NIKO PALAMO: Faafetal. Na ona faauma atu ai i le Afloga i le Minisita mo le Soifua Maloloina, se i tagai ane i faamai ia ua tele a tatou seleni o lo o alu ai, ae o lea lava e foliga mai e le o atu i lalo le aofai o tagata o lo o aafia ai, a o lea o lo o alualu lava i luga. Se i tagai ane, manala lau lauga i le fonotaga ua tuana'i atu, ae faafetai i lau Afloga i le Minisita mo le Soifua Maloloina.

FOFOGA FETALAI: Malo faafetal.

Tofa AVEAU TUALA LEPALE NIKO PALAMO: Lau Afloga i le Fofoga Fetalai, e ui lava ina ua tele le au faalavea vae ua uma ai lota taimi, ae taatia atu ia. E tele nai mataupu sa fia lagaina ona o le faafofoga foi a le tatou Kapeneta e lagolago i vaega e fai, ae faauma atu ai, e matua lagolagoina e lenei sui usufono le Tala o le Tupe e pei ona faataatia mai.

FOFOGA FETALAI: Malo faafetal. E taua finagalo ma lagona, o le a la foi lena o le taumafai atu o le Malo e talitali ma faamalamalama atugaluga o lo o tuu mai i totonu o a outou saunoaga. Ae talitonu le faamoemoe ua malamalama le fetalaiga a le sui usufono e tusa ai ma le taumafai o le Malo e tali atu.

O lo o avanoa pea le isi 20 minute, i se isi sui usufono e fia saunoa. Ia e mafai foi ona ta muamua i le aso a taeao ae tatou te le i malolo.

Afloga Hon Palusalua Faapo II: Lau Afloga i le Fofoga Fetalai ma lou faaalalo lava a o faatalitali se isi e lauga.....

FOFOGA FETALAI: Ia, tulai mai lau Afloga i le Taitai o le Itu Agai.

Afloga Hon Palusalua Faapo II: Ona o lea e maitauina lava e lenei Itu, ua puupuu lo latou taimi e saunoa ai ona o le tele o faauilavea. E leva ona tapena sui usufono o lenei Itu, ae a maitau i taimi e alu i faauilavea, ua puupuu ai lava le taimi.

22 IANUARI 2013

**Tulafono Tau Faaofi o le Faatatauina o Tupe Faaopoope (Nu.1)
2012/2013 – felafolafoaiga i luga o le faitauga faalua**

Ona pau lava lenei o le avanoa o le Itu Agai, na o iinei i le Palemene. E tatalo atu ai i lau Afioaga ina ia fuafua faapena, e le soaia e Laupua Tamafaiga, ae na ona tatalo atu ma le faaaloalo.

FOFOGA FETALAI: Lau Afioaga i le Taitai o le Itu Agai, o le aso muamua lenei o le tatou Fono i lenei tausaga, ua leva ona fia faigaluega le Palemia ma le Kapeneta, o le ala lena o le tatou tulai atu tali mai. Ae o le a taatia mai, ou te talltonu o le aso a taeao, leaga o lea faatoa tatou amata i le aso muamua, o lea foi ua faasllasila e le Fofoga Fetalai finagalo ma manatu.

Ia tulai mai lau Afioaga i le Palemia.

Susuga Hon Tuilaepa Fatialofa Lupesollai Alono Neioti Sailele Malielegaoi: Lau Afioaga i le Fofoga Fetalai, e oo loa saunoaga i vaega foi ia e matou te maitau atu e pei e i ai ni uiga alualua, matou tutu loa i luga. A o le saunoaga a se fasi o sui usufono mo Valmauga Sislfo, Tofa Lefau Harry Schuster, o le matua 500 pasene te manaia. Aua foi na o le tapuai lava, leaga o saunoaga e oooo i loto ma agaga ma le lava tapena. Ae a tulai ane loa e pei e fauai maa, o le mea la lena, na o maa foi tou te fetai ma outou.

FOFOGA FETALAI: Ia, tulai miala le sui usufono mo Aana Alofi Nu.3, ua avanoa le Maota mo lau saunoaga.

Afioaga TOEOLESULUSULU CEDRIC POSE SALESA SCHUSTER: Faafetal i lau Afioaga i le Fofoga Fetalai mo le avanoa. Faafetal foi i lenei tausaga ua mafai ona tatou aulia mai. E faumafai atu foi ni nai manatu e fesoasoani ai i le Tala o le Tupe ua faataatia i luma o le Maota i lenei aso.

E tusa ai o le Tala o le Tupe lau Afioaga i le Fofoga Fetalai, e muamua ona avatu le faafetai ma le faamalo i lau Afioaga i le Minisita o Tupe e tusa ai o le Tala o le Tupe. E matau atu e leal se aitalafu faaopoope, e ui ina ua tele le aitalafu i le tatou Atunuu, ae faafetai i le Minisita ona ua lava tapena ma ua leal se isi faaopoopoga tele e totogi po o se faaopoopoga i luga o aitalafu a le Atunuu, aua o lo o mafai lava ona faatino i seleni o lo o mafai ona maua i totonu o lenei tausaga faaletupe.

Lona lua lau Afioaga i le Fofoga Fetalai, e i ai nai atugaluga ona o nisi o Matagaluega o lo o faapea ona faatino mai ma faalloa mai o latou manaoga i totonu o le tatou Tala Faatatau o le Tupe Faapitoa. O se lagona lava lau Afioaga o lenei sui usufono, o le Tala Faatatau o le Tupe Faapitoa, e mo vaega e le i mafai ona tapenaina. Peitai ane, e fai lava sina tele o nisi o vaega o lo o aumai e faaopoope i totonu o Matagaluega e fesiligia ai, pe aisea ua le mafai ai ona lava tapena nei Matagaluega aemaise ai foi o taitai po o Minisita o nei Matagaluega i le aumai atoatoa o nei manaoga i le taimi na faatalanoaina ai le Tala o le Tupe i le amataga o le tausaga faaletupe.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faltauga faalua

Peltai e maitau atu, e seoloolo lava si seleni o lo o faapea ona moomia e Matagaluega taitasi, e taoto ai nisi o vaega o lo o i ai vaega faapitoa e fitoilonu i vaega e pei o galuega mo le tapenaina o le afaina o le tatou Atunuu i le afa, ma nisi o fonotaga sa le i fuafualina mai le amataga o le Tala Faatatau o le Tupe.

O lea e avatu ai se tuualalo lau Afioa i le Fofoga Fetalai i Matagaluega aemaise o Minisita ina ia lava tapena i taimi e faatalanoaina ai a tatou Tala o le Tupe i le amataga o le tausaga faaletupe, ina ia faaoo mai ai ina ia fuafua uma ai polokalame, ae faataoto Tala o le Tupe Faapitoa mo vaega e faapea ona le o.....

FOFOGA FETALAI: Malle le sui usufono o lo o saunoa se i tuu atu le avanoa i le Minisita mo Tupe Maua.

Tofa Hon Tuiloma Lameko (Minisita mo Tupe Maua): Lau Afioa i le Fofoga Fetalai, ua ou tulai atu i lau Afioa e fautuaina le sui usufono, e pei e fou i le faalogo, o le Tala Faatatau o le Tupe lau Afioa i le sui usufono, e le o se mea fou lena. E i ai lava le Tala Autu ia, a o faagasolo gaoloiga a le Malo, a i ai mea e tatau ona fai ona aumai lea, o lena fol e afala i le Tulafono. Ae pei e faalogologo atu e faapea e sese mea na aumai i Tala o le Tupe a le Malo. O le mea lea, e fuafua, e leai se mea faapena n asese, o fuafuaga lava ia e talafeagai ma le Tala o le Tupe. Ma le faaaloalo lau Afioa.

FOFOGA FETALAI: Malo, Faafetai mo le faamalamalamaga a lau Afioa i le Minisita. Tulai mai le sui usufono mamalu e faaauau le saunoaga.

Afioa TOEOLESULUSULU CEDRIC POSE SALESA SCHUSTER: Faafetai lau Afioa i le Fofoga Fetalai. E faafetai atu fol i le Afioa i le Minisita po o le Tama Matua o le Maota e tusa ai ma le faamalamalamaga. E leai, o le agaga o lo o avatu i le manatu, ina ia mafai, ona e i ai nisi vaega o lo o faaopoopo mai i totonu o le Tala Faaopoopo o le Tupe, i se maitau sa tatau ona sau i le vaega muamua o le Tala o le Tupe. Afai la ua pau ai i i, o le fautuaga, ae afai e le taliaina, o lo o i ina le uta a le faimea.

FOFOGA FETALAI: Se i tuu atu le avanoa i lau Afioa i le Minisita o Tupe e tulai mai.

Afioa Hon Faumuina Tiatia Faaolatane Liuga: Lau Afioa i le Fofoga Fetalai, o men ia o Tala o le Tupe, o fuafuaga e faamalalo ai tupe faagaga mo le faataatiga o polokalame. Afai lava e silasila atu le Malo i mea ua tatau ona ave i ai le faamuamua po o mea ua tutupu mai, e tatau ona ave i ai le faamuamua, ona toe fetuunai lea o tupe.

22 IANUARI 2013

**Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua**

O le \$14milionā lea o lo o soalaupule nei ma e fetuunai ai tupe i vaega o lo o ave i ai le faamuamua. E ova i le afa o le Tala Faaopoopo Muamua o le Tupe o compensation o fanua e faasao faatasi ai ma le \$5milionā mo le toe faaleleia o isi galuega fuafua mo le afa na tuanaī nei. O le fetuunaiga la o tupe ina ia talafeagai mo manaoga o le taimi nei. A o le fuafuaga fuutuamamao mai le Tala Autu o le Tupe, e mafai lava ona fetuunai, ae le o le le saunia o Matagaluega faapena foi ma le Malo i le fetuunaiga e tatau ona fala mai lea taimi i lea taimi. O le agaga o le Tala Autu o le Tupe e faataatia ai polokalame, ae a oo i le taimi e sui ai le mana o faupena ona fetuunai mea e ave i ai le faamuamua, o i ina e toe aumai ai i le Palemene lenēi, o lea e taatia le Tulafono e pei ona saunoa le Minisita mo Tupe Maua. Ma lou faaaloalo lava.

FOFOGA FETALAI: Malo. Mo le faasaoina o lou taimi, se i tulai mai le Afloga i le Palemia.

Susuga Hon Tuilaepa Fatialofa Lupesoliai Alono Neloti Sillele Mallelegaofi: Lau Afloga i le Fofoga Fetalai, ou te toe tulai atu lava e toe polili atili le mataupu faaopoopo lea, mai lava i le amataga, o le ituaiga finagalo lea na faaalua, o le finagalo lena talu lava ona ou oo mai i totonu o le Palemene lenēi, e aumai pea, aumai pea, aumai pea. Ae o le tall faigofie lava, a tatou fuafuaina le Tala o le Tupe ia Iuni e faatino mo Iulai e tau ia Iuni o le tausaga fou, o lea tatou te perofeta vavalo i le agai atu i le lumanai. Na o le Atua lava na te silafia mea e tutupu i le 12 masina o lumanai. O le ala foi la lena ua e faafofoga foi i le isi Paketi a Obama lea na fai, lea na ia talosagaina ai le Fono Aoaō Faitulafono, le fale i luga ma le Senate ma le fale i lalo, House of Representatives, e toe pasia le \$700tillionā e le pillionā ae tillionā, e \$700tillionā ua toe moomia e le Malo o Amerika. E oo lava i Malo o la e afe ma afe polofesa, o perofeta vavalo i le lumanai, e le o mafai lava ona iloa e se isi le mea e tupu i le 12 masina o lumanai. O le ala lena o lea foi na faatulaga ai fonotaga a le Palemene e mafai ai ona toe aumai se Tala Faaopoopo e kava ai tatou i le tatou le mafai ona iloa mea e tutupu i le aso a taeao. Na o le Atua e i ai le power lena. O lona uiga, o le finagalo o le sui usufono ina ia perofeta uma matou. E leai lava se tagata na te mafala lena mea. Ia manuia le tatou Fono.

FOFOGA FETALAI: Faafetai. Tulai mai le sui usufono e faaauu le saunoaga.

Afloga TOEOLESULUSULU CEDRIC POSE SALESA SCHUSTER: Faafetai i lau Afloga i le Fofoga Fetalai. O le a ou see loa i nisi o mataupu foi po o nisi o fautuaga e tusa ma le Tala o le Tupe, aemaise o manaoga foi o lenēi Itumalo.

22 IANUARI 2013

Tulafono Tau Faaofi o le Faatatauina o Tupe Faaopoopo (Nu.1)
2012/2013 -- felafolafoalga i luga o le faltauga faalua

O le vaega muamua lau Afloga i le Fofoga Fetalai, e avatu le faafetai i lau Afloga i le Minisita ma le Matagaluega o Aoga e tusa ai ma le fausia o le aoga faa-itumalo mo Aana e amata atu i Aana Alofi Nu.1 sela tau ia Aana Alofi Nu.3, ua saunia nei mo le umusaina. Faamalo faafetai i lau Afloga mo lenei galuega tele. Ae o le tuualalo lau Afloga, e manala le faleaoga, ae o le popolega tele o lo o i ai, e le au i ai le vai i le taimi nei. O le talosaga o lo o faapea ona faaoo atu e tauala atu i lau Afloga i le Fofoga Fetalai ma le Minisita, pe mafai ona fai se pamuvai e pamu atu ai le vai mai le auala ina ia mafai ona faaogaina nei faleaoga fou, ne i te i foi ua uma ona fai le faleaoga ae tele ina tuua ona e le sua le suavai i totonu o nei faleaoga lau Afloga i le Fofoga Fetalai.

Lua, e avatu le fesoasoani i le Matagaluega o Galuega, e faafetaia le tele o galuega ua vaala ua faatinoina lelei, aemaise lava i le galuega mo auala. E maitauina foi i le afa na se i mavae atu nei lau Afloga i le Fofoga Fetalai, i le tele o le aafiaga o tatou auala sa i ai, ou te talitonu o le lelei o le faiga o alavai. E toe avatu ai foi le tuitui i lau Afloga i le Minisita aemaise o le Pulega ma le Matagaluega o lo o feagai ma le fausia o auala ina ia fai faalelei alavai i auala e faaitiitia ai le faateaga soo i taimi o timuga aemaise o lologa.

Lau Afloga i le Fofoga Fetalai, e avatu foi se fesoasoani ona o le afa sa faapea ona feagai ai ma le Atunuu.....

FOFOGA FETALAI: Ou te vaelupeina le saunoaga a le sui usufono mamalu ona ua tatou taunuu i le tatou taimi malolo. Ou te talitonu o lea o le a e sec le sui usufono mo Aana Alofi Nu.3 i nisi o mataupu fou, o le a avatu le avaoa muamua i lau Afloga i le tatou Aso Fono a taeao.

Ou le manatu ma le lagona i lenei aso le paia maualuga o le tatou Maota o lea ua tatou taunuu i le taimi manava. O lea e momoli atu ai le faagaectia ona o le tatou aso muamua lenei o le uluai fonu o lenei tausaga, o le amata soalaupuleina o le Tala Faaopoopo o le Tupe. Malo le tofa, malo le onosai i lenei aso, malo foi le saunoa, malo foi i le Malo, le Palemia ma lau Kapeneta le taumafai e faapupula ma faamalamalama le tatou galuega. E i ai le talitonuga o le Nofoa a malamalama lava se mataupu ua uma foi fesili. E momoli atu foi le faafetai i lea Itu o le Maota i sui usufono mamalu uma na sausaunoa i lenei aso, o lo o faafofoga tapuai le Maota, o lo o faapena foi ona faafofoga ma tapuai o tatou nuu ma afloga ma Samoa atoa o lo o latou tatalo mai aua le tatou alofaiva.

O le agaga ma le faamoemoe i lenei aso i tulelga ma saunoaga, vilia le Atua ua tatou taunuu i le siul o galuega o lenei aso.

Ao lei manava le tatou galuega ou te tatalo atu i lau Afloga i le Minisita mo Galuega, Felaualga ma Atinae Esecese la alofagia moli uma i le lotoa o le Palemene nei. E i ai le faamoemoe o le aso a taeao e tatau ai ona tatou fonu po mo le faafoeina o le tatou galuega.

22 IANUARI 2013

**Tulafono Tau Faaofi o le Faatatauina o Tupe Faaopoopo (Nu.1)
2012/2013 – felafolafoaiga i luga o le faitauga faalua**

A i ai ni alofa o lo o i ai tulaga e le o atoatoa i totonu o le Malae nei i moli aemaise o pou sa faaleagaina e tatalo atu ai i le agaga faaaloalo tele ina ia alofagia ina ia fai ane le tatou fonu po i le aso a taeao ua maea ona faalelele. O le tatalo atu lea i lau Afloga i le Pafemia aemaise le Afloga i le Minisita ina ia sologa lelei le tatou Polokalame i le aso a taeao.

Ao lei faaiuina le tatou fonu, ou te tatalo i se tasi o sui usufonu mo Faasaleleaga Nu.1, Afloga Hon Gatoloaifaana Amataga Alesana Gidlow e na te saunia se tatalo e faalu ai lenai aso.

Tatalo.

Na tolopo Taulumaga a le Fono Aoaio i le Itula e 1:00 i le aoauli seia aulia le itula e 9:00 i le taeao o le Aso Lulu, 23 Ianuari 2013.